


	As	P.	ধর্মশিক্ষা	...	...	০৫
Defence of Brahmoism } and the Brahma Samaj }	3	"	ব্রহ্মসাধন	...	...	10
Brahmic Questions of the Day	4	6	ব্রহ্মজ্ঞানসূত্র তাৎপর্য সহিত	...	...	150
Brahmic Advice, Caution and Help	2	8	ব্রাহ্মধর্ম ভাব প্রথম খণ্ড	...	...	০৫
Adi Brahma Samaj, its Views and Principles	1	6	ব্রাহ্মধর্ম ভাব দ্বিতীয় খণ্ড	...	...	10
Adi Brahma Samaj as a Church	2	3	ব্রাহ্মধর্মের সহিত জ্ঞান সমাজের সংঘর্ষ	...	...	০৫
A Reply to the Query; "What is Brahmoism?"	3	"	ব্রাহ্মধর্ম ও ব্রাহ্মসমাজ বিষয়ক প্রস্তাব	...	...	০৫
Theistic Toleration and Diffusion of Theism	0	9	উপদেশ	...	...	৫
Reply to Bishop Watson's Apology for the Bible	4	6	দুর্ঘোৎসব	...	...	০৫
			পঞ্চবিংশতি বৎসরের পরীক্ষিত বৃত্তান্ত	...	...	০৫
			সঙ্গীত মঞ্জরী	...	...	10
				Rs	As	P.
			Ontology	1	"	20
			Hindoo Theism	"	"	6
			Theist's Prayer Book	"	"	5
			Signs of the Times	"	"	6
			Doctrine of Christian Resurrection	"	1	"
			Physiology of Idolatry	"	1	"
			Miracles or the Weak Points of Revealed Religion	"	4	"



তত্ত্ববোধিনী পত্রিকা

ব্রহ্মসংকল্পদ্বিতীয়ং সৌম্যম্ কিংবাধীশ্বরিং সত্যমস্বলম্। নহি ন্যায়ং ব্রাহ্মসংকল্পং যিৎ সত্যমস্বলম্।
সত্যমস্বলম্ সত্যমস্বলম্ সত্যমস্বলম্ সত্যমস্বলম্ সত্যমস্বলম্।
সত্যমস্বলম্ সত্যমস্বলম্ সত্যমস্বলম্ সত্যমস্বলম্ সত্যমস্বলম্।

বিজ্ঞাপন

ত্রিগুণাশ সাংবৎসরিক

ব্রাহ্মসমাজ।

১১ মাঘ মঙ্গলবার প্রাতঃকাল
৮ ঘটটার সময়ে আদি ব্রাহ্মসমাজ-
গৃহে এবং সারংকাল ৭ ঘটটার
সময়ে শ্রীযুক্ত প্রধান আচার্য্য
মহাশয়ের ভবনে ব্রহ্মোপাসনা
হইবে।

শ্রীজ্যোতিরিন্দ্রনাথ ঠাকুর।

সম্পাদক।

ছান্দোগ্যোপনিষৎ।

পঞ্চমপ্রপাঠকে তৃতীয়ঃ খণ্ডঃ।

যেতকেতুর্হাক্ষণেঃ পঞ্চালানাং সমিতি-
মেয়াং তং হ প্রবাহণেজৈবলির্বচ কুশারানু
শাশিষংপিতা ইতানু হি ভগব ইতি ॥১॥

‘যেতকেতুঃ’ নামতঃ অক্ষণ্যাপত্যাক্ষণ্যাপত্য
‘অক্ষণেঃ’ ‘পঞ্চালানাং’ জনপদানাং ‘সমিতিঃ’ সভাঃ
‘এয়াং’ আশ্রয়ঃ। ‘তং হ’ আগতবস্তং ‘প্রবাহণঃ’
নামতঃ জীবল্যাক্ষণ্যং ‘জৈবলিঃ’ ‘উবাচ’ উক্তবান্।
হে ‘কুমার’ ‘বা’ হাং ‘অশ্বশিষং পিতা ইতি’। কিম-
শ্বশিষং পিতৃতার্থঃ। ইত্যুক্তঃ স আহ। হে ‘ভগবঃ’
ভগবন্ ‘অনু হি ইতি’ অনুশিষ্টোপি ॥১॥

যেতকেতু অক্ষণেঃ পঞ্চালবাসীদিগের সভা-
স্থলে উপস্থিত হইয়াছিলেন। সেখানে প্রবাহণ
জৈবলি তাঁহাকে জিজ্ঞাসা করেন যে, হে কুমার!
তোমাকে কি তোমার পিতা কিছু শিক্ষা দিয়াছেন?
তাঁহাতে, আজ্ঞা হাঁ মহাশয়! বলিয়া তিনি উত্তর
করিলেন ॥১॥

বেথ যদিতোহপিপ্রজাঃ প্রযন্তীতি ন ভগব
ইতি। বেথ যথা পুনরাবর্তন্তা ও ইতি ন
ভগব ইতি। বেথ পথোদেবযানস্য পিতৃ-
যানস্য চ ব্যাবর্তনা ও ইতি ন ভগব ইতি ॥২॥

‘বেথ’ ইত্যঃ অশ্বশিষ্যোঃ ‘যং’ অশ্বঃ উক্তং যং
‘প্রজাঃ’ ‘প্রযন্তি’ গচ্ছন্তি। তং কিং জানীয় ইত্যর্থঃ।
‘ন ভগব ইতি’ আহ ইত্যরো ন জানেহং তদ্বৎপৃচ্ছসি।
এবং তস্মি ‘বেথ’ জানীয়ে ‘যথা’ বেন প্রকারেণ ‘পুনঃ’
আবর্তন্তাঃ তাঃ প্রজাঃ ইতি ‘ন ভগব ইতি’। ‘বেথ’
‘পথোঃ’ মার্গয়োঃ সহ প্রযাপয়োঃ ‘দেবযানস্য পিতৃ-
যানস্য চ’ ‘ব্যাবর্তনা’ ব্যাবর্তনং ইত্যন্তরবিষয়ং যানং
সহ গচ্ছতামিত্যর্থঃ ‘ইতি’ ‘ন ভগব ইতি’ ॥২॥

প্রবাহণ জৈবলি শ্বেতকেতু আকণ্ঠে প্রস্থ করিলেন—যুতুর পরে লোকেরা ইহলোক ছইতে উর্দ্ধে কোথায় গমন করে তাহা কি তুমি জান? শ্বেতকেতু বলিলেন না মহাশয়। যে প্রকারে পুনরাবর্তন করে তাহা জান। না মহাশয়। “দেব-যান এবং পিতৃযান পথের বিচ্ছেদ কোথা ছইতে ছইয়াছে তাহা জান”। “না মহাশয়” ১২

বেথ যথাহমৌ লোকো ন সম্পূর্বাতো ও ইতি ন ভগব ইতি। বেথ যথা পঞ্চম্যা-মাহিতাবাপঃ পুরুষবচসোভবন্তীতি নৈব ভগব ইতি ৥৩৥

‘বেথ’ ‘অসৌ লোকঃ’ পিতৃযানসম্বন্ধী ‘যথা’ যেন কারণে ‘ন সম্পূর্বাতো ইতি’ ন সম্পূর্ব্যতে। ‘ন ভগব ইতি’ প্রত্যাহ। ‘বেথ’ ‘যথা’ যেন ক্রমেণ ‘পঞ্চম্যাঃ’ পঞ্চসংখ্যায়ঃ ‘আহতো’ হতাশ্রমাহতিনিবৃত্তা আহতি নাশনাশ ‘আপঃ’ ‘পুরুষবচসঃ’ পুরুষবাচ্য। ‘ভবন্তি’ পুরুষাণাং ভবন্ত ইত্যর্থঃ ‘ইতি’ ‘ন এব ভগব ইতি’ ৥৩৥

তুমি কি জান কি কারণে ঐ পিতৃযান সম্বন্ধীয় লোক পূর্ণ হয় না? না মহাশয়। তুমি কি জান কি প্রকারে পঞ্চম আহৃত জল পুরুষ আখ্যা প্রাপ্ত হয়? না মহাশয় ৥৩৥

অথ নু কিমনুশিষ্টোহবোচথা যোহীমানি ন বিদ্যাৎ কথং মোহনুশিষ্টো ব্রবীতেতি স হাবন্তঃ পিতুরন্ধমেয়ায় তং হোবাচাননু-শিয়া বাব কিল মা ভগবানব্রবীদনুশিষ্যমিতি ৥৪৥

‘অথ হ’ এবংমন্তঃ সন্ ‘কিং অনুশিষ্টঃ’ অগ্নি ইতি ‘অবোচথা’ উক্তবানসি। ‘যঃ হি ইমানি’ মযা পৃষ্ঠান্যর্থ-জ্ঞাতানি ‘ন বিদ্যাৎ’ ন বিজ্ঞানীয়াৎ ‘কথং সঃ’ বিদ্যং ‘অনুশিষ্টঃ’ অশ্রীতি ‘ব্রবীত ইতি’। এবং ‘সঃ হ’ শ্বেত-কেতু রাজা ‘আবন্তঃ’ আয়াসিতঃ সন্ ‘পিতুঃ’ ‘অর্জঃ’ স্থানং ‘এয়াঃ’ গতবান্ ‘তং’ পিতরং ‘হ উবাচ’ ‘অননু-শিয়া’ অনুশাসনমক্ৰমেণ ‘মা’ মাং ‘বাব কিল’ ‘ভগবান্’ সমাবর্তনকালে ‘অব্রবীৎ’ উক্তবান্ ‘অনু শা’ অশিষং ইতি’ অশিষং হামিতি ৥৪৥

তবে তুমি কি শিক্ষিত ছইয়াছ বলিতেছিলে? যে এই সকল বিষয় জানে না সে কি প্রকারে আপ-নাকে শিক্ষিত বলিয়া পরিচয় দেয়? অনন্তর শ্বেতকেতু প্রত্যাগমন করত পিতার নিকট আসিয়া

তাহাকে বলিলেন যে মহাশয়! আমাকে শিক্ষা না দিয়াই বলিয়াছিলেন যে শিক্ষা দিয়াছি ৥৪৥

পঞ্চ মা রাজন্যবজ্জুঃ প্রশ্নানপ্রাক্ষীভেযাং নৈকঞ্চ নাশকং বিবজ্জুমিতি। স হোবাচ যথা মা ত্বং তদৈতানবদৌ যথাহমেবাং নৈক-ঞ্চন বেদ যদ্যহমিমানবদিযাং কথং তেনাবক্ষ্য-মিতি ৥৫৥

বক্তঃ ‘পঞ্চ’ পঞ্চসংখ্যাকান ‘প্রশ্নান’ ‘মা’ মাং ‘রাজন্যবজ্জুঃ’ রাজন্যাঃ বন্ধবোধিন্যোতি রাজন্যবজ্জুঃ স্বয়ং দ্রব্ভ ইত্যর্থঃ ‘অপ্রাক্ষীৎ’ পৃষ্ঠয়ান্ ‘ভেযাং’ প্রশ্নানাং ‘ন একং চ’ নৈকরপি ‘ন অশকং’ ন শক্তবানহং ‘বি-বজ্জুঃ’ ইতি বিশেষণার্থতো নিপেতুমিতিার্থঃ। ‘সঃ হ উবাচ’ পিতা ‘যথা মা’ মাং ‘তং’ ‘তদা’ আগমনমাত্রমেব ‘এতান্’ প্রশ্নান্ ‘অবদঃ’ উক্তবানসি ‘ভেযাং’ নৈকঞ্চ নাশকং বিবজ্জুমিতি তথা মাং জানীহি তদীয়াজ্ঞানেন লিঙ্গেন মম তদ্বিবয়মজ্ঞানং জানীহীত্যর্থঃ। কথং ‘যথা অহং এযাং’ ন একঞ্চ ন বেদ’ ন জানে ইতি। ‘যদি অহং’ ‘ইমান্’ প্রশ্নান্ ‘অবদিযাং’ বিদিতবানস্মি ‘কথং তে’ তুভ্যং শ্রিয়ায় পুত্রায় সমাবর্তনকালে পুত্রা ‘ন অবক্ষ্যাম্’ ইতি’ নোক্তবানস্মিতি ৥৫৥

রাজন্যবজ্জু ক্ষত্রিয় আমাকে পাঁচটা প্রশ্ন জিজ্ঞাসা করিয়াছিলেন, তাহার আমি একটিরও উত্তর দিতে পারি নাই। তাহাতে তাহার পিতা বলিলেন যে যেমন তুমি আসিয়াই আমাকে বলিলে যে আমি ইহার একটিও জানি না, সেইরূপ তুমি আমাকেও জান। যদি আমি ইহা জানিতাম তবে তোমাকে আমি কেন না বলিতাম ৥৫৥

স হ গৌতমো রাজোহর্জুনৈরায় তস্মৈ হ প্রাপ্তাবার্ষিক্যকার মহ প্রাতঃ সভাগ উদেযায় তং হোবাচ নানুযস্য ভগবন্ গৌতম বিত্তস্য বরং ব্রুনীথা ইতি স হোবাচ তবৈব রাজন্ যানুযং বিত্তং যামেব কুমারস্যান্তে বাচমভাষ-থাস্তামেব মে ব্রহীতি ৥৬৥

এবং উক্ত। ‘সঃ হ গৌতমঃ’ ‘রাজঃ’ জৈবলোঃ ‘অর্জঃ’ স্থানং ‘এয়াঃ’ গতবান্ ‘তস্মৈ হ’ গৌতমায় ‘প্রাপ্তায়’ ‘আর্হাৎ’ অর্হাৎ ‘চকার’ কৃতবান্ ‘সঃ হ’ গৌতমঃ কৃত-তিথ্য উদিত্য পরেছাঃ ‘প্রাতঃ’ প্রাতঃকালে ‘সভাগে’ সভাং গতে রাজি ‘উদেযায়’ উদ্যতবান্। ‘তং হ উবাচ’ রাজা ‘যানুযস্য’ মনুয্যসম্বন্ধিনঃ ‘বিত্তস্য’

প্রাণসেঃ 'বর' হে 'ভগবন্ গোতম' ব্রণীয়াঃ ইতি প্রার্থ-
যেধাঃ। 'সঃ হ উবাচ' গোতমঃ 'তব এব' হে 'রাজন্'
'মাম্বাং বিত্তং' 'যাং এব' 'কুমারস্য' মম পুত্রস্য 'অন্তে'
সমীপে 'বাচং' পঞ্চপ্রস্থলক্ষণং 'অভাষণাঃ' উক্ত-
বানসি 'তাং এব' বাচং 'মে' মহ্যং 'ক্রুহি ইতি' কথ-
য়তি ৷৬৪৷

এই বলিয়া গোতম রাজার নিকট গমন করিলেন।
রাজা তাঁহাকে আগ্রহের জ্ঞানিয়া মংকার করিলেন।
প্রাতঃকালে সেই গোতম সভাস্থ রাজার নিকট
উপস্থিত হইলেন রাজা তাঁহাকে বলিলেন, হে ভগ-
বন্ গোতম! মনুষ্য সম্রাজ্য বিত্তের বর গ্রহণ
করুন। গোতম বলিলেন হে রাজন্, মনুষ্য সম-
্রাজ্য বিত্ত আপনারই থাকুক। আমার কুমারের
নিকট যে বাক্য প্রণয় করিয়াছিলেন তাহাই আমাকে
বলিয়া দেন ৷৬৫৷

সহ কৃচ্ছ্রী বভূব তং হ চিরং বসেত্যা-
জ্ঞাপয়াকর। তং হোবাচ যথা মা ত্বং
গৌতমাহবদৌ যথেষ্ম প্রাক্ততঃ পুরা বিদ্যা
ব্রাহ্মণান্ গচ্ছতি তস্মাদ্ সর্বেষু লোকেষু
ক্ষত্রস্যৈব প্রশাসনমভূদিতি তন্মৈ হোবাচ ৷৬৬৷

'সঃ হ' রাজা 'কৃচ্ছ্রী' হুংখী 'বভূব'। 'তং হ'
গৌতমঃ 'চিরং' দীর্ঘকালং 'বস ইতি' এবমাজ্ঞাপয়াক-
র আজ্ঞাপন। 'তং হ উবাচ' রাজা 'যথা' যেন
প্রকারেণ 'মা' মাং হে 'গৌতম' 'অবদঃ' হং 'তামেব'
বিদ্যালক্ষণং 'বাচং' মে ক্রুহীতি। ভ্রান্তি বক্তব্যং
'যথা' যেন প্রকারেণ 'ইয়ং' বিদ্যা 'প্রাক্ততঃ' ব্রাহ্মণান্
'ন' 'গচ্ছতি' ন গচ্ছতী। ন চ ব্রাহ্মণা অন্যথা বিদ্যা-
য়ানুশাসিতবন্তঃ। তথৈতৎ প্রসিদ্ধং লোকে যতঃ
'কথ্যং' উ 'পুরা' পূর্বে 'সর্বেষু লোকেষু' 'ক্ষত্রস্য' এব
ক্ষত্রজাতৈবেব অন্যথা বিদ্যা 'প্রশাসনং' প্রশাস্তব্য-
শিবাণাঃ 'অভূৎ' বভূব। তন্মৈ হ উবাচ' বিদ্যা
রাজা ৷৬৭৷

ইহাতে রাজা হুঃখিত হইলেন এবং তাঁহাকে
দীর্ঘকাল বসিতে আজ্ঞা করিলেন। তাহার পরে
তিনি তাঁহাকে বলিলেন, হে গোতম, তুমি আমাকে
বলিয়াছিলে যে "সেই বিদ্যা আমাকে বলুন" তা-
হাতে আমার বক্তব্য এই যে এই বিদ্যা তোমার
পূর্বে ব্রাহ্মণের মধ্যে যায় নাই, যেহেতু পূর্বে ইহা
একমাত্র ক্ষত্রিয়দিগেরই মধ্যে ছিল। অতঃপর
তিনি তাঁহাকে সেই বিদ্যা বলিলেন ৷৬৮৷

নারী-মর্যাদা।

আর্য্যজাতি মধ্যে নারীকুলের সম্মান ও
সমাদর-পদ্ধতি চিরদিনই প্রচলিত রহিয়াছে।
চিরকালই আর্য্যনারীগণ গৃহলক্ষ্মী গৃহকর্ত্রী
রূপে প্রণীত হইয়া থাকেন। এমন কি
গুরুজন পর্যন্তও তাঁহারদিগকে সম্মানসূচক
শব্দে সম্বোধন ও আহ্বান করিয়া থাকেন।
পুত্রবধূ বা ভ্রাতৃবধূ প্রভৃতি যথোচিত স্নেহের
পাত্রী হইলেও তাঁহারদিগকে কখনই কেহ
পুত্র বা ভ্রাতার ন্যায় স্নেহ-বাৎসল্য-ভাবে
অন্যবিধ শব্দে সম্বোধন করেন না। ভাষার
সর্বোৎকৃষ্ট মধুর শব্দ ও সম্মানের বৎপরো-
নাস্তি উৎকৃষ্টতম বাক্য মাতৃ শব্দেই তাঁহারা
অভিহিত হইয়া থাকেন। তাঁহারা কন্যার
ন্যায় স্নেহের পাত্রী হইলেও কদাচ কেহ
তাঁহারদিগের নাম পর্যন্ত উচ্চারণ করেন
না।

আর্য্যজাতির আচার ব্যবহারেও নারী-
মর্যাদা আশ্চর্য্যাতররূপে বিদ্যমান রহিয়াছে।
পুত্রের বিবাহ অন্তে নববধূ গৃহে আগমন করি-
বার সময়ে গৃহ-দ্বারে পূর্ণকুম্ভ স্থাপন প্রভৃতি
মঙ্গলাচরণ, আত্মীয় স্বজন বন্ধুবান্ধব কর্তৃক
স্বর্গরজতাদি উপহার সহকারে তাঁহার মুখাব-
লোকন এবং নারীকুল দ্বারা শুভ শং-
খাদি বাদন প্রভৃতি সহযোগে সম্মান ও
সমাদর হর্ব উল্লাস প্রদর্শন করিবার পদ্ধতি
প্রচলিত রহিয়াছে। গৃহবস্ত্রে বস্ত্র বিস্তার
পূর্বক তাহার উপর দিয়া কন্যাকে যে
আনয়ন করা হয়, তোজনের প্রস্তর-পাত্রে যে
দুগ্ধ-অলঙ্কর দিয়া তদুপরি তাঁহাকে দণ্ডায়-
মান করান হয়, তৎসমুহই কেবল মাত্র
তাঁহার সম্মান ও সমাদর চিহ্ন। এবং জীবন্ত
মৎস্য তাঁহার হস্ত হইতে পুষ্করিণী প্রভৃতি
জলাশয়ে নিক্ষেপন ও পাত্রপূর্ণ অন্ন এবং
উজ্জ্বলিত দুগ্ধ-কটাহ প্রভৃতি যে সন্দর্শন
করান হয়, তৎসব শুদ্ধ তাঁহার আগমন

জানিত স্মরণ ও স্মরণত্বের অভিনয় মাত্র। অর্থাৎ নববধূর শুভ আগমনে মুষ্টিবদ্ধ মৃতকল্প মৎস্য জীবন ও স্বাধীনতা লাভ করিল, গৃহ অগ্নে পূর্ণ হইল, পাত্রে দুগ্ধ উচ্ছসিত হইয়া উঠিল ইত্যাদির জ্ঞাপক ভিন্ন ইহা আর কিছুই নহে। নানাবিধ পদার্থ সহকারে গৃহকর্ত্তী প্রভৃতি মান্য স্ত্রীলোক দ্বারা যে তাঁহাকে বরণ করা হয় তৎসমূহই তাঁহার শিক্ষার স্মারক এবং সম্মান সমাদর ও মঙ্গল বাঞ্ছক মাত্র।

অপরাপর জাতির মধ্যে স্ত্রীলোকগণ অধিক হয়ত ভগিনী শব্দে সম্বোধিত হইয়া থাকেন। আৰ্য্য সমাজে নিঃসম্বন্ধ নিঃসম্পর্কীয় নারীসাধারণই—এমন কি দাসীগণ পর্যন্ত মাতা বা কন্যা শব্দে অভিহিত হইলেন। যে কোন মান্য নারীর সহিত যেকোন গুরুতর সম্বন্ধই কেন থাকুক না, তৎপরে মাতৃশব্দ সহযোগে তাঁহাকে আহ্বান করা হইয়া থাকে। এমন উচ্চ সম্মান নিদর্শন ভারতবর্ষ ভিন্ন আর কোথাপি দৃষ্ট বা শ্রুত হওয়া যায় না। এতদেশ মধ্যে বিজাতীয় সভ্যতা শিক্ষার উচ্চতম বিদ্যালয় মহানগরী বা তৎসম্বন্ধিত কতকগুলি স্থান ভিন্ন, বঙ্গের বা ভারতের একটু দূর দূরান্তর প্রদেশে নারীকুলকে কোন গুরুতর শারীরিক পরিশ্রমসাধ্য কার্যে প্রবৃত্ত করিবার পদ্ধতিও প্রচলিত নাই; নারীগণ কঠিন শারীরিক পরিশ্রমে প্রবৃত্ত হইলে, তাঁহাদের অভিতারকগণ পর্যন্ত জনসমাজে নিন্দিত ও ঘৃণিত হইয়া থাকেন।

আর্য্যজাতি-মধ্যে নববধূ গৃহপ্রবিষ্টা হইবার পর আহুত্যা তাঁহার প্রতি পূর্ববৎ সম্মান ও সমাদর প্রদর্শিত হইয়া থাকে। স্নেহ প্রেমের বশবর্ত্তী হইয়া তো পরিজনবর্গ তাঁহাকে বস্ত্রালঙ্কারাদি প্রদান ও সেবা শুশ্রূষাদি করিবেনই তদুপরি আবার শাস্ত্রের

অনুশাসন বর্তমান আছে। তদ্বারা অনুশাসিত হইয়াও আর্য্যজাতি নারীমর্যাদার যত্ববান হইয়া থাকেন।

যজ্ঞ নার্য্যস্ত পূজ্যন্তে রমন্তে তত্র দেবতা।
যজ্ঞেভ্যস্ত ন পূজ্যন্তে সর্কাস্তজাকলাঃ ক্রিয়াঃ ॥
জামর্যোযানি গেহানি শপথ্যাপ্রতিপুষ্টিভাঃ।
তানি কৃত্যাহতানীষ বিনশ্যন্তি নমন্ততঃ ॥
সঙ্কপ্তোভার্য্যা তর্জ্য ভর্য্য জার্য্য তথৈব চ।
বশ্মিরেব কুলে নিত্যং কল্যাণং তত্র টেব গ্রবং ॥
প্রজনার্গং মহাভাগাঃ পূজ্যার্য্য গৃহদীপ্তয়ঃ।
জিয়ঃ শ্রিয়ন্ত গেহেবু ন বিশেষোহস্তি কচ্চন ॥

“যে কুলে স্ত্রীলোকেরা বস্ত্রালঙ্কারাদি দ্বারা পূজিত হইলেন, তথায় দেবতার প্রসন্ন থাকেন। আর যে কুলে স্ত্রীদিগের আদর, সে কুলে সকল ক্রিয়া নিষ্ফল হইয়া যায়।” “ভগিনী পত্নী পুত্রবধূ প্রভৃতি স্ত্রীলোকেরা অপূজিত হইয়া যে কুলে শাপ প্রদান করে, সে কুল ধন পশুদির সহিত অভিচার-হস্তের ন্যায় সর্ব্বতোভাবে বিনাশ প্রাপ্ত হয়।” “যে পরিবারে স্বামী ভার্য্যার প্রতি, এবং ভার্য্যা স্বামীর প্রতি সন্তুষ্ট, সেই পরিবারের নিশ্চিত কল্যাণ।” “সন্তান উৎপত্তির নিমিত্তে স্ত্রী সকল বহুকল্যাণ-পাত্রী এবং আদরণীয়া, ইহারা গৃহকে উজ্জ্বল করেন। স্ত্রীরা গৃহের স্ত্রী-স্বরূপা, স্ত্রীতে আর স্ত্রীতে কিছুই বিশেষ নাই” ইত্যাদি।

নারীর কার্য্যধিকারেও সেই সম্মান সমাদর যথোচিতরূপে প্রদর্শিত হইয়া থাকে। যে পরিমাণে নারীর বয়োবৃদ্ধি হইতে থাকে, সেই পরিমাণেই তাঁহার হস্তে সংসারের কত্বভার অর্পিত হয়। কালক্রমে তিনি পরিবারের মধ্যে সর্ব্বেন্দ্রিয়া হইয়া থাকেন। তিনি সকল বিষয়েই কর্ত্তা বিধাত্রী হইয়া অর্দ্ধ সংসারের গুরুতর পবিভ্রতর কার্য্যভার প্রাপ্ত হইলেন। আত্মীয় স্বজন, অনুগত আশ্রিত পরিবারবর্গ এবং দাসদাসী সকলের দ্বারা সম্মানিত ও প্রপূজিত হইয়া সুখ স্বচ্ছন্দে

কালান্তিতে করেন। আৰ্য্যসমাজে যে সকল দোষে পুরুষ তিরস্কৃত হয়েন, গৃহ-পরিবার-মধ্যে স্ত্রীলোকেরা সে সকল দোষে দোষী হইলে, তাহা ধৰ্ত্তব্যমধ্যে পরিগণিত হয় না। এমন কি পিতামাতার নিকট বালক বালিকা উভয়ে একবিধ অপরাধ করিলে একজন দণ্ডিত অপরাধী কেবল মাত্র তিরস্কৃত হইয়া থাকেন। শিক্ষা উপলক্ষেও বালিকাদিগকে কোন প্রকার শারীরিক দণ্ড দিবারও নিয়ম নাই। কি বালিকা, কি বয়স্কা নারী, কাহারও প্রতি হস্তোত্তোলন করিবার পদ্ধতি হিন্দুসমাজ মধ্যে পরিদৃষ্ট হয় না। তাহারদিগের সম্মুখে কোন প্রকার অশ্রাব্য বা অশ্লীল বাক্য উচ্চারণ করিতে কেহ সাহসী হয় না। এমন কি কোন নিঃসম্পর্কীয় হীন-জাতীয় স্ত্রীলোক কোন গর্হিত বা দুষ্কর্ম করিলে তাহাকেও শারীরিক দণ্ডবিধান করিতে হইলে লোকসমাজে যার পর নাই নিন্দিত ও ঘৃণিত হইতে হয়। পুরাকালে কোন দণ্ডার্থ অপরাধ করিলেও সহসা কোন স্ত্রীলোক রাজদ্বারে আনীত হইত না। দোষ সপ্রমাণ হইলে কেশমুণ্ডন প্রভৃতি সামান্য দণ্ডই প্রদত্ত হইত। বর্তমানে ইং-রাজ ধর্ম্মাধিকরণেও যতক্ষণ না স্ত্রীলোকের অপরাধ সপ্রমাণ হয়, ততক্ষণ পর্য্যন্ত তাহাকে সম্মানে রক্ষা করিবার পূর্ব্বতন রীতি পদ্ধতিও কিয়ৎ পরিমাণে প্রতিপালিত হইয়া থাকে। ধন সম্পদ বা বিষয় সম্পত্তি বিষয়ক কোন অভিযোগ উপলক্ষে অদ্যাপিও প্রায়ই কোন স্ত্রীলোককে বিচারালয়ে যাইতে হয় না। এখন আৰ্য্যনারীদিগের পূর্ব্বতন রীতি পদ্ধতির অন্যথাচরণ দেখিয়া বর্তমান রাজ-পুরুষগণ প্রাপ্তস্ত নিয়ম সকলেরও ব্যতিক্রম ঘটাইবার জল্পনায় প্রবৃত্ত হইয়াছেন।

মনুষ্য-সমাজে ধর্ম্মোপদেশাদিগের পদই যার পর নাই উচ্চ ও গৌরবাবিভ। আচার্য্য-পণ্ডাই যার পর নাই দেবতারূপে প্রপূজিত

হইয়া থাকেন। বৈদিক কাল হইতে আৰ্য্য-সমাজ নরনারী উভয়কেই সেই সর্ব্বোচ্চ পদে প্রতিষ্ঠা করিয়া আসিতেছেন। পৃথিবীর কোন জাতির ধর্ম্ম-শাস্ত্রেই নারীবাক্য প্রামাণ্য বলিয়া প্রায় পরিগণিত হয় না। আৰ্য্য-জাতির বেদ উপনিষদ মধ্যে নারীবাক্য সকল ঋষি-বাক্যের ন্যায়সত্যপূর্ণ উপদেশ বলিয়া জাতিসাধারণ কর্তৃক পূজিত পালিত ও সমাদৃত হইতেছে। কি গৃহী কি উদা-সীন সকল সম্প্রদায় দ্বারা তাহা অধীত ও উপসেবিত হইয়া থাকে। তর্ক ও বিচার-স্থলে তৎসমূহ প্রমাণ স্বরূপে প্রদর্শিত হয়; ইহা অপেক্ষা নারীমর্যাদার উচ্চতর নিদ-র্শন আর কুত্রাপি দৃষ্ট হয় না। পৃথিবীর অপরাপর সভ্যজাতিমানীদিগের ধর্ম্মশাস্ত্রেও ঈদৃশ নারীমর্য্যার উন্নত চিত্র প্রায়ই নয়ন-গোচর হয় না। পুণ্যবতী ব্রাহ্মণ ক্ষত্রিয়াদি নারীদিগের পবিত্র নাম উচ্চারণ করা ক-ল্যাণপ্রদ এবং পুণ্যজনক জ্ঞানে হিন্দু নরনারী কর্তৃক প্রাতিঃকালে শয্যা হইতে উত্থান স-ময়ে ভক্তিভাবে উচ্চারিত হইয়া থাকে। পতিপ্রাণা আৰ্য্য নারীদিগের পতিরক্ষা ও পতিসেবা প্রভৃতির জাগ্রত জীৱন্ত দৃষ্টান্ত সকল, পুরাণ প্রভৃতি গ্রন্থে বিশেষ অনুর-ণীয় এবং শুভপ্রদ শিক্ষাপ্রদ বলিয়া লিপি-বদ্ধ হইয়া রহিয়াছে। ব্রতকর্ম্ম ও দানধর্ম্ম বিষয়ে তৎসমূহই অনুষ্ঠেয় পদ্ধতি রূপে ধর্ম্ম কার্য্যে ব্যবহৃত ও উপদেশিত হইতেছে।

পুরাকালের ন্যায় বর্তমান সময়েও আৰ্য্য রীতিপদ্ধতির অনুবর্ত্তিনী অনেকানেক সাধ্বী সতী পুণ্যবতী হিন্দু মহিলা আপনার-দিগের বিদ্যাবুদ্ধি এবং বিষয় ও ধর্ম্ম কার্য্য সাধন প্রভৃতি দ্বারা এমনই উচ্চ আসন প্রাপ্ত হইয়াছেন যে দেশ বিদেশীয় শিক্ষিত ও অ-শিক্ষিত জনগণের দ্বারা তাঁহারা বথোচিত রূপে সম্মানিত ও প্রপূজিত হইতেছেন।

তাহারদিগের যশঃমৌরভ পৃথিবীর বহুতর স্থানকে সুবাসিত ও আনোদিত করিয়া তুলিয়াছে। তাহারদের অসামান্য কার্য্যকদম্ব ও স্মৃতিস্তম্ভ বিষয়-বুদ্ধি অনেকানেক বিজ্ঞ বিচক্ষণ জনগণের শিক্ষা ও অনুকরণীয় হইয়া উঠিয়াছে। তাহারা বিজ্ঞাতীয় সভ্যতা ও স্বাধীনতার আলোক প্রাপ্ত না হইয়াও যে প্রকার অসামান্য বুদ্ধি বিবেচনা এবং সরল স্বাভাবিক ধর্ম্মভাবে বিস্তৃত বিষয় সম্পত্তি রক্ষা ও বৃদ্ধি করিতেছেন এবং সবিশেষ নৈপুণ্য সহকারে যেরূপ উদারভাবে জ্ঞানধর্ম্ম বিস্তারের জন্য অকাতরে সাহায্য করিতেছেন, তাহার অনুরূপ দৃষ্টান্ত সুশিক্ষিত ধনসম্পদ-শালী ব্যক্তিগণের মধ্যেও সহসা পরিদৃষ্ট হয় না। তাহারদিগের মধ্যে যে দুই এক জন পরলোক গমন করিয়াছেন, তাহারদিগের সুশিক্ষিত স্মৃতি উত্তরাধিকারীগণ তান্ত সম্পত্তির কর্তৃত্বতার প্রাপ্ত হইয়া তাহার রক্ষণাদি বিষয়ে সহস্রাংশের একাংশও কার্য্যপটুতা প্রদর্শন করিতে পারিতেছেন না, বরং তাহারা বিলাস ও আমোদ-স্পৃহা চরিতার্থ করিতে গিয়া হতসর্ব্বস্ব হওত পথের ভিখারী হইয়া পড়িতেছেন। বর্তমান সময়ে বঙ্গের অসামান্য দান-গৌরব ও শোভনতম হিন্দুকীর্তি সকল, যে বহু-পরিমাণে কতিপয় আধ্যামহিলাদিগের দ্বারা সুরক্ষিত হইতেছে, তাহা বলিলেও বোধ হয় অতুল্য হইবে না। কেবল স্বাধীন আহার বিহার এবং বিজ্ঞাতীয় বেশভূষা প্রভৃতির দ্বারা প্রকৃত সভ্যতা প্রকাশ পায় না। আত্মার সংস্কারই প্রকৃত সভ্যতার চিহ্ন। জ্ঞানধর্ম্মের ও দয়াদাক্ষিণ্যের উৎকর্ষতাই যথার্থ জ্ঞাতীগত উচ্চতার লক্ষণ।

আর্য্যসমাজে নারীকুলের যথাযোগ্য স্বাধীনতা থাকিলেও বর্তমান সময়ে পাশ্চাত্য রমণীগণের বেজ্ঞাচারিতা দৃষ্টে অনেকেই

হিন্দু অবলাগণকে কারারুদ্ধা বলিয়া বিবেচনা করেন এবং তাহারদিগকে কারামুক্ত করিবার জন্য উৎযোগী হইয়াছেন। ইন্দ্রিয়-সুখ-লালসা, বিলাস-স্পৃহা পরিত্যাগ করিয়া প্রকৃত পক্ষে বিশেষ বিবেচনা করিয়া দেখিলে বস্তুতঃ হিন্দু মহিলাগণকে কারারুদ্ধা পরাবীনা বলিয়া বোধ হইবে না। দেশ কাল অবস্থা অনুসারে তাহারা প্রয়োজনমত স্বাধীনতা-সুখ নির্বিবাদে অসম্ভোগ করিয়া থাকেন। তাহারা বিলাস-কাননে প্রমোদ-উদ্যানে ক্রীড়া-ক্ষেত্রে প্রকাশ্যে আপনে ঘাইবার জন্য অনুগতা সহচরী না হউন; আত্মীয়ভবনে দেবগৃহে তীর্থক্ষেত্রাদিতে গমনাগমন বিষয়ে তাহারা সম্পূর্ণ স্বাধীন। গৃহকার্য্য সম্পাদনে তাহা একাধিপত্য চিরদিনই বর্তমান রহিয়াছে; হিন্দুদিগের রাজ্য-বিকারকালে তাহারা ইহা অপেক্ষাও যে স্বাধীনতা সম্ভোগ করিয়াছেন, তাহারও প্রত্যক্ষ প্রমাণ পরিদৃষ্ট হয়। আর্য্য রাজ-লক্ষ্মী যবনহস্তে যখন নিপতিতা হইলেন, তাহার সঙ্গে সঙ্গেই নরনারীদিগের স্বাধীন ভাবও সঙ্কুচিত হইয়া পড়িয়াছে, ইহা সকলকেই মুক্তকণ্ঠে স্বীকার করিতে হইবে। বর্তমান ইংরাজ রাজত্বে যদিও যবনদিগের ন্যায় ততোধিক বেজ্ঞাচারিতা ও নৃশংসতা পরিদৃষ্ট হয় না কিন্তু জেতা জিত, রাজা প্রজা প্রভৃতির মধ্যে বাহ্যত না হউক, কার্য্যত স্বত্ব অধিকার মান-মর্যাদা ও স্বাধীনতা বিষয়ে আলোক-অন্ধকার-সদৃশ প্রভেদ জাজ্জল্যমান রহিয়াছে। রাজবিধির তারতম্য না থাকুক কিন্তু দণ্ডবিধান বিষয়ে সবিশেষ তারতম্য দৃষ্ট হইয়া থাকে।

পিতা, স্বামী ও ভ্রাতা প্রভৃতিই কাল ও অবস্থাতেই নারীদিগের প্রকৃত স্বাভাবিক রক্ষক বলিয়া আর্য্য-বাবস্বাস্যাজ্ঞে নির্দিষ্ট আছে; কিন্তু বর্তমান সময়ে অমঙ্গাবিত

শারীরিক দৌর্বল্য, মানসিক নিশ্চেষ্টতা এবং আধ্যাত্মিক বলের হীনতা নিবন্ধন রক্ষকগণ আপনাদিগকে আত্মরক্ষায় অসমর্থ ও অপটু হইয়া পড়িয়াছেন। একটু স্বাধীনতা প্রদর্শন করিতে গেলেই পাত্র বিশেষের নিকট অমনি প্রেত তিরস্কৃত ও লাঞ্ছিত এবং সময়বিশেষে রাজদ্বারে দণ্ডিত হইয়া থাকেন। কলিকাতা-সদৃশ রাজধানীমধ্যেই দিবারাত্রি যখন মদোন্মত্ত খেজাচারী দেশ বিদেশীয় পুরুষ-গণের অত্যাচার হইতে আত্মরক্ষা করিবার ক্ষমতাই দৃষ্ট হয় না, প্রকাশ্য দিবালোকে বাস্তবিক শকটে পূর্ণ মূল্য দিয়া গমনাগমন করিতে গিয়াও যখন মন্দপ্রকৃতি বিজাতীয়-দিগের নিকট ভুল্য অধিকার এবং মান ও সম্মান রক্ষা পায় না, তখন দিব্য-বেশভূষা-সম্পন্ন যুবতী নারীদিগের স্বাভাবিক রক্ষক হইয়া স্বাধীন ভাবে ইতস্তত গমনাগমন করিতে গেলে যে পদে পদেই বিপন্ন হইতে হয়, তাহারও দৃষ্টান্তের অসম্ভাব নাই। পিতার সমক্ষে কন্যা, স্বামীর সম্মুখে স্ত্রী, ভ্রাতার অভিযুখেই ভগিনী এমন কতগুলি স্থলে যে উপেক্ষিত ও উপহসিত হইয়া থাকেন, তাহা গণনা করা যায় না। শরীরের বল, মনের বীৰ্য্য, অর্থের অসঙ্গতি নিবন্ধন রক্ষক-গণ, তাহার প্রতিবিধান করিতে অসমর্থ হইয়া হতমান হওত নির্লজ্জ ভাবে মুক সাক্ষীর ন্যায় কত স্থলে অবস্থান পূর্বক দূরদর্শী দেশবিশেষীয় বিজ্ঞজনসম্মিলনে নিন্দিত ও লাঞ্ছিত হইয়া থাকেন। অন্য বীরপুরুষ তাঁহারদিগকে ও তাঁহারদিগের সঙ্গিনীগণকে রক্ষা করিলেন তো রক্ষিত হইল নতুবা দুর্দশার আর পরিসীমা থাকে না।

আমাদের হিন্দুসমাজ এখনও নারী-কুলের স্বাধীন বিহারাদির প্রস্তর দানে সম-ধিক প্রস্তুত বা উন্নত হন নাই। যদিও শিক্ষিতদের মধ্যে কতগুলি যুবককে জ্ঞান-

ধর্ম-সম্বিত সচরিত্র ও সাধু বলিয়া প্রতীয়-মান হয়, কিন্তু তাঁহারা শারীরিক বলবীৰ্য্য বিষয়ে এমনই হীন যে নারীরক্ষা দূরে থাকুক, উৎপাত উপদ্রবে তাঁহারা আত্মরক্ষায়ও সম-ধিক স্পষ্ট ও সক্ষম নহেন। বিশেষতঃ বিজাতীয় শিক্ষা অনুকরণ প্রভৃতি দ্বারা সাধা-রণতঃ বর্তমানের আর্থ্য-সমাজ ধর্মভাব বিষয়ে বিশেষ অবনত হইয়া পড়িয়াছেন। তাহে বাক্যে এবং কার্যে কতক দূর অগ্রসর হই-য়াছেন সত্য বটে কিন্তু সত্য প্রকৃতিতে এবং শক্তি সামর্থ্য ও ধর্ম আচরণে ততদূর উন্নত হইতে পারেন নাই। বিজাতীয়দিগের কথা দূরে থাকুক, দেশীয় মহাপুরুষগণের নিকটেও দেশ কাল ও অবস্থা-ভেদে আর্থ্য-নারীগণ সম্মানিত বা প্রপূজিত না হইয়া বরং অনেক স্থলেই উপহসিত ও অবমানিত হইয়া যার পর নাই দুর্দশা-গ্রস্ত হইয়া থাকেন। কেবল বেশ-বিনামে, আহার ব্যব-হারে, বাক্যালাপে সভ্যতা দেখাইলে কি হইবে, আত্মার সংস্কারেই প্রকৃত সভ্যতা। জনসমাজের ধর্মভাবের উৎকর্ষতাই যথার্থ জাতিগত উচ্চতার লক্ষণ। হৃদয়ে ধর্মভাব থাকিলেই মনুষ্য পাপাচরণে মগ্নচিত্ত হয়। ঈশ্বরে অচলা ভক্তি থাকিলে এবং তাঁহার সত্তা সন্নিবিষ্ট সকল অবস্থাতে প্রত্যক্ষ উপ-লব্ধি করিতে পারিলেই তবে সে নরনারী চিন্তায় বাক্যে ও কার্যে বিগুহ্ব থাকিতে পারে, তাহা হইলেই সমগ্র মনুষ্যজাতির প্রতি প্রকৃত ভাবের সঞ্চার হওয়াই সম্ভব-পর। পরলোকদৃষ্টি উজ্জ্বল থাকিলে তবেই মনুষ্য ইহলোকে পবিত্র সাধুজীবন বহন ক-রিতে সমর্থ হইয়া থাকে। বিস্তৃত বর্তমানে শিক্ষিত যুবকদিগের মধ্যে অনেকেরই তাদৃশ ধর্মভাব প্রায়ই দৃষ্ট হয় না। অনেকেরই নিত্য নিয়মে ধর্মসাধন ও উপাসনালয়ে গমন করা বা কোন ধর্মসম্প্রদায়ের মধ্যগত

বলিয়া পরিচয় দেওয়া প্রভৃতি অতি ঘৃণাকর ও লজ্জাকর বিবেচনা করিয়া থাকেন। অনেকেই মুখে ঈশ্বরের ধ্যান ধারণা, পূজার্চনা করা নিম্প্রয়োজন বলিয়া গুহিত হওয়া যায়। ঈশ্বরের অস্তিত্বে, আত্মা ও পরকালের অস্তিত্বে অবিশ্বাস করা আজকাল উচ্চ শিক্ষার এবং অসামান্য পাণ্ডিত্যের লক্ষণ হইয়া দাঁড়াইয়াছে। সুতরাং ইত্যাদি নানা কারণে যে বর্তমান সময়ে ধর্মভাবের শৈথিল্য নিবন্ধন পশুতাব প্রভৃতি অধিকতর বৃদ্ধি পাইতেছে, তাহা সকলেই প্রত্যক্ষ সন্দর্শন করিতেছেন। অথচ স্ত্রীস্বাধীনতার চিংকারে চতুর্দিক শব্দায়মান। হৃদয়ের উত্তেজনায় জ্ঞান ধর্ম-সম্বন্ধিত অনেকানেক দাখু যুবা মরল ভাবে স্ত্রীস্বাধীনতা প্রদানে অগ্রসর হইয়া বিলক্ষণ প্রতারিত হইয়াছেন এবং সবিশেষ শিক্ষা লাভ করত এখন তদ্বিষয় হইতে অপেক্ষাকৃত হস্ত সঙ্কোচ করিয়াছেন। বাহিরের দৃষ্টান্ত আচরণে এবং আভ্যন্তরিক কার্যকলাপ আলোচনা করিয়া ইহা দ্বারা বর্তমান সময়ে সফল লাভ হইতেছে কি না, বা ভবিষ্যতে প্রকৃত মঙ্গলের প্রত্যাশা করিতে পারা যায় কি না, বিজ্ঞ বিচক্ষণ ও দূরদর্শী ব্যক্তিগণই তাহা বিবেচনা করিয়া দেখুন। ঘাঁহারদের হৃদয়ে ধর্মশাসন ও ধর্মভাব নাই—লোকনজ্জার প্রতি ঘাঁহারা দৃকপাৎ করেন না, অন্নপান বিষয়ে ঘাঁহারা সম্পূর্ণ স্বাধীন বা খেচ্ছাচারী, তাঁহারদিগের দ্বারা স্ত্রীর কতদূর সম্মান সনাদরে এবং বিশুদ্ধভাবে রক্ষিত মেবিত হইতে পারে, তাহা সহজে সকলেই অনুভব করিতে পারেন। তবে যদি কাশী মৃত্যু-নিবন্ধন শিবহ-প্রাপ্তি-প্রবাদের ন্যায় কোন সভ্যতম জনপদে পদাৰ্পণ করিলে বা কোন সভ্যজাতির ভাষায় লিখিতে পড়িতে বা বলিতে পারিলেই, অথবা সভ্যজাতীয় বৈশিষ্ট্য ধারণ করিলেই যদি

কোন নৈসর্গিক নিয়মে তাঁহারদিগের ইন্দ্রিয় সংযত বা দেবত্ব লাভ হয় এবং পরজীকে জননীবাৎ ভক্তিপ্রদা করিতে সামর্থ্য জন্মে, তাহা আমরা বলিতে পারি না।

বিজাতীয় নারীকুলের স্বাধীন বিহারাদি দেখিয়া ইন্দ্রিয়-সুখ-লালসা বা বিলাস-ইচ্ছা পূর্ণ করিবার প্রত্যাশায় ঘাঁহারা স্ত্রীস্বাধীনতার জন্য চিংকার করিতেছেন, তাঁহারদিগকে অনুন্নয় সহকারে আমরা এই বলি যে অগ্রে তাঁহারা আপনাদিগকে কন্যা পত্নী ও ভগিনীর স্বাভাবিক সুযোগ্য রক্ষক রূপে প্রস্তুত করুন, পরে ইচ্ছা হয় তদ্বিষয়ে হস্তক্ষেপ করিবার চেষ্টা করিবেন। অগ্রে লোকসাধারণের মধ্যে ধর্মভাব ও ধর্মশাসন বিস্তার করিয়া পাপপ্রোত মন্দীভূত করত বিচরণ-ভূমি পরিষ্কৃত ও নিষ্কটক করুন, পরে যদি শ্রেয়ংকর বিবেচনা করেন তবে তাহাতে প্রবৃত্ত হইবেন। কণ্টকাকীর্ণ অকর্ষিত ক্ষেত্রে বীজ-বপন করিলে যেমন কোন ফললাভ হয় না প্রত্যুত হত-সর্বস্ব হইতে হয়, তেমনি বে সমাজে সুরা অপসরা, খেচ্ছাচার ও বাড়ি-চারাদির দিন দিন আধিকা হইতে আরম্ভ হইয়াছে, ধর্মভাব ও ঈশ্বর-চিন্তা-বিরহে যেখানে কেবল পশুহৃতি ও রাক্ষসভাব প্রবল-তর বেগে প্রবাহিত হইতেছে, তাহার মধ্যে অশিক্ষিতা বা অর্ধশিক্ষিতা গৃহলক্ষ্মী সমভি-ব্যাহারে স্বাধীন বিহারে প্রবৃত্ত হইলে মঙ্গল কি অমঙ্গল সংঘটিত হইবে, তাহা তাঁহারাই স্থির চিত্তে আলোচনা করিয়া দেখুন। যোর দুর্দমনীয়-হিংস্র-জন্তু-সমাকীর্ণ অরণ্যের মধ্যে দুর্বল ভীকু নিরস্ত্র ব্যক্তিগণ গমন করিলে যাহা হয়, আনারদিগের প্রতিপদে সেই দুর্দশা সংঘটিত হইতেছে। ইহার উপরে আবার অবলা সজ্জিনীগণ সমভিবাহারে যাত্রা করিতে গেলে যে কি হইবে, তাহার চিন্তায় প্রবৃত্ত হইতে গেলে দশদিক শূন্য দেখিতে

হয়। প্রথমে দিবালোকে, প্রকাশ্য রাজপথে গমন করিবার সময়ে কোন মদোদ্ব্যস্ত ব্যক্তিকে সন্দর্শন করিলে যখন বিংশতি হস্ত দূরে পলায়ন করিতে হয়; চক্ষুর সম্মুখে অন্যায়-রূপে অন্য ব্যক্তিকে প্রহার বা তাহার যথা-সর্বস্ব সংহরণ করিতে দেখিয়াও যখন শরীরের বল ও মনের বীর্যের অভাবে সম্ভাপাশ্রয় নোচন করিতে করিতে পথান্তরে গমন করিতে হয়, বা তাহার হৃদয়ভেদী আর্তনাদ শ্রবণ করিয়াও তৎপ্রতি বধির হইয়া থাকিতে হয়, এবং আত্মীয় স্বজনকে সহস্রবিধ অত্যাচার উপদ্রবে প্রণীড়িত দেখিয়াও যখন উপায় অভাবে নীরবে কানাতিপাত করিতে হয়; তখন যে আমরা কন্যা পত্নী বা ভগিনীগণের কেমন দ্রুতিষ্ঠ বলিষ্ঠ স্রবোণ্য রক্ষক, তাহা সহজেই প্রতিপন্ন হইতেছে। আমারদিগের যে অধঃপতন হইতেছে, ইহাই যথেষ্ট। ইহার উপরে ভারতের গৌরবনিধি—স্পর্দ্ধা-স্থল দেবপ্রকৃতি সাধ্বীসতী আর্ঘ্যনারীদিগকে ধর্মপথের সহগামিনী না করিয়া বিলাসমহচরী ও পাপ-ভাগিনী করিতে গেলে দুর্দশার আর পরিসীমা থাকিবে না। অতএব এই নীতি-বাক্যটি নরনর হৃদয়ে আগ্রহক রাখিয়া কর্মক্ষেত্রে পদার্পণ করাই উচিত। সমর্থশ্রেণে সমাচর। প্রথমে যোগ্য হও তবে আশা করিও।

বেদান্ত-দর্শন।

পূর্বের অনুরক্তি।

“নহ জ্ঞানং নাম মাননী ক্রিয়া, ন, বৈলক্ষণ্যং, ক্রিয়া হি নাম লাত্ত বস্তুস্বরূপনিরপেক্ষং চোদ্যতে পুরুষচিন্ত্যাপারাবীনা চ।”

(১) যদি বল ঐ ব্রহ্মজ্ঞানটিই জীবকৃত মানসিক ক্রিয়া, তাহাও যুক্ত নহে। কেন না ক্রিয়ার লক্ষণ ও ব্রহ্মজ্ঞানের লক্ষণ সম্পূর্ণ বিপরীত। বস্তুর স্বরূপ জানিবার অপেক্ষা

১ ক্রিয়ার লক্ষণ আর জ্ঞানের লক্ষণ ভিন্ন ভিন্ন।

না করিয়া কোন অলৌকিক ফললাভের নিমিত্তে যে ধ্যান, উপাসনা, সাধনারূপ মানস-ব্যাপার তাহার নাম ক্রিয়া। তাহা বিধি বা বাসনা-বিহিত ক্রিয়ামাত্র। তাহা কর্তৃতন্ত্র ও চিন্ত্যাপারাবীন। তাহা করা না করা পুরুষের আয়ত্তাধীন। কিন্তু ব্রহ্মজ্ঞান তা-দৃশ লক্ষণ-বিশিষ্ট নহে। তাহা আদৌ কর্তৃতন্ত্রই নহে। কর্ত্তা তাহাকে জন্ম দিতে পারে না, বিধি অনুসারে সহস্র ক্রিয়া করিলেও তাহা উদিত হয় না, বাসনা তাহাকে প্রসব করিতে পারে না এবং সূর্য্য, চন্দ্র, তারা, তড়িৎ তাহা প্রকাশ করিতে পারে না। তাহা কর্ত্তা, করণ, ক্রিয়া ও কর্মপদের অন্তর্গত নহে। তাহা সূর্য্যের ন্যায় স্বতঃসিদ্ধ, স্বয়ম্প্রকাশ। সূর্য্যের প্রকাশ যেমন সূর্য্য-রূপ বস্তুতন্ত্র, মনুষ্যের বুদ্ধি জ্ঞান উপাসনা তাহা প্রকাশ করিতে পারে না, ব্রহ্মজ্ঞান সেইরূপ ব্রহ্মরূপ বস্তুতন্ত্র কিন্তু কদাপি কর্তৃতন্ত্র নহে। তাহাকে করিতে না করিতে বা অন্যথা করিতে কেহই সমর্থ নহে। পঞ্চাঙ্গি বিদ্যা নামে একটি বৈদিক ক্রিয়ার প্রকরণ আছে। তদনুসারে ক্রিয়া করিলে স্বর্গ লাভ হয়। তাহার ব্যবস্থা এই যে দু্যলোক, পর্জন্য, পৃথিবী, পুরুষ, এবং যোযিৎ এই পঞ্চ পদার্থকে অগ্নি ভাবিয়া পূজা করিতে হয়। সেই অলৌকিক অগ্নি যজমানকে প্রজাকামী পিতৃগণের স্বর্গে বহন করে। এস্থলে বেদান্তের বিচার এই যে ঐ সকল পদার্থকে যে অগ্নিবুদ্ধি তাহা কেবল বিধিজন্য এবং মানস ক্রিয়া মাত্র। তাহা পালন করা না করা পুরুষের ইচ্ছা। কিন্তু অগ্নিতে যে অগ্নি-বুদ্ধি তাহা কর্ত্তা বা অলৌকিক বিষয়ের ধ্যান নহে। তাহা প্রত্যক্ষ বিষয়। তাহা নিরবস্ত যে অগ্নি তাহারই অধীন জ্ঞান মাত্র। সে জ্ঞান বিধিজন্য নহে এবং পুরুষের অ-ধীন বা কর্তৃতন্ত্র নহে। তাহা প্রত্যক্ষ বস্তু-

তত্ত্বজ্ঞান, তাহাকে এক্রূপে ভাবা বা ওরূপে ভাবা যায় না। ব্রহ্মজ্ঞানও সেইরূপ বস্তু-তত্ত্বজ্ঞান মাত্র। তুমি সূর্যের উদয়কালীন চ্ছটাকে ব্রহ্মমূর্তি বলিয়া ভাবিতে পার। তাহা তোমার ভাবনা, চিন্তা বা ধ্যানের অধীন। মনেতেও কোন অনৌকিক জ্যোতির ধ্যান পূর্বক সেইটিকে ব্রহ্মজ্যোতি বলিতে পার। সে তোমার ইচ্ছা। কিন্তু শাস্ত্রের সিদ্ধান্ত এই যে তাহা কল্পিত ও কর্তৃতত্ত্ব জ্ঞান মাত্র। ব্রহ্মজ্ঞান কেবল ব্রহ্মরূপ পরমবস্তুতত্ত্ব। তাহা জ্ঞান, বুদ্ধি, বিদ্যা, ধ্যান, বা ভাবনার বিষয় নহে। তবে যে “আত্মা বা অরে ব্রহ্ম ইত্যাদি” শ্রুতি সকল ব্রহ্মকে দর্শন শ্রবণ মননাদি করিবার উপদেশ দিয়াছেন তাহা কেবল মানবকে প্রকৃতি-শ্রোত হইতে ব্রহ্ম-রূপ নিরাপদ ভূমির দিকে অতিমুখ করিবার জন্য। বিশেষতঃ “শ্রবণং অবগত্যর্থম্মনন-নিদিধ্যাসনয়োঃ” মনন ও নিদিধ্যাসন এ উভয়েরই শ্রবণের ন্যায় অবগতি মাত্র অভিপ্রায়, ক্রমবিহিত ক্রিয়া তাহার অভিপ্রায় নহে।

“তস্যায় প্রতিপত্তিবিধিণেবতরা শাস্ত্রপ্রমাণকং বুদ্ধ্যঃ সন্তবতি,”

অতএব কোন প্রকার বিধির অঙ্গরূপে ব্রহ্মকে শাস্ত্রে কহেন নাই, কিন্তু তিনি বেদান্ত বাক্যের সমন্বয় দ্বারা স্বতন্ত্র রূপে অর্থাৎ কেবল মাত্র জ্ঞানস্বরূপে শাস্ত্রসিদ্ধ হইয়া মীমাংসিত হইয়াছে। তাহাই মীমাংসার জন্য মহর্ষি ব্যাস “অথাতোব্রহ্মজিজ্ঞাসা” প্রভৃতি দার্শনিক পঞ্চশত সূত্রে প্রণীত জয়াধ্যা উত্তর মীমাংসা প্রণয়ন করিয়াছেন। যদি ব্রহ্মজিজ্ঞাসা, ব্রহ্মজ্ঞান, ব্রহ্মলভরূপ মোক্ষ ধর্মক্রিয়ার অন্তর্গত হইত, তাহা হইলে উক্ত মহর্ষি ঐ উত্তর মীমাংসা নামক বেদান্তদর্শন প্রকাশ করিতেন না; কেননা তাহার পূর্বে মহর্ষি জৈমিনী “অথাতোব্রহ্মজিজ্ঞাসা” অবধি যে পূর্বমীমাংসা নামক সূত্রসংহিতা

প্রচার করিয়া গিয়াছেন তাহা হইতেই অভিলষিত ফল লাভ হইত। আর যদি এমন বল যে জৈমিনী সর্বপ্রকার ধর্মক্রিয়ার বিচার করিয়া গিয়াছেন, কিন্তু ব্রহ্মলভরূপ ধর্মক্রিয়া-প্রতিপাদক বিদিবাক্য-সমূহের বিচার করেন নাই বলিয়া ব্যাসদেব বেদান্তদর্শনে তাহার সম্পূরণ করিয়াছেন তাহাও সম্ভব হইবে না। কারণ জৈমিনীর বিচারিত ধর্ম এবং ব্যাসের বিচারিত ব্রহ্ম উভয়ই যদি ধর্মক্রিয়ার অন্তর্গত হইত তাহা হইলে ব্যাসদেব “অথাতঃ পরিশিষ্টেব্রহ্মজিজ্ঞাসা” এইরূপে প্রস্তাব করিতেন। কিন্তু পূর্বমীমাংসায় ব্রহ্মস্বরূপের জ্ঞান ও মোক্ষরূপ ব্রহ্মবস্তুর বিচার না থাকায় ব্যাসদেব স্বতন্ত্ররূপে বেদান্তদর্শন প্রকাশ করিয়াছেন। বত দিন পর্যন্ত অন্তরাত্মা ও মুখ্য আত্মারূপে ব্রহ্ম মাক্ষাৎকার না হন ততদিন পর্যন্ত বেদবিধি সকল কার্যকারী হইতে পারে কিন্তু অদ্বৈত ব্রহ্মজ্ঞান প্রকাশিত হইলে পর বিধি ও ধর্ম কৰ্ম্ম সকল মিথ্যা হইয়া যায়। যেমন মনয় মারুত প্রবহমান হইলে তালবৃন্তের প্রয়োজন থাকে না, তদ্বৎ পরব্রহ্মকে দর্শনমাত্রে আর্ধ্যকুলমেবিত সমস্ত নিয়ম ও বিধি মিথ্যা হইয়া যায়।

(২) ইতিপূর্বে কন্মীর আর একটা আপত্তির উল্লেখ করা গিয়াছে। যথা ব্রহ্ম শব্দটি কেবল নিষ্ফল বস্তুজ্ঞাপক। তাহার উচ্চারণে কোন ফল নাই। বিশেষতঃ শ্রুতির সে অর্থই নহে।

“প্রবৃত্তিনিবৃত্তিবিধিতচ্ছেষ্যযতিরেক্ষেণ কেবল বস্তুবাদী বেদভাগোনাस्ति।”

প্রবৃত্তি বিধি বা নিবৃত্তি বিধির অঙ্গব্যতিরেকে কেবলমাত্র বস্তুবাদী বেদভাগ নাই। অর্থাৎ বেদে কেবল মাগ যজ্ঞের বিধি ও তা-

২ উত্তর পক্ষ। ব্রহ্ম নিষ্ফল বস্তু নহেন। কিন্তু জ্ঞানস্বরূপ।

হার ফলশ্রুতি আছে আর তদ্বিপরীত “ব্রহ্ম-
হত্যা করিবেনা” ইত্যাদি নিষিদ্ধি-বিধি ও
তাদৃশ কর্মের নিন্দাবাদ আছে। তদ্ব্যতীত
ব্রহ্মরূপ-বস্তু-জ্ঞাপক শ্রুতি নাই। যেখানে
যেখানে ব্রহ্ম শব্দ আছে তাহা ক্রিয়ার ফল-
বোধক মাত্র, তন্নিম্ন কোন জ্ঞানস্বরূপ পরম
বস্তুবোধক নহে। এই আপত্তির প্রতি
ব্রহ্মবাদীর উত্তর এই যে বেদে যেমন প্রকৃতি
নিষিদ্ধি বিধি ও ফল-জ্ঞাপক পুষ্পিত বাক্য
সকল আছে, সেইরূপ ব্রহ্মরূপ পরম বস্তু-
প্রতিপাদক শ্রুতি সমূহও আছে, তাহার
অভাব নাই। এই বিবাদের মর্ম্ম এই যে
কর্ম্ম কেবল ইহকালে ও পরকালে ভোগার্থ
কর্ম্মের ফলকেই শ্রেয়ঃ বলিয়া অভিনন্দন
করেন। সমস্ত প্রকার ফলই প্রকৃতির
পরিণাম। তন্মোহের বাসনা কেবল ভোগ
দ্বারাই চরিতার্থ হয়। কোন প্রকার প্রাকৃ-
তিক তত্ত্বজ্ঞান লাভ কর্ম্মার উদ্দেশ্য নহে।
কর্ম্মেতে তাদৃশ জ্ঞান-দানের শক্তি নাই।
কর্ম্মের ফল কেবল শারীরিক ও মানসিক
ভোগ্য মাত্র। তাহাতে প্রজ্ঞা ও আত্মা
তৃপ্ত হইতে পারে না। প্রজ্ঞা প্রাকৃতিক
তত্ত্বজ্ঞান চাহে, প্রাকৃতিক ভোগ চাহে না;
দুঃখের যাহা যাহা উপাদান, যাহা যাহা সম-
বায়ী পদার্থ, যে যে গুণ, আর যে অভিপ্রায়ে
তাহা সৃষ্ট হইয়াছে তাহাই জানিতে চাহে,
তৎপানে উৎসুক নহে। জীবাত্মা স্বয়ং
জ্ঞানস্বরূপ। তিনি শরীর ইন্দ্রিয় মনকে
আমার বলিয়া যখন অভিমান করেন, তখন
প্রাকৃতিক ভোগকে স্বীয় ভোগরূপে স্বীকার
ও প্রার্থনা করেন। নতুবা তিনি যখন
জানিতে পারেন যে আমি দেহ নহি, প্রাণ
নহি, ইন্দ্রিয় নহি, ইন্দ্রিয়গণের নিয়োগ-
কর্ত্তারূপ মনও নহি, তখন কি আর তিনি
প্রাকৃতিক ভোগে তৃপ্ত হইতে পারেন?
অথবা কেবলমাত্র প্রজ্ঞা-মেবা প্রাকৃতিক

পদার্থের তত্ত্বজ্ঞানকেই পরম পুরুষার্থ বলিয়া
গ্রহণ করিতে পারেন? তাদৃশ বিশুদ্ধাবস্থায়
জীবাত্মা স্বয়ং যে প্রকার জ্ঞানস্বরূপ, সেই
প্রকার জ্ঞানের আকর-স্বরূপ পরম পুরুষরূপ
পরম বস্তুর দর্শন প্রার্থনা করেন, প্রার্থনামাত্র
স্বীয় হৃদয়ধামেই তাঁহাকে দেখিতে পান।
সেই পরমজ্ঞানে তাঁহার ক্ষুদ্রজ্ঞান অতিবিস্তৃত
হয়। দেহ মনাদির অতিমানী জীব প্রকৃতি-
বিরচিত বা কর্ম্মজ ফল দেহমনাদি দ্বারা যে
প্রকারে ভোগ করেন, বিশুদ্ধ জীবাত্মা সে
প্রকারে ব্রহ্মরূপ আনন্দ ভোগ করেন না,
কিন্তু জ্ঞানযোগে করিয়া থাকেন। সে
ভোগ কেবল জ্ঞানেতেই পরিণমাপ্ত। ক্ষুদ্র
ভোগাকাজ্ঞী দেহ মনাদির তাহাতে অধি-
কার নাই।

“পরাক্রি খানি বাত্বৎ স্বয়ন্তু স্ত্বদ্বাৎ পরাং পশ্যতি-
নাস্তরাশ্বন।”

স্বয়ন্তু বিষয়-প্রযুক্ত ইন্দ্রিয় সকলকে হনন
করিয়াছেন অর্থাৎ উন্নত জ্ঞানে অধিকার
দেন নাই। এই হেতু অনাস্বাদুত পদার্থ
সমূহের উপলব্ধি ও ভোগাদি হয়। অন্তরা-
ত্মার দর্শন হয় না।

“কশিচ্ছীরঃ প্রতাগাশ্বাননৈকদাবুস্তচক্ষুরনুভবমি-
চ্ছন।”

কোন কোন দীর ব্যক্তি প্রতিশ্রোতে
গমনের ন্যায় অশেষ বিষয় হইতে ব্যাবৃত্ত-
চক্ষু হইয়া এবং অমৃতত্ব-রূপ ব্রহ্মপদ ইচ্ছা
করিয়া সেই অন্তরাত্মার দর্শন পাইয়াছেন।
ব্রহ্মবাদী কহেন যে বেদে যেখানে যেখানে
ব্রহ্মশব্দ আছে তাহা কেবল সেই অন্তরাত্মারই
জ্ঞাপক। তাহা দেহ, ইন্দ্রিয়, প্রাণ, মন ও
বিজ্ঞান-রাজের অতীত, প্রাকৃতিক তত্ত্বজ্ঞা-
নের অতীত, প্রাকৃতিক স্থূল সূক্ষ্ম ভোগের
অতীত, যোগবলের অতীত।

(৩) পূজাপাদ শঙ্করাচার্য্য কর্ম্মকে এই
বলিয়া পরাস্ত করিয়াছেন যে “ঐপনিবদম্বা

৩ তিনি অন্তরাত্মারূপ পরম বস্তু।

পুরুষমানন্যশেষত্বাৎ” উপনিষৎ-প্রতিপাদ্য ব্রহ্মা ক্রিয়া প্রভৃতি অন্য কিছুই অঙ্গ নহেন।

“যোরাবুপনিষৎস্বৈবাপিগতঃ পুরুষোহংসংসারী ব্রহ্ম” ইত্যাদি।

উপনিষৎ-বেদ্য যে ব্রহ্ম তিনিই অসংসারী। তিনি অপরিবর্তনীয়। তিনি সর্ব প্রকার দ্রব্য পদার্থ হইতে বিলক্ষণ। পঞ্চভূত, কাল, দিক্ এবং অন্তঃকরণ হইতে স্বতন্ত্র। তিনি ‘অপ্রকরণস্থঃ’ স্বয়ংসিদ্ধ এবং ‘অনন্যশেষঃ’ স্বয়ং সম্পূর্ণ অর্থাৎ ক্রিয়া প্রভৃতি তাঁহার সম্পূরক নহে। তিনি নাই একথা বলা অসম্ভব। কেননা তিনি অন্তরাঙ্গা রূপে সকলের মুখ্য আত্মা। তাঁহার অধিষ্ঠানে আত্মবোধ প্রকাশ পাইতেছে। তিনি নাই বলিলে আত্মা থাকে না। সুতরাং আত্মার আত্মারূপ পরম বস্তু যে ব্রহ্ম তাঁহাকে অস্বীকার করা অসম্ভব। যদি বল সেই পরমাত্মা অহংজ্ঞানের বিষয়, অহংজ্ঞান তাঁহাকে আনি রূপে প্রকাশ করিতেছে। সুতরাং তিনি কিরূপে কেবল উপনিষদের অর্থাৎ জ্ঞানকাণ্ডের প্রতিপাদ্য হইবেন? অহংজ্ঞানের কর্তা ও কর্মফলভোক্তারূপে তিনি কেন কর্মকাণ্ডেরও প্রতিপাদ্য হউন না? ইহার উত্তর এই যে এরূপ আপত্তি যুক্তিযুক্ত নহে। পরমাত্মা অহংজ্ঞানের বিষয় বা কর্তা বা অহং ইত্যাকার অভিমান বশতঃ কর্মফলের ভোক্তারূপে কথিত হন নাই। তিনি উপনিষদে “দ্বা সুপর্ণা” প্রভৃতি শ্রুতিতে কেবল অহংজ্ঞানের কর্তা ও স্বকৃত-কর্মের ভোক্তারূপ জীবাত্মার সাক্ষীরূপে কথিত হইয়াছেন। অতএব অহংজ্ঞানের যিনি কর্তা বা বিষয় তাঁহা হইতে সাক্ষীরূপ পরমাত্মা পৃথক্।

“নহি অহংপ্রত্যয়বিষয়কর্তৃব্যতিরেকেণ ভৎসাকী সর্বভূতহংসঃ সমঃ কৃষ্ণনিভাঃ পুরুষোবিদিকাণ্ডে তর্ক-সময়ে বা কেনচিদপিগতঃ সর্বমাত্মা।”

কর্মকাণ্ডে জীবাত্মাকেই কর্তা ভোক্তা বলিয়া নির্দেশ করেন। তাহাতে তদীর সাক্ষীরূপ, সর্বভূতহং, এক, সর্বত্রসমান, কৃষ্ণ নিত্য পুরুষকে নির্দেশ করে না। অনুমানবাদী নৈয়ায়িকদিগের তর্কসময়েও তিনি তর্কের প্রাপনীয়রূপে প্রকাশ পান না। তিনি সকলের আত্মা। সুতরাং কেহ তাঁহাকে অস্বীকার করিতে পারে না। কেহ তাঁহাকে ক্রিয়া বা তর্কের বিষয়রূপে গ্রহণ করিতে পারে না। তিনি স্বয়ংসিদ্ধ। যে বলিবে তিনি নাই, তিনি তাহারই অন্তরাঙ্গা। তাঁহাকে ভাগ বা আহার করা সম্ভবে না। কেননা তিনি পরমাত্মা রূপে বিরাজিত আছেনই।

“সর্বংহি বিনশাদিকারজাতং পুরুষান্তং বিনশতি, পুরুষোহি বিনাশহেতুভাবাদবিনাশী বিজিহ্যাহেতুভাবাচ্চ কৃষ্ণনিভ্যঃ, অতএব নিত্যশুদ্ধমুক্তস্বভাবঃ। তস্যাং পুরুষস্য পরং কিঞ্চিৎ না কাষ্ঠা সা পরা গতিঃ”

সর্বপদার্থই প্রকৃতির পরিণাম। তৎসমস্তই বিনাশশীল। তাহার সমুদায়ই বিনাশ পাইবে। অথবা প্রবাহরূপে জন্মমৃত্যুর অধীন হইবে। কিন্তু পরম পুরুষ স্বরূপ পরমাত্মা অবিনাশী। কারণ তাঁহাতে বিনাশের কোন কারণ বিদ্যমান নাই। তিনি একরূপে সদা স্থিত, কেননা তাঁহাতে পরিবর্তনেরও কোন হেতু বর্তমান নাই। অতএব তিনি কৃষ্ণ নিত্য। অন্যান্য পদার্থের ন্যায় বিনাশশীল বা পরিণামী নিত্য নহেন। তিনি নিত্য শুদ্ধবুদ্ধমুক্তস্বভাব। এতাবত সেই পুরুষ হইতে কিছুই প্রোক্ত নাই। তিনিই পর্য্যবসান এবং

“গন্তুং সর্বগতিমতাং সংসারিণাং না পরা প্রকৃষ্টা গতিঃ।”

গন্তুদিগের অর্থাৎ সংসারিদিগের সম্বন্ধে তিনিই পরম গতি। তাঁহার উর্দ্ধে আর গতি নাই।

* “ভক্তোপনিষৎ পুরুষং পৃচ্ছামীতি” চোপনিষদত্বে

নিশেষণ পুরুষোপনিষৎস্বের প্রাধান্যে প্রকাশমান-
বাস্তবপদার্থে।”

‘সেই উপনিষৎ-প্রতিপাদ্য পুরুষকে
জ্ঞানিতে ইচ্ছা করি’ এই যে বেদবাণি, ইহা
সেই পুরুষকে প্রাধান্য রূপে উপনিষদেরই
অর্থাৎ জ্ঞানকাণ্ডেরই প্রতিপাদ্য বলিয়া প্র-
কাশ করিতেছে। তিনি কর্মকাণ্ডের প্রতিপাদ্য
হইতে পারেন না এবং কোন কর্মাদ্বৈতরূপেও
উপনিষদে প্রতিপাদিত হন নাই। তিনি
উপনিষৎরূপ জ্ঞানকাণ্ডের বেদ-ভাগে সর্ব-
ত্রই ছুতপুঙ্ক্ত দিক্, কাল, কর্তৃ, ভোক্তৃ,
জীবাত্মা ও সর্বসংসারের অতীত পুরুষ ও
সাক্ষীরূপে কথিত হইয়াছেন।

“অশেষপুরুষোপনিষৎগোমাতীতি বচনং সাহস
মাত্রং।”

অতএব জিহ্বাবিবির অঙ্গ বাতীত বস্তু-
পর বেদভাগ নাই একথা বলা সাহস মাত্র।

ক্রমশঃ

নিশীথ-চিত্ত।

(৪৭০ সংখ্যক পত্রিকার ১০৮ পৃষ্ঠার পর।)

(৩১)

আত্মপ্রত্যয় বাতীত এমন অনেক বিষয়
রহিয়াছে বাহ্য আত্মার অমরত্ব, অনন্ত আ-
ধ্যাত্মিক জীবনের অস্তিত্বে বিশ্বাস উৎপাদন
করে। আমি যে উদ্ধে দৃষ্টিগাত করিতে
পারি, ইহা আমাকে বলিয়া দেয় যে মৃত্যুর
পর আমার জীবন আছে। এই যে চতু-
র্দিকে অনন্ত আকাশ বিস্তৃত রহিয়াছে ইহা
একবার নিরীক্ষণ করিলে আমি আমার অনন্ত
জীবনে বিশ্বাস না করিয়া থাকিতে পারি না।
আমি যত উন্নতি লাভ করি ততই যে আমার
আরো উন্নতি লাভ করিবার ইচ্ছা করে ইহা
আমাকে আমার অনন্ত জীবনের সম্বাদ দেয়।
আমি যে কিছুতেই হৃদয়ে পূর্ণ শান্তি পাই না,
আশানুরূপ স্থখ পাই না, ইহা আমার অম-

রত্বে বিশ্বাস উদ্রেক করে। আমার যে করুণা-
শক্তি আছে, আমি যে অনন্ত করুণা-রাজ্যে
ইচ্ছাক্রমে ভ্রমণ করিতে পারি, ইহা আমাকে
আধ্যাত্মিক জগতের অস্তিত্বে আমার আধ্যা-
ত্মিক জীবনের অস্তিত্বে প্রত্যয় জন্মাইয়া
দেয়। আমি যে উচ্চ আশা করিতে পারি, ইহা
আমাকে স্বর্গের সম্বাদ দেয়। আমি যে এক
চক্ষুর অদৃশ্য দেবের পূজা করিতে পারি এবং
তঁাহাকে প্রীতি করিতে পারি, ইহা আমার
হৃদয়ে পারলৌকিক জীবনে বিশ্বাস উৎপাদন
করে। সেই প্রেমই বলিয়া দেয় যে তঁাহার
যে ভক্ত সে কখন বিনাশ পাইবে না।

(৩২)

আমাদের হৃদয়াকাশে ঈশ্বর-প্রেম সূর্য্যের
ন্যায় এবং পার্থিব প্রেম সকল গ্রহ উপগ্রহের
ন্যায় প্রকাশিত হইতেছে। সূর্য্যের আলোকে
যেমন গ্রহ উপগ্রহ সকল আলোকিত, সেই-
রূপ ঈশ্বর-প্রেমের পবিত্র জ্যোতিতেই পার্থিব
প্রেম সকল বিভাসিত। সূর্য্যালোকে বঞ্চিত
হইলে যেমন গ্রহ উপগ্রহ সকল অন্ধকারময়
হয়, তেমনি ব্রহ্ম-প্রেমালোক বিনা পার্থিব
প্রেম সকল অপবিত্রতার অন্ধকারে আবৃত হয়।
সূর্য্যালোকই যেমন গ্রহ উপগ্রহদিগের সৌ-
ন্দর্য্যের কারণ, তেমনি ব্রহ্মপ্রেম থাকিলেই
পার্থিব-প্রেম সকল পবিত্র ও সুন্দর হয়।
সূর্য্যালোক না পাইলে যেমন গ্রহ উপগ্রহ-
গণ জীবন-শূন্য হয় তেমনি ব্রহ্মপ্রেম না
থাকিলে পার্থিব প্রেম সকলের প্রকৃত জীবন
থাকে না। সূর্য্য হইতে বিচ্ছিন্ন হইলে যেমন
গ্রহ উপগ্রহ সকল পরস্পর প্রতিহত হইয়া
সৌর জগতের মহাবিপ্লব উপস্থিত করে, সেই-
রূপ ঈশ্বরপ্রেম হইতে বিচ্ছিন্ন হইলে আমা-
দের পার্থিব প্রেম সকল মনোরাজ্যে মহা-
বিপ্লব উপস্থিত করে। সূর্য্যের আকর্ষণে
আকৃষ্ট থাকিয়া গ্রহ উপগ্রহ সকল যেমন
নিয়মিত থাকে, ঈশ্বরপ্রেমের অধীনে আমি-

দের পার্থিব প্রেম সকল মেইরূপ নিয়মিত থাকে।

(৩৩)

বুদ্ধি দ্বারা, বিচার দ্বারা, তর্ক দ্বারা ঈশ্বরকে প্রকৃত রূপে জানা যায় না। বিশ্বাস দ্বারা, প্রেম দ্বারা, ভক্তি দ্বারা ই তাঁহাকে প্রকৃত রূপে জানা যায়। বহুকাল বুদ্ধিচালনা করিয়া আমরা ঈশ্বর-স্বরূপ সম্বন্ধে যাহা সিদ্ধান্ত করিতে পারি না, বিশ্বাস-বলে, প্রেম ও ভক্তির গুণে আমরা তাহা কণেকের মতো স্থির করিতে পারি। ঈশ্বরের প্রতি যতই আমাদের প্রীতি ও ভক্তি বৃদ্ধি হইতে থাকে ততই আমরা তাঁহাকে জানিতে পারি। ব্রহ্মপ্রীতির সহিত আমাদের ব্রহ্মজ্ঞানের উন্নতি হইতে থাকে। ঈশ্বর যতই আমাদের প্রিয়তর হইয়েন, ততই তিনি আমাদের নিকটতর হইয়েন। আবার যতই আমরা ঈশ্বরকে নিকটতর রূপে জানিতে পারি ততই তাঁহার মহত্ত্বে তাঁহার সৌন্দর্য্যে মুগ্ধ হইয়া আমরা তাঁহাকে অধিকতর প্রেম অধিকতর ভক্তি করিতে থাকি। ব্রহ্ম-প্রীতি ভিন্ন উচ্চ ব্রহ্মজ্ঞান হইতে পারে না। ব্রহ্মপ্রীতির সহিত ব্রহ্মজ্ঞানের এইরূপ সম্বন্ধ। ব্রহ্মপ্রীতিই উচ্চ ব্রহ্মজ্ঞানের ভিত্তি-স্বরূপ।

(৩৪)

কেহ কেহ বলেন যে ব্রাহ্মধর্ম যে কোন কালে সমস্ত পৃথিবীর ধর্ম হইবে তাহার কোন আশা নাই, কোন ভরসা নাই। আমরা বলি ইহার সম্পূর্ণ আশা আছে। পৃথিবীর ইতিহাসই আমাদের হৃদয়ে এই আশার উদ্দেক করিয়া দিতেছে। ইতিহাস প্রমাণ করিতেছে যে মানবজাতি যেমন জ্ঞানে উন্নতি লাভ করিতেছে তেমনি ধর্মভাষেও ক্রমশঃ উন্নতি লাভ করিতেছে। আমরা দেখিতেছি মানবজাতি ক্রমে ক্রমে একটি একটি করিয়া পুরাতন কুসংস্কার, পুরাতন

ভ্রম বিশ্বাস পরিত্যাগ করিতেছে। প্রত্যেক ধর্মাবলম্বীরা স্বধর্ম-সংস্কারে প্রবৃত্ত হইয়াছেন। পৃথিবীর নানা স্থানে একেশ্বর-বাদের প্রতি—ব্রাহ্মধর্মের প্রতি লোকের অনুরাগ জন্মিতেছে। বর্তমান সময়ে এ সকল চিত্র দেখিয়া আমরা এক কালে সমস্ত পৃথিবীতে ব্রাহ্মধর্ম বিস্তৃত হইবার আশা করিতে পারি। প্রতি মানব-জীবনের ন্যায় সমগ্র মানবজাতি যদি ক্রমোন্নতি-নিয়মের অধীন হয় তাহা হইলে এক কালে মানব-জাতি ব্রাহ্মধর্ম অবলম্বন করিতে সক্ষম হইবেই হইবে। যদি “সত্যমেব জয়তে” এই মহাবাক্য সত্য হয় তাহা হইলে এক কালে সমস্ত পৃথিবীতে সত্যপূর্ণ ব্রাহ্মধর্ম সকল ব্যক্তির হৃদয়কে মুগ্ধ করিবে তাহার আর সন্দেহ নাই।

(৩৫)

যে ব্যক্তির চরিত্র পাপবিবর্জিত ও পবিত্র হয় নাই, যে ব্যক্তি ধর্ম-নীতির বিরুদ্ধ কার্য্য করিয়া থাকে, সে হৃদয়ের সহিত ব্রহ্মোপাসনা করিতে পারে না। পাপকার্য্যে বাহার মতি, পাপচিন্তার দিকে বাহার মন নিয়ত প্রধাবিত সে পুণ্যধার ঈশ্বরের প্রকৃত উপাসনা করিবে কি রূপে? রিপুদল বশীভূত করিতে না পারিলে, অধম বাসনা নীচ কামনা সকল হৃদয় হইতে বিদূরিত করিতে না পারিলে, নিষ্পাপ হইতে না পারিলে কোন ব্যক্তি হৃদয়ের সহিত প্রকৃত ব্রহ্মোপাসনা করিতে পারে না। ধার্মিক না হইলে প্রকৃত রূপে ব্রহ্মোপাসনা হয় না বটে, কিন্তু যে আবার অধার্মিক সে, (হৃদয়ের সহিত ব্রহ্মোপাসনা নহে, কেন না হৃদয়ের সহিত ব্রহ্মোপাসনা তাহাদের পক্ষে অসম্ভব,) যনঃ-সংযোগ পূর্ব্বক ঈশ্বরোপাসনা করিলে অথবা ঈশ্বরোপাসনায় যোগ দিলে তাহার মনে যে পবিত্রতার জ্যোতি প্রতিভাত হয়, ঈশ্বরের

প্রতি যে ভয় ও ভক্তির-ভাবের উদয় হয় তাহা ক্রমে তাহার চরিত্রকে সংশোধন করে। অপবিত্র হইয়া পাপী হইয়া এইরূপে ত্র্যক্ষোপাসনা করিতে করিতে ক্রমে তাহার আত্মায় পাপের অপবিত্রতার প্রতি ঘৃণা উপস্থিত হয় এবং ঈশ্বরের প্রতি, ধর্মের প্রতি অনু-স্মরণ সঞ্চারিত হইতে থাকে। এইরূপে ক্রমে ক্রমে ঐ ব্যক্তির চরিত্র বিশুদ্ধ হইয়া আইসে এবং সে হৃদয়ের সহিত ত্র্যক্ষোপাসনা করিতে পারে। পবিত্র-চরিত্র না হইলে প্রকৃতরূপে হৃদয়ের সহিত ত্র্যক্ষোপাসনা করা যায় না, কিন্তু অপবিত্র হইয়া মনঃ-সংযোগ পূর্বক ত্র্যক্ষোপাসনা করিতে করিতে চরিত্র পবিত্র হয় এবং হৃদয়ের সহিত ত্র্যক্ষোপাসনা করিতে শিক্ষা করা যায়। অতএব সকলের পক্ষেই ত্র্যক্ষোপাসনার ফল অতি মহান, অমূল্য।

(১৬)

ঈশ্বরের অনন্ত জ্ঞানের সহিত আমাদের গের অন্তর্নিহিত জ্ঞানের এতদূর প্রভেদ যে নানা বিষয় যাহা তাঁহার জ্ঞানানুসারে সম্পূর্ণরূপে অনন্তরূপে ন্যায়, আমাদের জ্ঞানে তাহা অন্যায় বলিয়া প্রতীতি হয়, যাহা তাঁহার জ্ঞানানুসারে অনন্ত দয়াপূর্ণ আমাদের জ্ঞানানুসারে তাহা নিষ্ঠুরতার পরিচায়ক।

ব্যাখ্যান-মঞ্জরী।

অর্থাৎ শ্রীযুক্ত প্রধান আচার্য্য মহাশয়ের
ব্যাখ্যান-মূলক পদ্য।

চতুর্থ ব্যাখ্যান।

(বিস্তৃত সংখ্যক পত্রিকার ১৭৫ পৃষ্ঠার পর।)

চারি দিকে ঘাঁর, মহিমা অপার, চাও তাঁর দরশন
অন্ধরে তোমার, সেই প্রেমবার, বিরাজেন অনুক্ষণ।

অতুলন প্রেম ঘাঁর রূপ।

সৃষ্টি তাঁর হয় প্রতিকল্প।

তপন তারকা তারা, তাঁর প্রেম গায় তারা।
সরিং নির্ঝর বহে তাঁর প্রেম-সুধা-বারা ॥
বিকশিত ফুলকল, তাঁর প্রেমে সদা হাসে।
আমোদিত করিতেছে তাঁহারই প্রেম বাসে ॥
শিশির বৃষ্টির বিস্তৃত, তাঁর প্রেম-রসে ভরা।
শ্রামল-সুবর্ণা ধরা তাঁর প্রেমে মনোহরা ॥
অশনি গস্তার রবে তাঁর করে সুযোষিত।
তাঁর গুণ গান করে পাখী কিবা সুললিত ॥
জননীর সুধা-স্নেহ, তিনি বিরাজিত তার।
মতীর পবিত্র প্রেম, তাঁর প্রেম তাহে ভায় ॥
প্রেমের বন্ধন—যাতে জগজন বিমোহিত।
প্রেমের সাগর তিনি করিছেন নিয়োজিত ॥
মাধুর উদার প্রেম, বসুধাকুটুম্ব করে।
তাঁর প্রেমে মজি সাধু, জানেনাকো আত্মপরে।
পৃথিবীর সুধা যত তাঁর প্রেম হোতে হয়।
সুন্দর সৃষ্টিতে তাঁর মুখজ্বলি প্রকাশয় ॥

সৃষ্টি হয় প্রতি রূপ ঘাঁর।

আত্মধামে দেখ রূপ তাঁর ॥

চেয়ে দেখ একবার আপন অন্তরে।
মোহন মুরতি তাঁর তথায় বিহরে ॥
মতা রূপ প্রেম রূপ অমৃত স্বরূপ।
অরূপ হইয়া তাঁর রূপ অপরূপ।
বাহিরে যদিও তিনি আছেন প্রকট।
কিন্তু নাহি ছন তিনি তোমার নিকট ॥
যদবধি নাহি দেখ আপন আত্মায়।
যেখানে তাঁহারে সদা বোগীগণ পার ॥
আত্মার নয়নে তাঁরে কর দরশন।
চরমের চক্ষু তাতে নাহি প্রয়োজন ॥
শোন শোন তাঁর বাণী আত্মার শ্রবণে।
বাহিরের কর্ণে যাহা না বার শ্রবণে ॥
করহ তাঁহারে ভূমি আত্মায় গ্রহণ।
হস্ত দ্বারা নাহি হয় বাঁহার স্পর্শন ॥
স্বর্গীয় অমৃত তাঁর রসনা না পায়।
সদানন্দে ভোগ কর আপন আত্মায় ॥
আত্মার রঞ্জন তাঁর রূপ মনোহর।
মধুর তাঁহার বাণী অমৃত-সাগর ॥
স্নেহময় হয় কিবা তাঁর আবির্ভাব।
অনিমেঘ চখে ভক্ত দেখে তাঁর ভাব ॥
স্নেহভরে শিশু পানে যাতা অবিরত।
থাকেন চাহিয়া যেন হয়ে অবনত ॥
হেন রূপে বিশ্বমাতা পালেন আত্মায়।
কত যে করেন স্নেহ বলা নাহি যায় ॥
নিরামেন বিষ তার কাছেতে থাকিয়া।
আনি দেন কত সুখ পেছেতে ভরিয়া ॥
তোমাতে তাঁহাতে নাহি কিছু ব্যবধান।
কেহই নিকট নছে তাঁহার সমান ॥

জগৎ সংসার তাঁর মলিন দর্পণ।
 নিমল অন্তরে তাঁর সুন্দর দর্শন ॥

আত্মাতে আছেন যে মহান।
 তাঁর বলে আত্মা বলীয়ান ॥

রথ নাভি মেঘপারে বদ্ধ যথা অর।
 তেমনি তাঁহাতে আছে সব চরচর ॥

তেমনি অধীন তাঁর জীবাত্মা মিচর।
 একমাত্র তিনি হন জীবের আশ্রয় ॥

আপন শরীর মাঝে জীবাত্মা যেমন।
 আত্মার অন্তরে বিতু থাকেন তেমন ॥

দেখিয়া বুকের শাখা পত্র ফল ফুল।
 মনে নাহি করে কেহ নাহি তার মূল ॥

যদিও সে মূল হয় ধরায় নিহিত।
 জ্ঞানের চক্ষেতে তাহা হয় প্রকাশিত ॥

সে রূপ যখন দেখি আত্মা আপনার।
 বুঝি এক জন হন তার মূলধার ॥

দেখে আপনার ক্ষুদ্র শক্তি ইচ্ছা জ্ঞান।
 জানি যে আছেন এক পুরুষ প্রদান ॥

যাঁর জ্ঞান শক্তি প্রেম অনন্ত অপার।
 আত্মার যে কিছু বল সগমাত্র তাঁর ॥

আত্মার ইচ্ছাটী হয় দীন হীন ক্ষীণ।
 কিন্তু সে ইচ্ছাটী হলে তাঁহার অধীন ॥

দেখিলে তাহার কত হইবে প্রেমর।
 তাঁর বলে করিবেন কার্য্য বহুতর ॥

বিতু সাধিবারে কিবা মানবের হিত।
 জড়িতে অদ্ভুত গুণ করেন নিহিত ॥

তাঁর ইচ্ছা সেই গুণ জানিয়া মানব।
 আপনার উপকারে নিয়োগে সে সব ॥

সংযোগ বিরোধ করি পদার্থ মিকর।
 আপন হৃদয় ইচ্ছা সাধিতেছে নর ॥

ভাড়িও সংবাদ আদি বাস্প পোত-মান।
 চুই ইচ্ছা যোগে সিদ্ধ ফল সুমহান ॥

ইন্দের ইচ্ছেন নর হবে জ্ঞানবান।
 শারীরিক হান্নমিক তেজে গরীয়ান ॥

প্রকৃতির মর্ম্ম বুঝি করিয়া যতন।
 সভ্যতার উচ্চ মঞ্চ করিবে গঠন ॥

করিবেন ধর্ম্মচর্চা নীতি সনাতার।
 তাঁর নাম বিশ্বমাঝে করিবে প্রচার ॥

তাঁহার ইচ্ছার মনে দাও তুমি যোগ।
 হইবে তোমার কত কল্যাণ সম্ভোগ ॥

আপন আত্মার প্রতি কর নিরীক্ষণ।
 তিনি বিনা তৃপ্তি তার হয় কি মাধন ॥

আত্মা ভক্তি যত আছে তাঁরে যদি দাও।
 প্রেমপুষ্প দিলা বলি তাঁর পদ ছাও ॥

তা ছলে তোমার মৃত্যু হইবে অপার।
 তখন মানিবে ধন্য জন্ম আপনার ॥

আত্মার অসীম আশা কে করে বর্জন ?
 তিনি বিনা সেই আশা কে করে পূরণ ?
 তিনিই আত্মারে দেন গভীর আশ্বাস।
 হইবে তাঁহার মনে চির সহবাস ॥

এখন করহ সেই সহবাস স্বাদ।
 পাপ তাপ দূরে যাবে ছুটিবে বিবাদ ॥

যখন ডাকিবে তাঁরে ওহে দীননাথ।
 চাহি আমি তোমা মনে করিতে সাক্ষাৎ ॥

যোচন করহ মোর সংসার-বন্ধন।
 লও মোরে লও এবে তোমার মদন ॥

দয়াময় শুনবেন প্রার্থনা তোমার।
 দিবেন জ্বলয়ে দেখা তব বার বার ॥

নাশিবেন কুটিলতা মলিন অজ্ঞান।
 দিবেন তোমারে তিনি তাঁর দিব্য জ্ঞান ॥

বলিবেন তিনি কত অমির বচন।
 দিবেন তোমারে গুণ অরপের ধন ॥

বলিবেন লও তুমি তাঁহার আশ্রয়।
 জীবন কাটিবে সুখে বাবে মুক্ত-ভর ॥

তাঁর মনে আলাপন, তাঁর আরাধনা।
 তাঁর কাছে দীন ভাবে একান্তে প্রার্থনা ॥

করিবে যখন তুমি দেখিবে তখন।
 জীবনের একমাত্র তিনি রসায়ণ ॥

মজ্ঞ তাঁর প্রেমে কর তাঁর সহবাস।
 আশা কর সুখা তাঁর না হবে নিরাশ ॥

ইতি চতুর্থ ব্যাখ্যান সমাপ্ত ॥

১লা পৌষের তত্ত্বকৌমুদী পত্রিকা হইতে
 উদ্ধৃত।

অন্তর্জগৎ কি করিব কল্পনা ?

কি আশ্চর্য্য ! লোকে এত দেখিয়াও শিখিল না। যুগে যুগে কত নূতন সত্য আবিষ্কৃত হই-
 তেছে যুগ পূর্বে বাহ্য লোকের কম্পনাতিত ছিল ;
 এই বিশ্ব ব্রহ্মাণ্ডে কত সত্য লুক্কায়িত হইয়া আছে
 তাহার সংখ্যা কে করিবে ? মানুষ প্রত্যেক দেখি-
 তেছে জগতে নূতন সত্য প্রকাশ সম্ভব অথচ
 সময়ানুসারে তাহার অন্তরে বিশ্বাস করিয়া তাঁহার
 উপকারিতা সম্ভোগ করিতে পারে না। যে সত্য
 একবার আবিষ্কৃত হইয়াছিল অথচ কালচক্ষে পুন-
 রায় মানব চক্ষুর আগোচর হইয়াছে, মানুষ তাহাতে
 যে অবিশ্বাস করে ইহা অপেক্ষা মূর্থতা আর নাই।
 এই ভারতবর্ষে আর্য্য ঋষিগণ জ্ঞানবলে, তপন্যা-
 বলে যোগবলে আধ্যাত্মিক জগতের যে সমুদয়
 সত্য আবিষ্কার করিয়াছিলেন রাষ্ট্র বিপ্লব ও ধর্ম্ম-
 বিপ্লবে ঋষিগণের তিরোধানে ও তাঁহাদিগের
 প্রণীত গ্রন্থাদির বিরল প্রচারের সহিত তাহা

ক্রমে ক্রমে লোকচক্ষুর আগোচর হইয়া পড়িয়াছে। তাঁহারা অধ্যাত্ম জগতের যে সমুদয় সত্য প্রচার করিয়া গিয়াছেন তাহা পাঠ করিলে অবাক হইতে হয়। তাঁহারা সেই অদৃশ্য রাজ্যের মহান সৌন্দর্য্য দর্শন করিয়া জড় জগৎকে অতি অসার ও অপদার্থ জ্ঞানে ইহাকে মানান্য তৃণখণ্ডের ন্যায় অনাচার্য্যে পরিত্যাগ করিয়া বাইতেন। আধ্যাত্মিক জগতের তুলনায় জড় জগৎ কি? আধ্যাত্মিক জগতের কয়েক পদ অগ্রসর হইলে জড় জগতের কত নিম্ন মানুষ্যেরই আরতাবীন হইয়া যায়। ঐ যে ৪০ বৎসর হইল কয়েক জন কাঠুরিয়া সুন্দর ঘরে এক যোগীকে পাইয়া কলিকাতার আনিয়াছিল, তাঁহার বিষয় একবার তাবিয়া দেখ, তাঁহার কথা মিথ্যা নয়, গম্পা নয়—এখনও কত লোক আছেন যাঁহারা তাঁহাকে স্বচক্ষে দেখিয়াছেন। সেই যোগী উপবেশনাবস্থায় ছিলেন, বুকের মূলে তাঁহার পদদ্বয় জড়িত হইয়া পড়িয়াছিল। সে দেখে যে প্রশ্ন আছে এমন কেহ বুঝিত না। এই উনবিংশ শতাব্দীর গর্ভিত জ্ঞানালোককেই তাহারা নব প্রকার সত্য নির্ধারণের এক মাত্র উপায় বলিয়া বিশ্বাস করে, এমন দুই নির্বোধের হস্তে এই যোগী পতিত হন। চীৎকার করিয়া, আঘাত করিয়া তাঁহার হস্ত অগ্নিতে দগ্ধ করিয়া তাঁহাকে চেতন করিতে অসমর্থ হইল, দুইবার রাত্রিকালে তাঁহার গলায় দড়ী দিয়া গঙ্গার গভীর জলে তাঁহাকে ডুবাইয়া রাখিয়াছিল তথাপি তাঁহার চেতনা সঞ্চার হইল না; অবশেষে এই শিক্ষিতাভিমাত্রী এক জন কলুসিতচারিত্রা রমণীকে এই যোগীর পবিত্র শরীরের উপর রাখিয়া দিল। যোগীর যোগ ভঙ্গ হইল। চেতনা পাইয়া তিনি ক্রোধান্বিত হইলেন না; তিনি খেদের সহিত বলিলেন “কেন আমার যোগ ভঙ্গ করিলেন আমি আপনাদিগেরতো কোন ক্ষতি করি নাই।” তাহাকে নানা প্রকার বিমাত্ত্র এবং খাওয়ার হইয়াছিল। যোগীর শরীরে তাহা সহিল না, যোগী মানব-লীলা সম্বরণ করিলেন। এই যে এক জন যোগীর কথা শুনিলাম উদ্ভাষা আমরা কি শিক্ষা করিতেছি? মানুষকে পরমেশ্বর এমন ক্ষমতা দিয়াছেন যদ্বারা সে ভৌতিক জগতের কোন কোন নিয়মাত্মক হইয়া আধ্যাত্মিক জগতের মহামুখে নিমগ্ন হইয়া থাকিতে পারে। যোগীর আত্মা দেখে তুলু করিয়া পরমাত্মাতে বিলীন হইয়াছিল। এই সকল যোগীগণ ঘোর রবে আমাদের নিকট সাক্ষী দিতেছেন এই জড়জগৎ ভিন্ন আরো জগৎ আছে, এই জড়জগতে অবস্থান করিয়াই আমরা সে জগতে গমন করিতে পারি, সে জগতে যুখে অবস্থান করিতে পারি। পাশ্চাত্য শিক্ষাপ্রভাবে

আমরা নাস্তিক সংশয়বাদী ও জড়বাদী হইয়া বাইতেছি, আমাদের দেশের বর্তমান সময়ের প্রচলিত ধর্ম্মশাসনে আমরা আকার ছাড়া যে নিরাকার জগৎ থাকিতে পারে তাহাতে বিশ্বাস করিতে অসমর্থ হইয়া পড়িয়াছি। সংসার, সংসার, সংসার এই সময়ের এই এক মাত্র চিৎকার; বিভ্রাতের বিবিধ গুণ আবিষ্কার কর, মানুষের পার্থিব স্থখ সৌভাগ্য ও সুবিধার উন্নতি কর, বর্তমান সময়ের এই এক মাত্র চেষ্টা। জড় জগতের উন্নতি সাধনে চেষ্টা কর সে ভাল, কিন্তু জড় জগৎ অপেক্ষা আমাদের ঘনিষ্ঠতর, নিকটতর, শ্রেষ্ঠতর যে আধ্যাত্মিক জগৎ তাহাকে তুলিয়া বাইও না। শরীর ও শরীরের ইন্দ্রিয়গুলিকে সর্বস্ব জানিয়া যে তাহারই পদসেবার দিবানিশি ব্যস্ত থাক, শরীর ও ইন্দ্রিয়ের বিকাশ জন্য যে দিবানিশি চেষ্টা করিয়া থাক, এ সকল কি আধ্যাত্মিক শক্তির তুলনায় হীন নহে? একটা কথা মনে রাখিও আত্মা স্ববিগণ এক জন নন দুই জন নন শতসহস্র স্ববিগণ এই আধ্যাত্মিক শক্তির বিকাশ ও উৎকর্ষে নিরাকার, ইন্দ্রিয়াতীত ঈশ্বরকে জীবন্ত জাগ্রত ও জলন্তরূপে সর্বত্র দর্শন করিয়াছেন, তাঁহাকে সর্বত্র বিদ্যমান দেখিয়া মুগ্ধ হইয়া তাঁহাকে প্রাপ্ত হইতে সর্বস্ব পরিত্যাগ করিয়াছেন। বর্তমান বিজ্ঞানবিদগণ ঈশ্বরকে ত উড়াইয়া অনেক দিন দিয়াছেন, এখন তাঁহারা নিজে আছেন কি না তাহার তর্কে প্রবৃত্ত হইয়া এই গভীর সিদ্ধান্তে উপনীত হইয়াছেন যে আত্মা নাই, আমরা জড়মাত্র। তাঁহারা যোগীদিগের ন্যায় যদি আত্মা দ্বারা আত্মাকে ও পরমাত্মাকে দর্শন করিতে পারিতেন তাহা হইলে আর এ প্রকার মহাজমে পতিত হইতেন না। আমরা এমন মূর্থ যে, প্রাচীন পিতৃপিতামহাদির সাক্ষাতে অশ্রদ্ধা করিয়া সে দিনের বালকবৎ পাশ্চাত্য বিজ্ঞানবিদদিগের পদা-নুসরণ করিয়া বলিতেছি, আত্মা নাই, পরমাত্মা নাই, সকলই জড়মাত্র। ঈশ্বর-রূপে আত্মবর্ষ্য আমাদেরকে অন্য প্রকার শিক্ষা দিতেছেন। ব্রাহ্ম-গণ আধ্যাত্মিক জগতের সত্য বিশ্বাস করিয়া দিন দিন আধ্যাত্মিক জগতের নুতন সত্য সন্দর্শন করিতেছেন। এমন দিন ঈশ্বরের রূপে আসিবে এবং তাহার পূর্ব চিহ্ন সমুদয় এখনই প্রকাশিত হইতেছে, যে দিনে মানবমণ্ডলী জড়জগৎ অপেক্ষাও উজ্জলরূপে আধ্যাত্মিক জগতের সত্য বিশ্বাস করিবে। যে নাস্তিকতা ও সংশয়বাদ দেখিয়া লোকের প্রাণ ভীত হইতেছে, আধ্যাত্মিক জগতের সে নুতন ঘটনা দেখিয়া সে ভয় কাটিয়া যাইবে।

আন্তরিকতা ও ধর্ম্ম জয়যুক্ত হইবে।

দেবগৃহে দৈনন্দিন লিপি।

২১ মার্চ, মঙ্গলবার—অধ্যা ইংরাজী সভাপতি Traders Association সভার খান্নার বক্তৃতা পাঠ করি। সে গুলি অতি প্রত্যাশাজনক ও উৎকৃষ্ট। ইংরাজের প্রাণ যেমন আহারের পর খুলে এমন অন্য সময়ে নহে।

২২ মার্চ, বুধবার—অধ্যা সন্ধ্যার সময়ে শিক্ষক-সিগের বাসায় বাই তথ্য উদ্ভব বিষয়ে কথোপকথন ও গল্প হয়। অ. বাবু গল্প করিতে বিলম্ব পটু। গল্প শুটাইয়া করার অন্য বিশেষ পটুতা চাই। বলিবার সোপে গল্প খারাব হইয়া যায়।

২৩ মার্চ, বুধবার—অধ্যা ডেপুটি মেজিষ্ট্রেট বান্ধবের জিহ্বা বাবু কেদারনাথ দত্তের প্রণীত “জীর্ণ সংহিতা” পাঠ করি। এই গ্রন্থের ভূমিকায় প্রবন্ধকার আমাদিগের পুরাণ হইতে সত্য পুরাতত্ত্ব উদ্ধার করিতে চেষ্টা করিয়াছেন ও ইহাতে কিয়ৎ পরিমাণে কৃত-কার্য্যও হইয়াছেন। এই চেষ্টা অতীব প্রশংসারোগ্য। আমার বিশ্বাস এক একটি বুদ্ধ যেমন একটি এরূপ লতার পরিবেষ্টিত থাকে যে নিজ বুদ্ধকে দেখা যায় না সেইরূপ আমাদিগের পুরাণে সত্যপুরাতত্ত্ব রূপক-লতা-পুষ্প দ্বারা আবৃত আছে। সেই লতা ছাড়াইয়া সত্য পুরাতত্ত্ব উদ্ভাবন হওয়া যায়। কেদার বাবু পূর্বে ইউনিটেরিয়ান ছিলেন। এক্ষণে একান্ত বিশ্বাসের বাধ্য হইয়া চৈতন্যমতাবলম্বী হইয়াছেন। যিনি একান্ত বিশ্বাসের বাধ্য হইয়া আপনাতত্ত্ব পরিবর্তন করেন তিনি ন্যায়ের উপভুক্ত। আমাদিগের বর্তমান গবর্নর জেনারেল লর্ড রিপন এজন্য যথেষ্ট সম্মানযোগ্য।

২৪ মার্চ, রবিবার—অধ্যা অপরাহ্নে বুল গৃহে কথো-পকথন সভা হয়। আমি কথোপকথনের সাহায্য স্বরূপ ভাষার পূর্বে হিন্দুজাতির ঐক্য সাধন বিষয়ে বলি। আমি ধর্ম বিষয়ে ঐক্য সাধন, রাজনৈতিক বিষয়ের ঐক্য সাধন এবং সামাজিক বিষয়ের ঐক্য সাধন বিষয়ে বলি। ধর্ম বিষয়ের ঐক্য সাধন বিষয়ে বলি যে কতিপয় কৃতবিদ্যা ব্যক্তিদিগের মধ্যে প্রচ-লিত সংশয়বাদ সাধারণ ধর্ম হইতে পারে না। উহা ধর্ম নহে। একটি ধর্ম আবশ্যিক। হিন্দুসমাজের কৃতবিদ্যা ব্যক্তিদিগের মধ্যে ক্রমে ব্রাহ্মধর্ম প্রচলিত হইবার সম্ভাবনা। হিন্দুসমাজের বিদ্বান লোক ব্রাহ্ম হইতে ও অবদান লোক পৌত্তলিক থাকিতে পারে কিন্তু দুই প্রেবীই হিন্দু ধর্মাবলম্বী বলিয়া তাঁহাদিগের মধ্যে ধর্ম বিষয়ে ঐক্য রক্ষা করিতে পারেন। বস্তুতঃ ব্রাহ্ম ধর্ম ও সাকার উপাসনা উভয়ই হিন্দু ধর্ম। ব্রাহ্মধর্ম হিন্দুদিগের সার ধর্ম। ধর্ম বিষয়ে ঐক্য সকল ঐক্য স্থাপনের মূল। কতকগুলি ব্রাহ্ম যে আপনাদিগকে হিন্দু বলেন না ইহা আমাদিগের দেশের সম্বন্ধে একটি মহা বিপদ জ্ঞানকরা কর্তব্য। সামাজিক ঐক্য সাধন বিষয়ে বলি যে আমাদিগের মধ্য হইতে প্রদেশীয় বিদ্বেষ ভাব দূরীকৃত হওয়া কর্তব্য। ইহা অতিশয় চাপের বিষয় যে বাঙ্গালী হিন্দুস্থানীকে, হিন্দুস্থানী বাঙ্গালীকে, এমন কি বঙ্গদেশের এক অংশের লোক আর এক অংশের লোককে যেমন বিক্রমপুরের লোক

মৈমনসিংহের লোককে কলিকাতার লোক মেদিনী-পুরের লোককে ঘৃণা করে। এই বিদ্বেষ ভাব তিরো-হিত হইয়া প্রীতিভাব সঞ্চারিত হওয়া কর্তব্য। এই প্রীতিভাবের সম্ভারের প্রথম উপায় পরস্পরের মানসিক অভাব পরস্পরের দ্বারা মোচন করা এবং দ্বিতীয় উপায় উদাহরণ দ্বারা বন্ধ হওয়া। বাঙ্গালী জাতির দুর্বলতা হিন্দুস্থানীর বলের দৃষ্টান্ত সম্বন্ধে দ্বারা নিরাকৃত ও হিন্দুস্থানীর নিশ্চেষ্টতা ও আন্দোলন-প্রিয়তার অভাব বাঙ্গালীর আন্দোলন-প্রিয়তার (বাঙ্গালী অতি হালুকে জাতি) দ্বারা নিরাকৃত হইতে পারে। হিন্দুস্থানী স্বাধীন ও বাঙ্গালী ব্রাহ্মণ এবং হিন্দুস্থানী লালী ও বাঙ্গালী কায়ত্তের মধ্যে বিবাদ হওয়া কর্তব্য। এই প্রকার অসমর্থ বিবাহ অত্যন্ত প্রাণনাশ। হিন্দু জাতির ঐক্য সাধনের সমূল্য কণা ক্রমে রাজনৈতিক স্বাধীনতা লাভ। এই বিষয় বলিয়া বক্তৃতা সমাপন করি। *

২৫ মার্চ, বুধবার—অধ্যা প্রাতে ষাটওয়া নদীর দিকে বেড়াইতে যাই। অধ্যা সন্ধ্যার সময়ে অ. বাবু আমার সঙ্গে সাক্ষাৎ করিতে আইসেন। তাঁহার সহিত “Pantheism” অর্থাৎ অধৈতবাদ বিষয়ে কথোপকথন হয়। আমি বলিলাম যে আমি নিজে “Pantheist” নহি, তথাপি এ বিষয়ে আমার বক্তব্য এই যে “Pantheismকে” আমরা এত ভয় করি কেন? যেন বাড়ি ভাঙতে আদিতেছে। যদি “Pantheism” সত্য হয় তবে কেন আমরা “Pantheist” হইব না? ঐরিয়ান মিসনরীরা আমাদিগের মধ্যে এই ভয়ের প্রথম সঞ্চার করেন কিন্তু বাইবেলেও তাহার কথা “Pantheism” বলেন তাহা আছে। “In Him we live, move and have our being.” “Who filleth all in all”। এই রূপ “Pantheism”এ এবং আমাদিগের উপনিষদের “Pantheism”এ আমার বিশ্বাস আছে কিন্তু বৈদা-ন্তিক অধৈতবাদে আমার বিশ্বাস নাই।

২ ফাল্গুন, শুক্রবার—অধ্যা সন্ধ্যার সময়ে প্রধান শিক্ষকের বাসায় যাই। সেইখানে অনেক বাবুর সঙ্গে দেখা হয়। ইহার প্রত্যহ সন্ধ্যাকালে এইখানে জ-মেন। ইহার মধ্যে পূর্বে অনেকে ব্রাহ্ম ছিলেন। বাহারা পূর্বে ব্রাহ্ম ছিলেন এক্ষণে ব্রাহ্ম নহেন তাঁহা-রদিগকে আমি কেদার ব্রাহ্ম বলিয়া থাকি। অ. বাবু পরলোকগত কাশীশ্বর মিত্রের নিকট ব্রাহ্মধর্ম গ্রন্থ অধ্যয়ন করিয়াছিলেন। অ. বাবুর বাটী চুঁচু। কাশীশ্বর বাবু তখন ছগলির সদর আশা ছিলেন। অ. বাবু বলিলেন তিনি সকল সময়ে ঘাইতেন কিন্তু কখন চক্ষু মুগ্ধিত করেন নাই। চ. বাবু বলিলেন যে তিনি পাটনায় বাবু ঈশানচন্দ্র সিংহের ব্রাহ্ম সমাজের সভা ছিলেন। শ্য. বাবু বলিলেন যে তিনি কেশব বাবুর সংকীর্ণনে বাহির হইতেন ও দুই একবার উৎসব দিবসে উপবাসও করিয়াছিলেন। আমি বলি-লাম যে বঙ্গদেশে প্রায় এমন কৃতবিদ্যা ব্যক্তি নাই ব্রাহ্মসমাজের সহিত বাহাদিগের কখন না কখন এক

* এই বক্তৃতার মর্ম ৫১ ব্রাহ্ম সমাজের ঐশ্বর্য্যমণ্ডপে তত্ত্ববোধিনী পত্রিকাতে হিন্দু জাতির ঐক্য সাধন শিরক প্রস্তাবে প্রকাশিত হইয়াছে।

সময় সংস্কার না ছিল কিন্তু অত্যন্ত ছাংয়ের বিষয় এই যে যে সংস্কার হারী হয় না।

৪ ফাল্গুন, রবিবার—আজ দুই প্রহর তিনটার সময় প্রথম শিক্ষকের গৃহে কথোপকথন সভা হয়। তাহাতে Pope's Essay on Criticism হইতে কিয়ংশ Dryden's Alexander's Feast সম্পূর্ণ এবং Shakespear's Macbeth ধানিক পাঠ করি। আমারদিগের শিক্ষক পুরাতন হিন্দু কলেজের Capt'n Richardson যেমন এই সকল কবিতা পাঠ করিতেন সেইরূপ পাঠ করিয়া দেখাওতে চেষ্টা করিলাম। Capt'n Richardsonকে অরণ হইলে যন কি উল্লিখিত হয়। অমন ইং-বান্দী করিতা পাঠক ও বাধ্যতা ও অমন অমায়িক লোক আমরা কখন দেখি নাই। সভার হুগলিয় একটি উকিল উপস্থিত ছিলেন। তিনি বলিলেন যে কৃত-বিদ্যা লোকের মধ্যে ছয় আনা সংস্কারবাদী ও দশ আনার ঈশ্বরে বিশ্বাস আছে কিন্তু সে বিশ্বাস অ-বিশ্বাস মাজি। মুসলমানদিগের মধ্যে নিরূপিত সময়ে নমাজ প্রথা থাকিতে তাহাদিগের মধ্যে কেমন একটি ধর্মবন্ধন আছে, এরূপ ধর্মবন্ধন আমাদের মধ্যে না থাকা কি দুঃখের বিষয়। কি প্রকারে ধর্মবন্ধন হইতে পারে ইহা ভাবিয়া আমি আকুল। আমি বলিলাম যে উপাসনা প্রণালী ও ধর্মবন্ধনের অন্যান্য উপায় আদি ব্রাহ্মসমাজের দ্বারা নির্দেশিত হইয়াছে তাহা অবলম্বন করিলেই হয়। অদ্য বৃষ্টি হয়। কর্ণ রোগ বৃদ্ধি পাইতেছে। দক্ষিণ কর্ণে কিছু শুনিতে পাই না। এক মাদ হইল পুনর্বার কর্ণরোগ হইয়াছে।

বিজ্ঞাপন।

আগামী ১১ মাস সাপ্তাহিক ব্রাহ্মসমাজ উপলক্ষে ১১/১২/১৩ মাঘে আদি ব্রাহ্মসমাজের পুস্তকালয়স্থ বি-ক্রেত পুস্তক বকল ও পুরাতন তত্ত্বাবোধিনী পত্রিকা সকল নিম্নলিখিত মগদ মূল্যে বিক্রয় হইবে।

যুক্তবলের ক্রেতাদগণ ১১ মাঘের মধ্যে যণিবর্জার বা ছাতি দ্বারা পুস্তকের মূল্য ও আত্মমানিক ভা-ক মাণ্ডল সরকারী সম্পাদকের নিকট পাঠাইলে পুস্তক প্রাপ্ত হইবেন, ডাকের টিকিট পাঠাইবেন না।

নির্ধারিত মূল্য।

প্রকৃত অসাম্প্রদায়িকতা কাহাকে বলে ?	/০
বিবিধ প্রবন্ধ (নব প্রকাশিত)	১১
জীবনের উদ্দেশ্য ও তৎসাধনের উপায়	০০
ব্রাহ্মসমাজ সম্পূর্ণ ভাষা (নূতন সংস্করণ)	১০
ঐতিহাসিক জীলোকদিগের পূর্বাবস্থা	১০
আত্মোৎকর্ষবিধান	১৫/০
ব্রাহ্ম বিবাহ বিচার	৫
ব্রাহ্ম ধর্মের অসাম্প্রদায়িকতা	৫
বঙ্গীত হার	১০
ব্রাহ্মসমাজ গ্রন্থক রামেন্দ্রকুমার রায় চৌধুরী	
প্রণীত	১০
রামা রামমোহন রায়ের প্রবাসী ১ম সংখ্যা হইতে	
১৩য় সংখ্যা পর্যন্ত প্রতি সংখ্যার মূল্য	১০

ভগবদগীতাসংগ্রহ	...	...	১০
মহারাজা শ্যামাচরণ সরকারের জীবন চরিত	...	...	১০
	Rs	As	P.
A Discourse against Hero-making in religion	...	12	...
Science of Religion	...	4	...
Leonard's History of the Brahmo Samaj	3	...	...
Who is Christ ?	...	...	6
Brahmo Catechism	...	1	...

২৫ টাকা কমিশন বাদে নির্ধারিত মূল্য।

ব্রাহ্মধর্মের ব্যাখ্যান সম্পূর্ণ (নূতন সংস্করণ)	...	...	৩৫
ব্রাহ্মধর্ম প্রথম ও দ্বিতীয় খণ্ড ভাষ্যপত্র	...	...	...
সহিত (লাল কাগজ অক্ষরে)	...	...	১৫
ব্রাহ্মধর্ম প্রথম ও দ্বিতীয় খণ্ড ভাষ্যপত্র	...	...	...
সহিত (ঐ ভাষ্য বাঁধা)	...	...	১৫/০
ব্রাহ্মধর্ম প্রথম ও দ্বিতীয় খণ্ড ভাষ্যপত্র সহিত	...	...	...
(মূল ও টীকা দেবনাগরী অক্ষরে ও ভাষ্যপত্র)	...	...	২৫/০
বাংলা অক্ষরে	...	...	৫
বেদান্তপ্রবেশ	...	...	৫
বক্তৃতা কুশুম্ভজালি	...	...	৫
সৃষ্টি	...	...	৫
ব্রাহ্মধর্মের মত ও বিশ্বাস	...	...	১০/০
রাজনারায়ণ বসুর বক্তৃতা প্রথম ভাগ	...	...	১০/০
রাজনারায়ণ বসুর বক্তৃতা দ্বিতীয় ভাগ	...	...	১০/০
হিন্দুধর্মের শ্রেষ্ঠতা	...	...	১০/০
গৃহকর্ম	...	...	৫/০
প্রাত্যহিক ব্রহ্মোপাসনা	...	...	৫/০

As P.

Defence of Brahmoism and the Brahma Samaj	3	...
Brahmic Questions of the Day	4	6
Brahmic Advice, Caution and Help	2	3
Adi Brahma Samaj, its Views and Principles	1	6
Adi Brahma Samaj as a Church	2	3
A Reply to the Query; "What is Brahmoism?"	3	...
Theistic Toleration and Diffusion of Theism	0	9
Reply to Bishop Watson's Apology for the Bible	4	6

নির্ধারিত অর্ধ মূল্য।

ব্রাহ্মবিদ্যালয়	...	...	১০
ব্রাহ্মধর্মের ব্যাখ্যান—প্রথম প্রকরণ	...	...	১০
ব্রাহ্মধর্মের ব্যাখ্যান—দ্বিতীয় প্রকরণ	...	...	১০

মাসিক ব্রাহ্মসমাজের উপদেশ	...	১০
ব্রাহ্মধর্মের উচ্চ আদর্শ ও আনন্দবিপ্লব	...	১০
আধ্যাত্মিক অভ্যাস	...	১০
সংস্কৃত ব্রাহ্মধর্ম (দেবনাগরী অক্ষরে)	...	১০
বাংলা ব্রাহ্মধর্ম ১ম ও ২য় খণ্ড	...	১০
বাংলা ব্রাহ্মধর্ম দ্বিতীয় খণ্ড	...	১০
বাংলা ব্রাহ্মধর্ম তাৎপর্য সহিত	...	১০
কলিকাতা ব্রাহ্মসমাজের বক্তৃতা	...	১০
ব্রাহ্মসমাজের বক্তৃতা	...	১০
কাশ্মীর মিতের বক্তৃতা	...	১০
বেহালা ব্রাহ্মসমাজের বক্তৃতা	...	১০
ভবানীপুর সাংসদিক সমাজের বক্তৃতা	...	১০
বোয়ালিয়া ব্রাহ্মসমাজের প্রার্থনা ও উপদেশ	...	১০
তত্ত্ববোধিনী দ্বিতীয় সংস্করণ	...	১০
ধর্মতত্ত্বপিকা প্রথম ভাগ	...	১০
ধর্মতত্ত্বপিকা দ্বিতীয় ভাগ	...	১০
ধর্মতত্ত্বপিকা প্রথম ও দ্বিতীয় ভাগ একত্রে	...	১০
অধিকারতত্ত্ব	...	১০
হিন্দুধর্মনীতি	...	১০
ধর্ম ও জ্ঞানের মীমাংসা	...	১০
তত্ত্বপ্রকাশ	...	১০
ধর্মতত্ত্বলোচনা	...	১০
ব্রহ্মোপাসনা	...	১০
ব্রহ্মোপাসনা পদ্ধতি	...	১০
ধর্মশিক্ষা	...	১০
প্রবচন সংগ্রহ	...	১০
ব্রহ্ম-সঙ্গীত চতুর্থ ভাগ	...	১০
ব্রহ্ম-সঙ্গীত পঞ্চম ভাগ	...	১০
সঙ্গীতমুক্তাবলি ১১২ ভাগ একত্রে	...	১০
সঙ্গীত মুক্তাবলি তৃতীয় ভাগ	...	১০
কুমারশিক্ষা	...	১০
প্রথমমঞ্জরী	...	১০
উত্তরোত্তরমঞ্জরী	...	১০
প্রভাত-কুসুম	...	১০
ধর্মশিক্ষা	...	১০
ব্রহ্মসাধন	...	১০
ব্রহ্মজ্ঞানসূত্র তাৎপর্য সহিত	...	১০
ব্রাহ্মধর্ম ভাব প্রথম খণ্ড	...	১০
ব্রাহ্মধর্ম ভাব দ্বিতীয় খণ্ড	...	১০
ব্রাহ্মধর্মের সহিত জন-সমাজের সম্বন্ধ	...	১০
ব্রাহ্মধর্ম ও ব্রাহ্মসমাজ বিবর্তক প্রস্তাব	...	১০
উপদেশ	...	১০
ছুর্গোৎসব	...	১০
পঞ্চবিংশতি বৎসরের পরীক্ষিত বৃত্তান্ত	...	১০
সঙ্গীত মঞ্জরী	...	১০

Rs As P.

Ontology	1	"	"
Hindoo Theism	"	"	6
Theist's Prayer Book	"	"	6
Signs of the Times	"	"	6

As.

Doctrine of Christian

Resurrection 1 | " |Physiology of Idolatry 1 | " |Miracles or the Weak Points
of Revealed Religion 4 | " |

নির্ধারিত মূল্য।

মাঘোৎসব	...	১০
দশোপদেশ	...	১০
সংস্কৃত ব্রাহ্মধর্ম (টীকা সহিত)	...	১০
অনুষ্ঠান-পদ্ধতি	...	১০
বুজি সহিত কঠোপনিষৎ (দেবনাগরী অক্ষরে)	...	১০

১৭৬৯ শক অবধি ১৮০২ শক পর্যন্ত (১৭৭০, ১৭৭৪, ১৭৮০ এবং ১৭৮১ শক বাদে) যে সকল তত্ত্ববোধিনী পত্রিকা পুস্তকালয়ে উপস্থিত আছে, তৎসমুদায়ের প্রতি বৎসরের একজন বাধান এক এক খণ্ড ২৪০ টাকার হিসাবে বিক্রয় হইবে।

নির্ধারিত মূল্যের পুস্তক সকল অনুমান দশ টাকার ক্রয় করিলে শতকরা ১২১০ টাকার হিসাবে কমিসন দেওয়া হইবে।

বিজ্ঞাপন।

আদি ব্রাহ্মসমাজের সহকারী সম্পাদক শ্রীযুক্ত প্রমথকুমার বিদ্যাস ভাঁহার কন্ঠ হইতে অবসর লাভের তাহার স্থানে পণ্ডিত শ্রীযুক্ত হেমচন্দ্র বিদ্যারত্ন সহকারী সম্পাদক পদে নিযুক্ত হইয়াছেন। সমাজের টাকা প্রভৃতি যিনি দাখা পাঠাইবেন তাহা এখন প্রমথকুমার বিদ্যাসের নামে না পাঠাইয়া হেমচন্দ্র বিদ্যারত্ন মহাশয়ের নামে পাঠাইবেন।

শ্রীযুক্তাতিরিক্তনাথ ঠাকুর
সম্পাদক।

নূতন পুস্তক।

"বিবিধপ্রবন্ধ" (নব প্রকাশিত) শ্রীযুক্ত বাবু রায় নারায়ণ বসু প্রণীত মূল্য ১ এক টাকা।

কৃষ্ণ যজুর্বেদীয় "শ্বেতাশ্বতরোপনিষৎ" শ্রীযুক্ত বাবু মহেশচন্দ্র পাল কর্তৃক লঙ্ঘনিত। মূল্য ১০ এক টাকা চারি আনা।

সংখ্যা ১৯০০। কলিকাতা ৪২৮০। ১ বাথ শাখার।

प्रज्ञाएकमिदमग्र्यासीदग्र्यन् किञ्चनासीत्तद्विद् सर्व्वं सृजत् । तदेव नित्यं ज्ञानमनन्तं जितं खलत्वाभ्ररूपयमेकमेवाद्वितीयम् । सर्व्वं चापि सर्व्वं नियन्तुं सर्व्वान्यसर्व्वं नित्यं सर्व्वं शक्तिमद्भुवं पूर्णमप्रतिममस्ति । एकस्य तत्सौवीपासनया पारम्यिकमैतिकस्य यममध्यमि । सन्निभं प्रतिनिरुद्धं प्रियकार्य्यं साधनञ्च तदुपासनमेव ।

অদ্য ব্রাহ্মসমাজ ত্রিংশৎ বর্ষ অতি-
ক্রম করিয়া চতুঃশ্লোক বর্ষে পদনিষ্ক্রেপ
করিতেছে। ইহা দেখিয়া কি আমাদের
হৃদয় আনন্দে উৎকল হইতেছে না? এই
ত্রিংশৎ বর্ষ মধ্যে ইহার শাখা প্রশাখা
বিস্তার ও কার্য-ফল দেখিয়া আমাদের সে
আনন্দ কি দ্বিগুণিত ও চতুঃগুণিত হইতেছে
না? কয়েক বৎসর যাবৎ ব্রাহ্মসমাজ বঙ্গ-
দেশের চতুঃসীমা মধ্যেই আবদ্ধ ছিল
কিন্তু ঈশ্বর-প্রসাদে ইহা এক্ষণে শুদ্ধ বঙ্গ-
দেশে নয়, ভারতের এক সীমা হইতে সীমা-
ন্তর পর্য্যন্ত পরিব্যাপ্ত হইতেছে। এক্ষণে
ভিন্ন ভিন্ন স্থানে ব্রাহ্মসমাজ সংস্থাপিত ও
পরব্রহ্মের বিশুদ্ধ উপাসনা প্রচলিত হই-

তেছে। এক্ষণে শত শত নর নারী ইহারই কল্যাণে বিশুদ্ধ আচার ব্যবহার অনুষ্ঠান পরম্পরা অবলম্বন করিয়া স্ব স্ব জন্ম সফল করিতেছেন। ব্রাহ্ম ধর্ম কোন সাম্প্রদায়িক ধর্ম নহে। সকলের পরমারাধ্য এক মাত্র পরমেশ্বরের উপাসনা ও তাঁহার প্রিয়কার্য সাধন এই দুইটাই ইহার প্রধান অঙ্গ। যাহাতে মানবকুল শারীরিক ও মানসিক তেজে বলীয়ান, জ্ঞান ও ধর্ম গরীয়ান হয়, কি রাজনৈতিক কি সামাজিক কি আধ্যাত্মিক সকল প্রকার উন্নতি সংসাধন করিতে পারে, ব্রাহ্মধর্মের এই মহৎ উদ্দেশ্য। ব্রাহ্মধর্ম-প্রভাবে একদিন ভারতের বিভিন্ন জাতি সমূহ একসূত্রে মিলিত হইয়া ভারতভূমির মঙ্গলকল্পে বন্ধপারিকর হইবে, এই ধর্ম কালে ভারত-দুঃখ-রজনীর তরুণ-বিভাকর-সদৃশ হইয়া জ্ঞান ধর্ম স্বাধীনতা প্রভৃতি দেশময় বিকীর্ণ করিবে এ আশা দুরাশা নহে।

ধর্মমেষমিমাংসারঃ * * *

বর্ষভোজ বতোধর্মীয়তবারঃ সহস্রশঃ ॥

ব্রাহ্মসমাজ ভারতাকাশে বর্ষাকালীন মেঘসদৃশ উদ্ভিত হইয়া সহস্রধারে ব্রাহ্মধর্মায়ত বর্ষণ করিতেছে। যিনি এতদ্বাশে এই অশেষ কল্যাণের নিদান পবিত্র ব্রাহ্মধর্মের বীজ রোপণ করেন সেই মহাত্মা রাজা রামমোহন রায়কে অদ্যকার উৎসবে একবার কৃতজ্ঞতা ও ভক্তিপূর্ণ হৃদয়ে স্মরণ করি। রাজা রামমোহন রায় স্বীয় জন্মভূমির দুঃখ দারিদ্র্য দূর ও শ্রী সৌভাগ্য সমুন্নতি জন্য যে যে কর্ম করিয়া গিয়াছেন তন্মধ্যে এই মাসের একাদশ দিবসে ব্রাহ্মসমাজ সংস্থাপন একটা প্রধান। তাঁহার কীর্তি গুরুপক্ষীয় শশিকলার ন্যায় দিন দিন প্রবর্তমান হইতেছে। ইহার বিমল কিরণ চতুর্দিক আনোকিত করিতেছে। সেই মহা-

স্মার মহৎ দৃষ্টান্ত লোকের অনুকরণীয় হইয়া রহিয়াছে। কবে তাঁহার সদৃশ উন্নতমনা জ্ঞানগভীর প্রতিভা-সম্পন্ন লোক বহুল পরিমাণে এ দেশে জন্মগ্রহণ করিয়া ভারতের মুখোজ্জ্বল করিবে।

কি নিমিত্ত এই ১১ মাসের পবিত্র মহোৎসব? তাহা এই জন্য যে আমরা অদ্য এখানে আসিয়া করুণাময় পরমেশ্বরকে সর্কান্তঃকরণের সহিত প্রীতি ও ভক্তি উপহার প্রদান করি, আমাদের হৃদয়-ধামে একটা সরোবর খনন করিয়া তাহাতে তাঁহার অমৃতবারি এক্রূপে সঞ্চিত করিয়া রাখি যে সংসারের কাল—চিরজীবন তাহা আমাদের উপজীব্য হইবে, এমনত দৃঢ় বন্ধনে তাঁহার সহিত সংযুক্ত হই যে সংসারের ধন মান প্রভৃতি কিছুতেই সে বন্ধন ছিন্ন করিতে সমর্থ হইবে না। অদ্য যেন আমরা এখানে প্রীতি করি যে তাঁহাকে সন্তোষ করাই আমাদের জীবন ও তাঁহা হইতে বিচ্যুতি ও সংসারাসক্তিই আমাদের মৃত্যু। অদ্য যেন তিনি আমাদের এমত বিশ্বাস প্রদান করেন, যে তাঁহা ছাড়া যে জীবন তাহা নিতান্ত অকিঞ্চিৎকর, তাহা ঘন বিষাদে পরিপূর্ণ। আমরা এখানে তাঁহাকে পাইলেই জীবনের চূড়ান্ত সম্পদ প্রাপ্ত হই।

যং লক্ষ্যং চাপরং লাভং মনতে নাশিকং ততঃ।

যশিন্ দ্বিতোন দুঃখেন গুরুণাপি নিচাল্যতে ॥

যাঁহাকে লাভ করিলে অপর যে কোন বস্তুর লাভ তাহা অকিঞ্চিৎকর বলিয়া প্রতীয়মান হয় তাঁহাকে লাভ কর, তাঁহাতে নির্ভয়ে স্থিতি কর, সংসারের ঘোরতর দুঃখও তোমাকে বিচলিত করিতে সমর্থ হইবে না।

যাঁহার উদার সদাশ্রিত আমরা অবিরত ভোগ করিতেছি যাঁহা হইতে আমাদের জীবন ধন সুখ সম্পদ, অদ্য হইতে তাঁহাকে ছাড়িয়া যেন আর জীবন যাপন না করি,

তাহাকে যেমন অনুতাপ ও ক্রন্দন সহকারে বলি যে “বিষয়-মায়া-জালে রহিব না ভুলে আর”, প্রাণের সহিত তাহার নিকট অদ্য প্রতিজ্ঞা করি যে আজ অবধি “হৃদয়ে রাখি দিব তোমায় ধন প্রাণ দেহ মন সব দিব তোমারে।”

হা! তাহার প্রেম দয়া স্মরণ করিলে তাহাকে প্রীতি করিতে তাহার প্রতি আত্ম-সমর্পণ করিতে কি মনে প্ররুতি হয় না?

এখানেবানন্যথাতি।

তিনি অজস্র প্রীতি সহকারে আমাদিগকে কতই আনন্দ প্রদান করিতেছেন। তিনি প্রেম-সমুদ্র। তাহার প্রেম তাহার করুণা তাহার স্নেহ বাক্য ও মনে ধারণা করা যায় না। তিনি নিয়তই আমাদিগকে প্রীতি-পূর্ণ দৃষ্টিতে দেখিতেছেন, প্রতিনিয়ত আমাদিগের যথার্থ মঙ্গল বিধান করিতেছেন, তাহার অমৃতময় পথে আকর্ষণ করিতেছেন। তিনি আমাদিগের করুণাময় পিতা, স্নেহময়ী জননী। আমরা তাহার স্নেহ কি বুঝিতে পারিব? অবোধ শিশু পার্থিব মাতার স্নেহ কি বুঝিতে পারে? তিনি পার্থিব পিতা মাতার মনে যে আশ্চর্য্য প্রেম ও স্নেহ প্রেরণ করিয়াছেন তাহা দেখিয়া আমরা তাহার অপার গভীর স্নকুমার প্রেম ও স্নেহের কণামাত্র উপলব্ধি করিতে পারি। রসোবৈ সঃ তিনি রসস্বরূপ তৃপ্তিহেতু। বিষয়-স্থখে আত্মা প্রকৃত তৃপ্তি লাভ করিতে পারে না, তিনিই তাহার তৃপ্তির স্থল। তাহার প্রেম অনুভব করিয়া তাহাকে প্রেম-দৃষ্টিতে দেখিয়া যখন আমরা তাহার প্রিয় কার্ণে রত থাকি, তখনই আমরা প্রকৃত জীবন লাভ করি, তখনই পরম তৃপ্তি, পরম আনন্দ, পরম সম্পদ, পরম শান্তি সম্ভোগ করি। তিনি আমাদিগের জীবনের জীবন, জীবনের রসায়ন। তাহাকে না পাইলে জীবন অর্থশূন্য নীরস অক-

কারময় হইয়া যায়। তিনি চিরন্তন ধন। মাংসারিক যে কিছু ধন সম্পত্তিতে আমরা এত মগতা করি, সে সমুদায়ের সহিত আমরা এককালে বিচ্ছিন্ন হইব কিন্তু তাহার সহিত আমাদের যোগ চিরকালই নিবন্ধ রহিবে। আমরা যত তাহাকে উপার্জন করিব, তাহার আনন্দ-প্রেম-মূর্ত্তি প্রত্যক্ষ করিতে অভ্যাস করিব, ততই তিনি আমাদিগের প্রতি জনের আপনার আপনার হৃদয়ের প্রাণের অমূল্য ধন হইবেন। তিনি আমাদিগের চিরকালের সম্বল। আমরা যদি এখানে তাহাতে নির্ভর করিয়া তাহাতেই অবস্থিতি করি, তবে পরলোকেও তাহাতে অবস্থান করিতে পারিব। মৃত্যু সময়ে আর সমুদয় আমাদিগকে পরিত্যাগ করিবে, কিন্তু আমরা তাহাকে লইয়া পরলোকে প্রবেশ করিব ও তাহাকে অনন্ত কাল উপভোগ করিব। তিনি বিপদ-ভঞ্জন অভয়-দাতা। মাতা যেমন সন্তানকে কখনই গরল প্রদান করিতে পারেন না, সেইরূপ তিনি আমাদিগকে কখনই বিনাশ করেন না। পাছে আমরা বিপদে পড়ি এজন্য তিনি পূর্ব হইতে আমাদিগকে কতই সাবধান করেন। আর যদি আমরা ঘোর বিপদে পতিত হইয়া তাহার শরণাপন্ন হই তাহা হইলে তিনি অভয় দান করিয়া তাহার ক্রোড়ে স্থান দান করেন। তিনি তখন আমাদিগকে বলিতে থাকেন, যে তাহা হইতে বিচ্যুতিই আমাদিগের প্রকৃত বিপদ, যতক্ষণ আমরা তাহার প্রসন্ন অতুল প্রেমানন দেখিতে পাই ততক্ষণ বিপদ কি করিতে পারে? তিনি মৃত্যু-ভয়-হরণ, তাহার ক্রোড়ে উপবিষ্ট থাকিলে মৃত্যু কিছুই ভয় দিতে পারে না, বরং তাহা অমৃতের সোপান বলিয়া প্রতীয়মান হয়। তিনি ভবতারণ, ভব-ভয়ের প্রশমন, ভবার্ণবের কাণ্ডারী। তিনি ভেলাদরূপ হইয়া তাহার

সাধকদিগকে সংসারের মোহতরঙ্গ হইতে উ-
ত্তীর্ণ করিয়া তাঁহার অভয় কুলে লইয়া যান।
যে তাঁহার আশ্রয় গ্রহণ করে, তিনি তাহাকে
সংসারাসক্তি মোহ কুটিলতার পাশ হইতে
বিমুক্ত করেন—তিনি তাহাকে ধর্ম্মায়ত প্রে-
মামৃত প্রদান করিয়া চরিতার্থ করেন। তিনি
অমৃতের সেতু, তিনি আমাদের অমৃত-
তের দ্বার নিয়ত উন্মুক্ত করিয়া রাখিয়াছেন।
তিনি মুক্তিদাতা। আমরা যদি চাতকের ন্যায়
তাঁহার নিকটে একান্ত মনে মুক্তি প্রার্থনা
করি, তাহা হইলে তিনি এই খানেই তাহা
আমাদিগকে প্রদান করেন, এই খানেই আমা-
দিগের হৃদয় স্বর্গীয় উপাদানে নির্মাণ করিয়া
দেন—তাঁহার প্রতি প্রেম, তাঁহার সৃষ্টলোকের
প্রতি প্রেমে আমাদের হৃদয় পরিপূর্ণ হয়—
প্রকৃত বৈরাগ্য অবলম্বন করিয়া তাঁহার প্রতি
নির্ভর পূর্বক তাঁহার সহবাসে আমরা সংসা-
রের কাগ্নি করিতে থাকি। তিনি অধম-
তারণ পতিত-পাবন। আমরা মোহবশে
কতবার অপথে পদার্পণ করিয়া আত্মাকে
কলুষিত করিতেছি, কিন্তু তিনি আমাদের
কখনই পরিত্যাগ করেন না। আমরা যখনই
অনুতাপিত হৃদয়ে তাঁহার দ্বারের ভিখারী
হইয়া দীন ভাবে তাঁহার নিকটে দাঁড়াইয়াছি,
তিনি তখনই আমাদের পাপ তাপ মার্জনা
করিয়াছেন, আমাদের ধর্ম্মবল দিয়া-
ছেন, আত্মপ্রসাদ দান করিয়া আমাদের
সমুদ্র ক্ষোভ বিদূরিত করিয়াছেন। তিনি
অগতির গতি, অনাথের নাথ। সকলের
য়ুগিত অপমানিত বোর পাপীও যদি তাঁহার
শরণাপন্ন হয় তবে তিনি তাহার পাপভার
হরণ করেন, তাহার অশ্রু বিমোচন করেন,
তাহাকে হস্ত ধারণ করিয়া পুণ্যের দিকে
লইয়া যান। তিনি শান্তি-নিকেতন। যেমন
পক্ষি-শাবক ভয়ে ভীত হইয়া স্বীয় জননীর
পক্ষপুটে আশ্রয় লয়—যেমন শিশু সন্তান

ভয়ান্ত হইলে মাতার জোড়ে যাইয়া নির্ভর
হয়, সেইরূপ আমরা যখন বিবরচিত্তনে
বিঘ্নী লোকের সহিত আলাপনে, পাপ-
প্রবৃত্তির নির্যাতনে অধীর ও শান্তিহারা হইয়া
তাঁহার নিকটে কাতরচিত্তে শান্তি প্রার্থনা
করি তিনি অকাতরে তাহা প্রদান করেন।
তিনি হৃদয়ে সমানীন থাকিয়া হৃদয়ের সমুদায়
রোগ চিরপোষিত পার্থিব কামনা সকল দূরীভূত
করেন, তিনি যে শান্তি প্রেরণ করেন তাহা
অতীব মনোহর, অতীব মধুর, অতীব রমণীয়।
সে শান্তি অপেক্ষা জীবনের উচ্চতর ভোগ
আর কিছুই নাই। যিনি প্রেমবন তাঁহার কথা
আর কি বলিব? তাহার এক নিমেষের করুণা
আমরা কি গণনা দ্বারা শেষ করিয়া উঠিতে
পারি? আমাদের শরীরের প্রত্যেক শোণিত-
বিন্দু, প্রত্যেক বায়ুর হিল্লোল, প্রত্যেক শিশির-
কণা, হৃদয়ের প্রত্যেক ধর্ম্মের ভার তাঁহার
করুণা উচ্চৈঃস্বরে ঘোষণা করিতেছে। প-
র্ব্বত শিখর যেমন সূর্য্যরশ্মিতে দীপ্তিমান,
নদীতট যেমন জ্যোৎস্নাতে শোভমান, তেমনি
আমাদিগের জীবনের প্রত্যেক অংশ তাঁহার
করুণালোকে প্রকাশমান হইয়া রহিয়াছে।
যিনি আমাদের এমন হিতকারী বন্ধু, প্রেম
সৌন্দর্য্যে অঙ্গুলে তাঁহার সমান আর কেহ নাই
তাঁহাকে কি আমরা ভুলিয়া থাকিব? কবে
তিনি আমাদের নয়নাভিরাম প্রীতির আ-
ম্পদ মানস কমলের সূর্য্য হইবেন, চিত্ত-বিহত
কবে তাঁহাকে পাইয়া মোহ-নিশার অবসানে
অন্তঃস্বপ্ন মধুর সঙ্গীত দ্বারা স্বীয় অমীম
আনন্দ প্রকাশ করিতে থাকিবে।

হে প্রেমপূর্ণ পরমেশ্বর! আমাদের জী-
বনের যে কোন অবস্থা যে কোন সময়ের
প্রতি নেত্রপাত করি সেই অবস্থা ও সেই
সময়ে দেখি যে তোমার প্রেম মূর্ত্তিমান হইয়া
আমাদিগকে রক্ষা ও পালন করিয়াছে, আমা-
দিগকে তোমার পথে লইয়া গিয়াছে। তো-

যার পথে আসিতে কত রাশি রাশি বিহ্বল
কত রাশি রাশি প্রতিবন্ধক আমাদের
প্রতিকূলে দণ্ডায়মান। হৃদয়ের পোষিত
দুঃস্বপ্ন, সাংসারিক প্রতিকূল অবস্থা প্র-
ভৃতি কত বিষয় আমাদেরকে তোমার পথে
মাইতে দেয় না, তোমা হইতে বিমুখ করিয়া
আমাদের জীবন শূন্যপ্রায় করিয়া রাখে।
আমরা নিতান্ত দীন হীন ভাবে কালযাপন
করি। কিন্তু তোমার কি দয়া কি করুণা ক
প্রেম, তুমি আমাদেরকে এমন বল দি তছ
যে আমরা তোমার সহিত সহবাস-হ নত
অহুতানন্দের স্বাদ গ্রহণে সমর্থ হইতে পারি।
তুমি আমাদের নঙ্গে সঙ্গের রহিয়াছ। তুমি
ন্যায় স্নেহ করিতেছ, পিতার ন্যায় রক্ষা
তেছ, গুরু ন্যায় উপদেশ দিতেছ,
অদাড় হইয়া পড়িলে তাহাতে অহু
সিদ্ধ করিয়া তাহাকে পুনরুজ্জীবিত
তেছ। তোমার সমান আমাদের অ
আছে? আমরা মনে করিলেই তে
পাইয়া আনন্দ-সাগরে মগ্ন হইতে পারি,
সংসার-কোলাহলের মধ্যে থাকিয়াও তোমার
সহবাসে চরিতার্থ হইতে পারি। হে প্রেম-
ধন! তুমি হৃদয়ে অনবরত রহিয়াছ, কিন্তু
তোমাকে না দেখিতে পাইয়া আমাদের
আশা ভরসা কামনা কার্য অযথারূপে প্রব-
লিত হইতেছে। হে দয়াময়! তুমি আমা-
দের নিকট দর্শন দাও, তোমার প্রেম-মুখ
আরো অধিকতররূপে যেন আমরা দেখিতে
পাই, যেন তোমার প্রেম-দৃষ্টির প্রতি আমা-
দের প্রেমদৃষ্টি নিপতিত হয়, আমাদের
অন্তরে থাকিয়া আমাদের পাপ-প্রবৃত্তি সকল
সংদমিত কর, তোমার কার্য আনন্দ ও
উৎসাহ সহকারে করিতে বল দাও, আমা-
দেরকে তোমার পথের পথিক কর।

ও একমেবাদ্বিতীয়ং।

ব্রহ্ম-সঙ্গীত।

রাগ ভয়রৌ—তাল ঝাঁপতাল।

দেখ চেয়ে দেখ তোরা জগতের উৎসব,
শোন্ রে, অনন্তকাল উঠে কিবা জয় রব।
জগতের যত কবি, গ্রহ তারা শিশি রবি,
অনন্ত আশে ফিরি গান গাহে নব নব।
কি সৌন্দর্য্য-অনুপম না জানি দেখেছে তারা,
না জানি করেছে পান কি মহা অমৃতধারা।
না জানি কাহার কাছে, ছুটে তারা চলিয়াছে
আনন্দে ব্যাকুল যেন হয়েছে নিখিল ভব।
দেখ রে আকাশে চেয়ে—কিরণে কিরণময়,
দেখ রে জগতে চেয়ে—সৌন্দর্য্য-প্রবাহ বয়।
আঁখি মোর কার দিকে চেয়ে আছে অনিমিখে,
কি কথা জাগিছে প্রাণে কেমনে ওকাশি কব।

ভজন—তাল ঠুংরি।

কি করিলি মোহের ছলনে।

গৃহ ত্যাগিয়া প্রবাসে ভ্রমিলি
পথ হারাইলি গহনে।
(৬) সময় চলে গেল আঁধার হয়ে এল
মেঘ ছাইল গগনে।
শ্রান্ত দেহ আর চলিতে চাহেনা
বিধিছে কষ্টক চরণে।
গৃহে ফিরে যেতে প্রাণ কাঁদিছে
এখন কিরিত কেননে,
পথ বলে দাও পথ বলে দাও
কে জানে কারে ডাকি সঘনে।
বন্ধু যাহারা ছিল সকলে চলে গেল
কে আর রহিল এ বনে।
(৭) জগত-সখা আছে, যারে তাঁর কাছে,
বেলা যে যায় মিছে রোদনে।
দাঁড়ায়ে গৃহ-দ্বারে জননী ডাকিছে
আয়রে ধরি তাঁর চরণে,
পথের ধূলি লেগে অন্ধ আঁখি মোর
মায়েরে দেখেও দেখিলিনে।
কোথাগো কোথা তুমি, জননি, কোথা তুমি,
ডাকিছ কোথা হতে এজনে,

হাত ধরিয়ে সাথে লয়ে চল
তোমার অন্ততবনে।

স্বায়ংকাল।

শ্রদ্ধাস্পদ বাণী শ্রীযুক্ত সত্যেন্দ্রনাথ
ঠাকুর দণ্ডায়মান হইয়া প্রদীপ্ত উৎসাহের
সহিত তেজোময় ও মধুময় বাক্যে একজী-
বগর্ত জ্ঞানগম্বীর উপদেশ দিয়াছিলেন।
ভবিষ্যতে তাহার নারসংগ্রহ করিয়া প্রকাশ
করিবার ইচ্ছা রহিল।

রাগিনী কর্ণাটী স্কিষ্টি—তাল কাওয়ালি।
বড় আশা করে এগেছি গো কাছে ডেকে লও,
ফিরায়ো না জননি।

দীনহীনে কেহ চাহে না,
তুমি তারে রাখিবে, জানি গো,
আর আমি যে কিছু চাহিনে
চরণ-তলে বসে থাকিব,
আর আমি যে কিছু চাহিনে
জননী ব'লে শুধু ডাকিব।
তুমি না রাখিলে গৃহ আর পাইব কোথা,
কেঁদে কেঁদে কোথা বেড়াব।
এ যে হেরি তমস-ঘন-ঘোরা গহন রজনী।

রাগিনী কর্ণাটী ধাম্বাজ—তাল কেরতা।

আজি শুভ দিনে, পিতার ভবনে
হম্মত-সদনে চল যাই।

চল চল চল ভাই।

না জানি সেথা কত সুখ মিলিবে
আনন্দের নিকেতনে,
চল চল চল ভাই।

মহোৎসবে ত্রিভুবন মাতিল,
কি আনন্দ উথলিল;
চল চল চল ভাই।

দেবলোকে উঠিয়াছে জয় গান,
গাহ সবে একতান,
বল সবে জয় জয়।

বেদান্ত-দর্শন।

পূর্বের অনুরতি।

* কর্মকাণ্ডীয় বেদভাগের মীমাংসকেরা
যে কহেন “তস্যার্থঃ কর্মাববোধনঃ” বেদের
অর্থ কর্মজ্ঞান মাত্র, একথা কেবল কর্মী-
দিগেরই অধিকার-দৃষ্টিতে উক্ত হইয়াছে।

“ভৎ পশ্বজিজ্ঞাসাবিধস্যাবিধিপ্রতিবেশাপ্রাভি-
ও সংপ্রবাহ”।

তাহা কেবল ধর্ম-জিজ্ঞাসারই অন্তর্গত।
অতঃপর শাস্ত্রের যে সমস্ত প্রবর্তক বিধি ও
নিবর্তক বিধি আছে তাহাতেই তাদৃশ বাক্যের
উল্লেখ আছে। কেবল সেই অধিকার পক্ষে উহা
অপ্রযোজ্য হইয়াছে ইহা বুঝিতে হইবে।
ন “প্রবর্তক বিধি ও নিবর্তক বিধি মাত্রই
বেদে আছে,” আর “কেবল সেই জন্যই
বেদের প্রামাণ্য” এবং “ক্রিয়াসম্বন্ধ শূন্য
বেদের প্রামাণ্য থাকে না” এরূপ
করিলে বেদের অনেক উপদেশের
আনন্দ উপস্থিত হইবে। কেন না ক্রি-
য়ার স্বাধীনতা বিন্দুমাত্র সংশ্রব না রাখিয়া বেদ
অনেক স্থলে অনেক বস্তুর উপদেশ করেন।
যথা ণ, মন, ইন্দ্রিয়, আকাশ, বায়ু, জ্যোতি,
জল, পৃথিবী, চন্দ্র, পর্জন্য, ওষধি, বনস্পতি,
স্ত্রী, পুরুষ ইত্যাদি। এতাবত।

“প্রবৃত্তিনিবৃত্তিপ্রতিবেশেণ ভূতক্ষেণ বস্তুপরিশি-
ভব্যর্থেন কুটস্থং নিত্যং ভূতং নোপদিশ্যতীতি কো-
হেতুঃ? নহি ভূতমুপদিশ্যমানঃ ক্রিয়া ভবতি।”

প্রবৃত্তি নিবৃত্তি ব্যতিরেকে যদি ঐক্লপ
ভূত পদার্থের উপদেশ করা কর্তব্য হয়, তবে
নিত্য ভূত বস্তু যে কুটস্থ, সর্বভূতস্থ আত্মা
তাহার উপদেশ বেদে কেন না থাকিবে?।
ভূত বস্তুর উপদেশের নাম ক্রিয়া হইতে
পারে না। যাহা হইতে এই অনিত্য ও

* বেদ যে কেবল কলঙ্কভিত্তিতেই পূর্ণ এমত নহে।
কিন্তু তাহাতে বিস্তর বস্তুজ্ঞাপক শক্তি আছে। তথা
বস্তুর জ্ঞানই উদ্দেশ্য।

পরিবর্তনশীল ভূত সকল উৎপন্ন হয়, উৎপন্ন হইয়া যাঁহার দ্বারা জীবিত রহে এবং প্রলয়কালে যাঁহাতে প্রবেশ করে, তিনি ব্রহ্ম। তিনি আনন্দরূপ। তিনি সর্বকালে সমান এবং স্বয়ং প্রকাশমান। অন্যান্য সমস্ত বস্তু তাঁহাতে আশ্রিত। সমস্ত চেতন পদার্থদিগের তিনি চিৎস্বরূপ। সেই চিৎস্বরূপ মদ্বস্ত্র কাহারও আশ্রিত, কোন সাধনের ফল, বা অন্য কোন পদার্থের প্রকাশিত নহেন। শঙ্করাচার্য্য আত্মানাত্মবিবেকে কহিয়াছেন,

“চিদ্রূপঃ নাম সাধনান্তরনিরপেক্ষতয়া স্বয়ং প্রকাশমানঃ স্বদ্বিগ্নারোপিতসর্বপদার্থাবতারকবস্ত্ত্বঃ চিদ্রূপমিত্যুচ্যতে।”

অন্য সাধনের অপেক্ষা না করিয়া আপন হইতেই প্রকাশমান আপনাতে আরোপিত সর্বপদার্থের প্রকাশক যে বস্ত্ত্বত্ব তাহার নাম চিদ্রূপত্ব। (রা, মো, রা)। জীব মিথ্যাজ্ঞানে আবৃত আছেন। সেই পরম-বস্ত্ত্বর জ্ঞান দ্বারা জাগ্রত হইলেই সংসার-বন্ধন হইতে মুক্ত হন। বেদে এই প্রয়োজন সিদ্ধির নিমিত্তে সর্ববস্ত্ত্বর অতীত রূপে সেই স্বপ্রকাশ চিদ্রূপ প্রেমস্বরূপ অন্তরাত্মাস্বরূপ পরমবস্ত্ত্বর উপদেশ দিয়াছেন। তাঁহাতে বস্ত্ত্বধর্ম্মত্ব ব্যতীত কিছু মাত্র ক্রিয়াধর্ম্মত্ব নাই। জ্যোতি যেমন সূর্য্যের বস্ত্ত্বধর্ম্ম; জ্ঞানস্বরূপত্ব, প্রেমস্বরূপত্ব প্রভৃতি সেইরূপ ব্রহ্মের বস্ত্ত্বধর্ম্ম। জ্যোতি যেমন যাগ বজ্রাদি কোন বাহ্য ক্রিয়া, বা শ্রবণ মনন নিদিধ্যাসনাদি কোন মানসিক ক্রিয়ার উৎপাদ্য বা ফল নহে, ব্রহ্মজ্ঞানও সেইরূপ তাদৃশ কোন প্রকার ক্রিয়ার ফল নহে। উহা ক্রিয়াকারী, ধ্যানকারী বা কোনরূপ চিন্তাশীল কর্ত্তার বুদ্ধিপারতন্ত্র বা ক্রিয়া-পরতন্ত্র জ্ঞান নহে। উহা একমাত্র সিদ্ধ-বস্ত্ত্ব স্বরূপ ব্রহ্মরূপ পরম-বস্ত্ত্ব-পরতন্ত্র জ্ঞান।

“অতঃ প্রত্যক্ষাদিপ্রমাণবিষয়বস্ত্ত্বজ্ঞানবৎ বস্ত্ত্বত-
জৈব-এবমূক্তস্য ব্রহ্মণস্তত্ত্বজ্ঞানস্য বা ন কদাচিদ্ব্যক্ত্য।
শকাঃ কার্য্যাহুপ্রবেশঃ কল্পয়িতুং।”

অতএব ব্রহ্মজ্ঞান কেবল প্রত্যক্ষাদি প্রমাণসিদ্ধ বস্ত্ত্বজ্ঞানের ন্যায় বস্ত্ত্বতন্ত্র মাত্র। এবং প্রকার ব্রহ্মাত্মজ্ঞানকে কার্য্যের সহিত সমন্বয় করিতে কেহই সমর্থ নহেন।

(১) এতাবত ইহা নিশ্চয় হইল যে কর্ম্মাঙ্গ ব্যতিরেকে বস্ত্ত্ববাদ প্রতি আছে এবং ব্রহ্মজ্ঞানস্বরূপ-পরমবস্ত্ত্বরূপে শাস্ত্রসিদ্ধ, কর্ম্ম-কাণ্ডীয় বেদবিধির বিষয় বা মানস ক্রিয়ার বিষয়রূপে শাস্ত্রসিদ্ধ নহেন। তিনি ভূমা শব্দের বাচ্য।

“যত্র নাত্তৎ পশ্যতি নাতচ্ছৃণোতি নাত্দিদ্বিজানতি
স ভূমা।” (ছান্দোগ্য।)

যে পরম বস্ত্ত্ব দর্শন শ্রবণ এবং মননাদি রূপ কোন প্রকার ক্রিয়ার বিষয় নহেন তিনিই ভূমা অর্থাৎ সর্বব্যাপী অপরিচ্ছিন্ন ব্রহ্ম। “ভূমাভেব বিজিজ্ঞাসিতব্যমিতি” কেবল সেই ভূমা পদার্থকেই জানিতে ইচ্ছা করিবেক। যাগ বজ্রাদি ক্রিয়া করিয়া তাঁহাকে জানিব এমন অভিমান করিবে না, কোন ক্রিয়ার ফলে চক্ষুতে তাঁহাকে দেখিব বা শ্রবণে তাঁহার কথা শুনিব এরূপ আশা করিবে না, আপনার মানসিক চিন্তা, বুদ্ধি, জ্ঞান বা অনুমানের বলে তাঁহাকে জানিব ইহা মনেও ভাবিবে না, তাঁহাকে জানার ইচ্ছা হইলে কেবল তাঁহারই প্রতি নির্ভর করিবে। তিনি সর্বপ্রকার কর্ত্ত্বনিষ্কম ক্রিয়া ও জ্ঞানের অবিষয়, কেন না হৃদয়ে তাঁহার প্রকাশ মাত্র জীবের অপর সমস্ত অভিমান, ক্রিয়ার অভিমানই হউক, জ্ঞানভিমানই হউক সমস্তই সেই পরমজ্ঞান-জ্যোতিতে অতিভূত হইয়া যায়। তাদৃশ সময়ে জীবের মোক্ষরূপ অশরীরত্ব যে সিদ্ধ তাহাই স্বতঃপ্রতীয়মান হয়।

১ অতএব ব্রহ্মরূপ পরম বস্ত্ত্ব শাস্ত্রসিদ্ধ। তিনি ক্রিয়ার বিষয় নহেন।

(২) এক্ষণে প্রশ্ন এই যে তবে তাদৃশ বস্তু মাত্র ব্রহ্মের উচ্চারণ, শ্রবণ, দর্শন, মনন প্রভৃতি একেবারেই অসম্ভব এবং তাহাতে কোন ফলও নাই। ইহার উত্তর এই যে ফল আছে; কিন্তু তাহার তাৎপর্য অতুল। অর্থাৎ সে ফল স্বর্গাদি-জনক অদৃষ্ট নহে কিন্তু প্রত্যক্ষ। কোন ব্যক্তির যদি ব্রহ্মতে মর্পভ্রম হয় তবে সেই মর্পভ্রম নিবারণের উপায় কেবল ব্রহ্মরূপ বস্তুর জ্ঞান। সেই জ্ঞানটি “ইহা মর্প নহে, ইহা ব্রহ্ম” এইরূপ উচ্চারণে, শ্রবণে, বা দর্শনে উদয় হইতে পারে। এতাদৃশ বস্তুর জ্ঞানোদয় মাত্রে কর্তৃতত্ত্ব ভ্রম নষ্ট হইয়া যায়। তদ্রূপ পরম সত্য-বস্তু-স্বরূপ ব্রহ্মকে আশ্রয় করিয়া এই সংসার সত্যের ন্যায় প্রকাশ পাইতেছে। জীব স্থায় কর্তৃতত্ত্ব স্বার্থবশে সেই ব্রহ্মাশ্রিত সংসারকে সারি ও সত্যাবোধ করিয়া এবং তাহার মূল সত্যকে বিমূর্ত হইয়া সংসারী হইয়া আছেন। বস্তুরূপ ব্রহ্মের জ্ঞানাভাবে তাঁহার সংসার-ভয়রূপ অজ্ঞানতা জন্মিয়াছে। কিন্তু যদি এমনতর জ্ঞান হয় যে একমাত্র ব্রহ্মই নিত্য সত্য বস্তু, তিনিই আমার পরম গতি তাহা হইলে সংসার ভয় থাকে না। তখন জীব সংসারনিষ্ঠ না হইয়া ব্রহ্মনিষ্ঠ হন। তাঁহার পক্ষে তখন সংসার আর থাকে না অর্থাৎ তাঁহার মন হইতে তাহার আকর্ষণ বিগত হয়। ব্রহ্মরূপ বস্তুর জ্ঞানোদয় মাত্রেই জীবাত্মার অসংসারী এবং অশরীর রূপ মোক্ষ সিদ্ধরূপে প্রতীয়মান হয়। ফলে, যেমন সত্য-ব্রহ্মের জ্ঞানাভাবে তদাশ্রিত মিথ্যা-মর্প-জ্ঞান জগীকে মোহিত করিয়া রাখে; উপদেশ ব্যতীত, বস্তুদর্শন ব্যতীত সে মোহ বিগত হয় না; সেইরূপ ব্রহ্মরূপ সত্য পদার্থের জ্ঞানাভাবে তদাশ্রিত সংসারের আয়াস

ও ব্রহ্মরূপ পরম বস্তুতে শ্রবণ, মননে প্রত্যক্ষ ফল আছে।

যে ব্যক্তি বিমোহিত আছে তাহাকে যথার্থ বস্তুর দর্শনে প্রবোধিত করিবার নিমিত্তে অশেষ সংসার-ভয়-বিনাশ বীজ স্বরূপ “সত্যং জ্ঞানমনন্তং,” “একমেবাদ্বিতীয়ং” প্রভৃতি ব্রহ্মজ্ঞান-প্রতিপাদক উপদেশের সাধকা হইয়া থাকে। সেই সকল উপদেশ-বাক্য হৃদয়ঙ্গম হইলেই ব্রহ্মরূপ সংবস্তুর দর্শন ও ধারণা হয়। তাদৃশাবস্থায় জীবের দেহ, মন, বুদ্ধি, ফলভোগ প্রভৃতি সংসারাবিমান নষ্ট হয় এবং অভিনানের অভাবে অসংসারী ও অশরীরী রূপ মোক্ষ যথার্থ সত্য ও স্বরূপাবস্থা বলিয়া প্রতীয়মান হইয়া থাকে।

(৩) ফলে এখানে কন্মার আপত্তি এই যে প্রাপ্তকৃত ‘ব্রহ্ম মর্প’ বিয়রক দৃষ্টান্ত উপস্থিত ক্ষেত্রে মংলয় হয় না, কেননা ব্রহ্ম-স্বরূপ শ্রবণে বা দর্শনে যেমন জগীতদাশ্রিত মর্পভ্রম নিবারিত হয়, ব্রহ্মস্বরূপ শ্রবণে বা দর্শনানুভাবে সেদ্রুপ প্রকার সংসার-ভয় নিবারণ হয় না। কারণ, যাহারা ব্রহ্মস্বরূপ শ্রবণ করিয়াছেন তাঁহাদেরও পূর্ববৎ অথ দুঃখাদি সংসারধর্ম ও দেহ-বাপার দৃষ্ট হইয়া থাকে। ইহার উত্তর এই যে ব্রহ্ম সম্বন্ধীয় শ্রবণ দর্শনাদি সামান্য সাংসারিক শ্রবণাদির ন্যায় নহে। উহা কোন ভ্রত কথা শ্রবণে অদৃষ্ট ফল লাভের তুল্য নহে। উহা সম্পূর্ণরূপে পারমাথিক এবং ব্রহ্ম-প্রত্যক্ষ উহার পর্যা-মান। ব্রহ্মপ্রত্যক্ষ মাত্রে জীবের সংসারের সহিত আত্ম ও মমত্ব ভাব এবং স্থায় দেহে-দ্রিয়মনাদির সহিত আত্ম ও মমত্ব ভাব বিগত হইয়া ব্রহ্মের সহিত পরমাত্ম ভাব ও ব্রহ্মতে পরম মমত্ব ভাব প্রকাশিত হয়। তাদৃশ ব্রহ্মাত্মভাব লাভের পরে আর সংসারিত্ব থাকিতে পারে না। সংসারাবিমানের নামই সংসার। সারাংশের ব্রহ্মকে বিমূর্ত হইলেই

ও ব্রহ্মসম্বন্ধীয় শ্রবণ মনন কোন অদৃষ্ট ফলজনক নহে, কিন্তু তাহা অস্বরূপ বস্তুর জ্ঞানমাত্র।

সেই সম্মার পদার্থে মনত্যাভিমান জন্মে, এবং সুখ দুঃখ ভয় বিপদ উপস্থিত করে। সেই অভিমানটি গেলেই দোষের সংসার, বাসনার সংসার প্রকৃতির বিরচিত সংসার নষ্ট হইয়া যায়। তৎপরিবর্তে প্রকৃতির অতীত, পবিত্র মোক্ষরূপ ব্রহ্মরাজ্যের দ্বার উন্মোচিত হইয়া থাকে। শরীরও একটি ভয়ানক সংসার, তখন তাহাও নিবৃত্ত হয়।

(৪) ব্রহ্মজ্ঞান ভাব লাভ হইলে শরীর নিবৃত্ত হয় ইহা পারমার্থিক দৃষ্টি মাত্র। নতুবা ব্রহ্মজ্ঞান জন্মিবামাত্র যে শরীর চর্মা-চক্ষুর অগোচর হইয়া যায় অথবা মৃত্যুপ্রাপ্তে পতিত হয় এমত অভিপ্রায় নহে। পারমার্থিক দৃষ্টিতে শরীরে আত্মাভিমানশূন্য হওয়ার নামই অশরীরত্ব। ফলে প্রসঙ্গ এই যে এত স্নেহের শরীরের প্রতি কিরূপে আত্মাভিমান রহিত হইতে পারে? উত্তর, রক্ত মাংস অস্থি প্রভৃতির আধার এই দৃশ্যমান স্থূল দেহ, ইন্দ্রিয় প্রাণ মন বুদ্ধিরূপ অনুমিত সূক্ষ্ম কলেবর, এবং প্রকৃতিরূপ কারণ দেহ এই ত্রিবিধ দেহ বা তাহার ধর্ম আত্মা নহে। আত্মা তাহা হইতে বিলক্ষণ-দূতাব। তিনি প্রকৃতির অতীত। তিনি বিকৃত, পরিণত বা অন্য পদার্থের সহিত সংযুক্ত বা বিযুক্ত হইয়া ঐ ত্রিবিধ শরীরের কোন প্রকার শরীর-রূপী হইতে পারেন না। সুতরাং আত্মা শরীর নহেন, বা শরীর আত্মা নহে। দ্বিতীয়তঃ ঐ ত্রিবিধ শরীরভাবে আত্মার অস্তিত্ব নষ্ট হয় না। মৃত্যুদ্বারা স্থূলদেহ নষ্ট হইতে পারে, বিদেহ মোক্ষকালে স্থূল সূক্ষ্ম কারণ কোনরূপ দেহই থাকে না, কিন্তু আত্মা থাকেন। অতএব কোন প্রকার দেহ যদি আত্মার নিজস্ব না হইল তবে আত্মার উক্ত ত্রিবিধ-দেহ-সম্বন্ধ কেন হয়, তাহার কারণ কি

এবং সে দেহত্রয়ের স্বরূপ কি? উত্তর—প্রাকৃতিক জগতে কর্মা, ধর্ম ও ভোগাদি সাধন করিয়া দিব্যর জন্য দেহত্রয় জীবাত্মাকে আশ্রয় করে। বাসনারূপিনী প্রকৃতি যাহা কর্মা ধর্ম ভোগাদির বীজরূপে অনাদি কাল হইতে জীবাত্মার সন্নিধিবর্ত্তিনী থাকে তাহাই দেহ সমূহের মূল কারণ। সেই প্রকৃতি দেহের নিমিত্ত কারণ নহে কিন্তু পরিণামী বা উপাদান কারণ। প্রকৃতির দ্বিবিধ ধাতু স্থূল এবং তৈজস। স্থূলধাতু তাহার অপকৃষ্ট পরিণাম; জড় জগতে তাহা দৃষ্ট হইয়া থাকে। তৈজস ধাতু তাহার উৎকৃষ্ট পরিণাম; তাহাই মন, বুদ্ধি, ইন্দ্রিয়-শক্তি ও প্রাণরূপে জীবকে আশ্রয় করে। এই মন, বুদ্ধি, ইন্দ্রিয়-শক্তি ও প্রাণ একত্রে সূক্ষ্ম শরীর নামে কথিত হয়। মনই সেই সূক্ষ্ম-দেহের মস্তকরূপ। মনই বাসনারূপী প্রকৃতির ক্ষেত্র। অথবা ইহাই বল যে মনই সেই প্রকৃতির রূপ-বিশেষ। বুদ্ধিশক্তি ও ইন্দ্রিয়শক্তি মনে-রই অঙ্গ প্রত্যঙ্গ। প্রাণসেই সকল অঙ্গ-প্রত্যঙ্গের জীবনসাধক। ঐ বাসনারূপী-প্রকৃতি-নিষ্পন্ন সূক্ষ্মদেহে অতি সূক্ষ্মরূপে ও অব্যক্ত বীজরূপে স্থূলধাতুই বিরাজ করে। বস্তুতঃ প্রকৃতির তৈজস ধাতু ও স্থূল ধাতু মূলতঃ একই পদার্থ। মূলতঃ তাহা প্রকৃতিরূপ ঐশী শক্তি মাত্র। তাহাই পূর্বপাদরূপে ভোক্তা কর্তারূপী মানসিক জগৎ এবং উত্তরপাদরূপে ভোগারূপী জড় জগতে পরিণত হইয়াছে। সূক্ষ্ম দেহই স্থূল মূর্তিরূপে মাতৃগর্ভযোগে অবতীর্ণ হয়। বারবার তাদৃশ স্থূল মূর্তি নষ্ট ও উৎপন্ন হইয়া থাকে। ভোগক্ষয় বশতঃ নষ্ট ও পুনর্ভোগার্থে আবির্ভূত হয়। যেমন কার্যাক্ষমতা-ক্ষয়ে নিজা এবং নিজা-অস্তে পুনর্জাগরণ তদ্বৎ। মনই তাদৃশ সূক্ষ্ম দেহের আধার এবং স্থূল দেহের বীজপ্রকৃতি। সূক্ষ্ম

৪ মোক্ষে শরীরে অভিমান থাকে না তাহাই অশরীরত্ব।

দেহের উত্তমাস্বরূপ সেই মনের দেহসম্বন্ধ বার্থ হয় না। স্থূল দেহ নিজা কর্তৃক শয্যায় পতিত হইলে পর মন শত শত স্থলদেহ ধারণ করিতে পারেন। সেইরূপ একদেহ মুহাকর্ষক নষ্ট হইয়া গেলেও মন আর একদেহরূপে জীবাত্মাকে আশ্রয় করিতে পারেন। বাসনা প্রদা অনাদি প্রকৃতিই তাহার মূল। প্রকৃতি যেমন বাসনা-বীজরূপী সেইরূপ জীবকৃত কর্মেরও কলরূপী। সেই ফল আবার ভাবি-দেহের বীজরূপী। অতএব প্রবাহরূপে বাসনাময়ী মানসিক প্রকৃতিই দেহধারণের বীজ। পূর্ব পূর্ব জন্মের সঞ্চিত কর্মফল সমূহ অদৃষ্ট বীজরূপে মনেতে স্থিতি করে। তাহা হইতে সংসারে কর্ম করিবার ও ভোগাদি ব্যবহারের প্রবৃত্তি জাগ্রত হয়। কর্ম ও ভোগাদি লইয়াই সংসার। সৃষ্টিরক্ষার তাহাই উদ্দেশ্য। এই উদ্দেশ্য সফলের নিমিত্তে সেই কর্ম-বীজ প্রবৃত্তিরূপে অঙ্কুরিত হয় এবং তাহা হইতে সূক্ষ্ম ও সূক্ষ্ম হইতে স্থূলদেহ পরিণত হইয়া জীবাত্মাকে কর্মবিশিষ্ট করিয়া থাকে। অতএব সূক্ষ্ম ও স্থূলদেহ কেবল জীবাত্মার কর্তৃত্ব-ভোক্তৃত্ব-সম্পাদক অন্তঃকরণ ও বাহ্য করণ মাত্র। পূর্ব পূর্ব কর্মফলরূপ প্রকৃতি তাহার কারণ এবং পর পর কর্ম সাধন তাহার উদ্দেশ্য। এই স্থূল, সূক্ষ্ম, কারণ দেহ কর্ম হইতে উৎপন্ন হয়, এবং প্রাকৃতিক জগতে কর্মই সাধন করে। ধর্ম্মাধর্ম্মের আচরণ এবং সুখ দুঃখ ভোগ সেই বর্ষেরই অন্তর্গত। এতাবত “আত্মার দেহ-সম্বন্ধ কেন হয়” এবং “তাহার কারণ কি” এই প্রশ্নবয়ের উত্তর এই যে দেহ কর্মজনা। “কর্মভাঃ শরীরপরিগ্রহোজায়তে” কর্ম সকল হইতে শরীর-পরিগ্রহ হয়। “রাগাদিত্যাঃ কর্ম্মণি জায়ন্তে” সংসারের প্রতি অনুরাগ ও ফলস্পৃহা হইতে কর্ম সকল জন্মে।

দেহেতে যে আত্মাতিমান তাহাই তাদৃশ অনুরাগের হেতু “অভিমানাদ্রাগাদরোজায়তে”। সেই অভিমান কেবল অবিবেক হইতে উৎপন্ন হয় অর্থাৎ “আমি শরীর হইতে স্বতন্ত্র” এই বিবেকের অভাবে আত্মা দেহকে আমি বলিয়া অভিমান করেন। “অজ্ঞানাবিবেকোজায়তে” সেই অভিমানের মূল যে অবিবেক তাহা অজ্ঞান হইতে জন্মে। বাসনাময়ী প্রকৃতিই ঐ অজ্ঞান-স্বরূপিনী, কেন না তাহারই সন্নিধান বশতঃ দেহেতে জীবের আত্মাবাসরূপ মিথ্যাজ্ঞান জন্মে। দেহকে আত্মা বলিয়া মনে করা মিথ্যাজ্ঞান। তাহা বাসনা, অনুরাগ, এবং কর্মজন্ম উপস্থিত হয়। অতএব বাসনাদির মূল প্রকৃতি বা তজ্জনিত কর্ম অজ্ঞান-শব্দের বাচ্য। ঐ প্রকৃতি ও কর্মের নামান্তর যে অজ্ঞান তাহা জীবাত্মার নিকট হইতে কিরূপে নিরৃত্ত হইতে পারে? উত্তর

“ব্রহ্মাত্মকজ্ঞানে জাতে নতি সর্বাভ্রনাহবিদ্যানিযুক্তিঃ”।

যে রূপ সংসারাবস্থায় দেহের সহিত জীবের একত্বজ্ঞান হয় সেইরূপ ব্রহ্মের সহিত জীবের একত্বজ্ঞান হইলে নিঃশেষে অজ্ঞানের নিরুতি হয়। তখন জীব নিশ্চয় রূপে জানিতে পারেন যে দেহ আমি বা আমার নহে, ব্রহ্মই আমার আশ্রয়। এই রূপে ব্রহ্মজ্ঞান প্রকাশিত হইলেই জীবের হৃদয় হইতে মনের সহিত দেহাতিমান বিগত হয়। তাহারই নাম শরীর-নিরুতি। অতএব “সশরীরস্য মিথ্যাজ্ঞাননিমিত্তম্”।

আত্মার শরীর-সম্বন্ধ মিথ্যাজ্ঞান-জনিত মাত্র। ব্রহ্মের প্রতি আত্মনির্ভর করিয়া সেই মিথ্যাজ্ঞানটি ত্যাগ করিতে পারিলে ব্যবহারে স্থূল ও সূক্ষ্ম দেহ থাকিলেও জীবাত্মার দেহ-সম্বন্ধ রহিত হইয়া যায়। ফলতঃ জীবাত্মার অশরীরত্বই নিত্যসিদ্ধ। প্রকৃতির

সম্বন্ধে এবং সৃষ্টিরক্ষার অনুরোধে তাঁহাতে যত অজ্ঞানই আসিয়া পড়ুক তাহা অজ্ঞানোদয় মাত্রে তিরোহিত হয়। সে সব জঞ্জাল তাঁহার নিষ্কল বা স্বরূপ নহে। তিনি নিজে নির্মল পদার্থ তাহার আর ব্যভিচার নাই। এখন বুঝিয়া দেখ, কর্ম বা প্রকৃতি আত্মার নিমিত্তে যতই শরীর রচনা করুক, সেই সকল শরীরকে স্বীকার করিয়া আত্মা লোক লোকান্তরে ভোগাদি করুন, সে সমস্তই অজ্ঞানাবস্থা। শাস্ত্রে আবক্ষান্তস্তপর্ব্যন্ত সমস্ত অবস্থাকেই মায়াকল্পিত বা অজ্ঞানকল্পিত বলেন। ত্রয়োমুখজ্ঞান মাত্রে তৎসমস্তের মিথ্যাস্বরূপত্ব প্রতীয়মান হয়। অতএব আত্মার দেহ-সম্বন্ধ প্রত্যক্ষ হইলেও তাহা পরমার্থতঃ ও স্বরূপতঃ মিথ্যা। রজ্জুর বোধ জন্মিবামাত্র যেমন সর্পতর নিবারিত হয় সেইরূপ ত্রয়োমুখ বস্তু দর্শনমাত্র দেহ-সম্বন্ধের সহিত অশেষ সংসার-ভয় রহিত হয়। তদন্তর কালে আর সংসারিত্ব বা শরীরত্ব থাকে না। সূত্রবাং পরমবস্তুরূপ ত্রয়োমুখরূপ উচ্চারণের, অবর্ণের, বা দর্শনের রজ্জুবোধবৎ অভয়রূপ ফল আছে।

ক্রমশঃ।

হিন্দুস্থানের নামকরণ।

হিন্দুদিগের কোন বিবরণ জানিতে হইলে অগ্রে ইহাদিগের দেশ ভারতবর্ষ ইণ্ডিয়া ও হিন্দুস্থান এই সকল ভিন্ন ভিন্ন নামে কেন প্রসিদ্ধ হইল, ইহাদিগের নাম হিন্দু কেন হইল, এবং ইহারা কোথা হইতে আনিলেন এই সকল জানিতে সকলেরই কৌতুহল হইতে পারে; অতএব অগ্রে সেই সেই বিষয় উল্লেখ করাই কর্তব্য বিবেচনা হইতেছে।

প্রায় ৪৯৮০ বৎসর পূর্বে আর্য্যজাতির এক সম্প্রদায় এক্ষণে পঞ্জাব নামে প্রসিদ্ধ স্থানের ও তৎসমিহিত প্রদেশের অধিবাসী-

দিগকে দূরীভূত করিয়া আপনাদিগের রাজ্য সংস্থাপন করেন। এই নবাবিহীন রাজ্যে সিন্ধু নদ, তাহার পাঁচটি শাখা ও সরংভী এই সপ্তসিন্ধু * অর্থাৎ সাতটি নদীর অবস্থান হেহু তাঁহারা আপনাদিগের ভাষানুসারে তাহার নাম সপ্তসিন্ধু † রাখেন। অতি প্রাচীন জেদাবেস্তা নামক পারস্য গ্রন্থেও এই দেশ সপ্তসিন্ধু স্থলে পারসীকদিগের উচ্চারণ-প্রথানুসারে হপ্তহিন্দু নামে কথিত হইয়াছে। ইউরোপীয়দিগের মধ্যে অতি প্রাচীন ইতিহাস লেখক হিরডোটস্‌ও স্বীয় গ্রন্থে ইহাকে হপ্তহিন্দু ও ইহার অধিবাসীদিগকে হিন্দু বলিয়া নির্দেশ করিয়াছেন এবং প্রাচীন ইউরোপীয় প্রথানুসারে বা তদ্রূপ দেশ সমূহের প্রাচীন নাম-সাদৃশ্যে ইহাকে পুনঃ পুনঃ ইণ্ডিয়া শব্দে ব্যক্ত করিয়াছেন। অর্থাৎ প্রাচীন ইউরোপীয়েরা বেরূপ আপনাদিগের দেশের নাম গ্রীসীয়া, ইটালিয়া, সেনানিয়া, যেসিডোনিয়া, আর্কিডিয়া প্রভৃতি রাখিতেন সেইরূপ ইহারও নাম ইণ্ডিয়া রাখিয়া ছিলেন। গ্রীকদিগের কৃত এই নাম অনুসারে রোমকেরাও এ দেশকে ইণ্ডিয়া বলিয়াছিলেন এবং তাঁহাদের সমুদায় গ্রন্থে ঐ নামই ব্যবহার করিয়াছিলেন। এই জন্য তাঁহাদিগের সমুদায় প্রাচীন গ্রন্থে ইহার এইরূপ নামই দেখিতে পাওয়া যায়। রোমকদিগের নিকট শিথিয়া ইংলণ্ডীয়েরা ইহাকে ইণ্ডিয়া বলিয়া থাকেন। তাঁহাদের নিকট শিথিয়া এখন আমরাও আবার ইহাকে ইণ্ডিয়াও বলিয়া থাকি।

* যৎক্ষাৎহসো মুচন্‌ যো বা আর্য্যাস্ত সপ্তসিন্ধু।
বয়সিস্য ভু বিবুর নীনসঃ। পৃষ্ঠ ৮। ২৪। ২৭

মিনি আমাদিগকে গাপ হইতে রক্ষা করিয়াছেন
সেই শক্তিমান দেব সপ্তসিন্ধু দেশে আর্য্যগণ হইতে
বাপগণের অঙ্গ প্রতিনিবৃত্ত করিয়াছেন।

† সিন্ধুনদবিশেষে হকৌ পুমান্‌চ সরিতি গিয়া-
মিতি কোবঃ।

প্রাচীন পারসীকেরা যেমন এদেশবাসীদিগকে হেন্দু বা হিন্দু কহিতেন সেইরূপ তৎপরসময়বর্তী পারসীকেরাও ইহাদিগকে হিন্দু বলিতেন এবং হিন্দুদের বাসস্থান বলিয়া স্বদেশীয় ভাষানুসারে অর্থাৎ আফগানিস্তান, বেলুচিস্তান, তুর্কিস্তান ইত্যাদি নান-নাদৃশ্যে এই দেশের নাম হিন্দুস্তান বা হিন্দুস্তান রাখেন। সুপ্রসিদ্ধ গজনীপতি যামুদ দ্বিজয়ার্থ এদেশে আগমন করিয়া সর্বত্র এই নাম এদেশে প্রচার করেন, তদবধি সমস্ত মুসলমান রাজা কর্তৃক এদেশের নাম হিন্দুস্তান বলিয়া বিদিত হইতে লাগিল। অতএব এখন ইংরাজদিগের অধিকারে যেমন ইহাকে ইণ্ডিয়া বলিতে শিখিয়াছি, তেমনিই মুসলমানদিগের অধিকার হইতে আপনাদের এই দেশকে তাহাদিগের কৃত নামেই বলিতে শিখিয়াছি। বিশেষ এই যে আমরা হিন্দুস্তান না বলিয়া হিন্দুস্থান বলিয়া থাকি। পারস্যস্তান বা স্তান ও সংস্কৃত স্থান এ দুই শব্দই এক ধাতু-মূলক একরূপ উচ্চারিত ও একার্থ-বাচক, অতএব হিন্দুরা ইহাকে মুসলমানদিগের ন্যায় হিন্দুস্তান না বলিয়া আপনাদিগের ও ভাষার প্রকৃতি অনুসারে হিন্দুস্থান বলিতে লাগিলেন এবং আপনাদিগকেও হিন্দু বলিয়া জানিতে লাগিলেন। বাদশাহীরা হিন্দুর অপভ্রংশ হিঁদু করিয়া দ্বিহীয়াছেন।

পৌরাণিকেরা ঐ সপ্তসিন্ধু দেখিয়াই পৃথিবীকে লবণ ইক্ষু স্তরা সর্পিঃ প্রভৃতি সাত সমুদ্র দ্বারা সপ্ত বলয়াকারে পরিবেষ্টিত ও সূত্রাৎ জম্বু প্রক্ষ শাশ্বলি কুশ ক্রৌঞ্চ প্রভৃতি সপ্ত দ্বীপ সমন্বিত বলিয়া কল্পনা করিলেন।*

* এস্থলে কেহ কেহ একথা বলিতে পারেন যে, বেদে যে সপ্তসিন্ধুর উল্লেখ আছে তাহা যে সপ্তসমুদ্র নয় সপ্ত নদী ইহা কিরূপে স্থির হইতে পারে? ইহার উত্তরে জাননা এই বলিতে পারি যে বেদের ভূরি ভূরি স্থলে সপ্তসিন্ধু এই শব্দের উল্লেখ দেখিতে পাওয়া

জম্বুপ্রক্ষাঙ্করৌ দ্বীপৌ শাশ্বলিস্তাপরে দিল।

কুশঃ ক্রৌঞ্চস্তথা শাক্য পুষ্করৈশ্চৈব সপ্তমঃ ॥

এতে দ্বীপা নমুদ্রৈস্ত সপ্তসপ্তভিরাবতাঃ।

লবণৈক্ষুস্তরাসর্পিঃসিঞ্চস্ত্রয়ানাংবৈঃ ইতি।

বিঃ পুঃ ২ অঃ ২।৩

তন্মধ্যে জম্বু দ্বীপ ত্রিভাঙ্গ মানস পুত্র যে স্বায়ত্ত্বব মনু তাহার পৌত্র আয়েথের অংশে পতিত হইল। আয়েথ এই দ্বীপ নয় অংশে বিভক্ত করিয়া কুরু, হিরণ্ময়, রুম্যক বা রুম-ণুক, ইলারত, হরি, কেতুমান, ভদ্রাঙ্গ, চিনার ও নাভি এই নয় পুত্রকে প্রদান করিয়া যান। ইহাদের প্রত্যেক অংশের নাম বর্ষ অর্থাৎ বর্ষ। এই সকল বর্ষ স্ব স্ব অধিকারীদিগের নামানুসারে কুরুবর্ষ, হিরণ্ময়বর্ষ ইত্যাদি নামে বিখ্যাত ছিল। তদনুসারে ভারতবর্ষের নাম পূর্বে নাভিবর্ষ ছিল। কালক্রমে ঐ মনুর বংশে ভারত নামে এক মহা বিখ্যাত নৃপতি প্রাদুর্ভূত হইলেন। তাহার নামেই এক্ষণে এই দেশ ভারতবর্ষ বলিয়া প্রসিদ্ধ হইতেছে। ফলতঃ ঐ কয় বর্ষ যে এককালে কোন রূপে বিভক্ত হইয়াছিল এবং এই ভারতবর্ষও যে তাহার এক বিভাগ তাহা নিতান্ত অমূলক বলিয়া বোধ হয় না। এই সকল বর্ষের মধ্যে ভারতবর্ষের যে বর্ণনা আছে তাহা দ্বারা পৌরাণিকদিগের সমকালে ইহার যে রূপ অবস্থাদি ছিল তাহা অনেক জানা যাইতে পারে। এই বর্ষের সীমা বিষ্ণু পুরাণে এইরূপ লিখিত হইয়াছে।

যায় এবং ঐ সমুদায় স্থলেই সপ্তসিন্ধু শব্দে সপ্ত নদী বুঝায়। পরন্তু এক স্থলে ইক্ষুদেবের স্তোত্রে এই সপ্তসিন্ধু যে নদী তাহা স্পষ্ট হুচিত হইয়াছে। যথা “অপান্দ্রজঃ সর্ভবে সপ্তসিন্ধুন।” তুমি সাত নদীকে ইচ্ছানুসারে বহিতে দিয়াছ। তবে অপেক্ষাকৃত আধুনিক বা পৌরাণিকদিগের সমকালবর্তী লোকের রচিত বায়-সনের সংহিতোপনিষদের যে “বাবতী দ্যাবাপৃথিবী যাবচ্চ সপ্তসিন্ধুবোরিতরিবে” এই বচনে সপ্তসিন্ধু অর্থে সাত সমুদ্র বুঝাইতেছে এবং টীকাকার মহীধর তাহার তদনুসারে ব্যাখ্যা করিয়াছেন তদ্বিষয়ে আমরা আশ্চর্যবোধিত হই না।

উক্তরং যৎ সমুদ্রস্য হিমাশ্চৈব দক্ষিণম্ ।
বৰ্ণং তদ ভারতং নাম ভারতোযর সত্যতিঃ ।
পূর্বা কিরাতা যস্যাস্তে পশ্চিমে যবনাঃস্থিতাঃ ।
বিঃ পুঃ ২ অঃ ।

ভারতবর্ষের উত্তর সীমা হিমালয় পর্বত,
দক্ষিণ সীমা সমুদ্র, পূর্ব সীমা কিরাত দেশ
ও পশ্চিম সীমা যবন দেশ ।

অতএব ভারত রাজার কাল হইতে অর্থাৎ
অনুমান প্রায় ৪০০০ বৎসর পূর্ব হইতে ইহা
ভারতবর্ষ নামে খ্যাত হইতেছে ।

পৌরাণিক উপাখ্যান ।

পূর্বের অল্পবৃত্তি ।

অনন্তর রাজা হরিশ্চন্দ্র পত্নী ও শিশু
পুত্রের সহিত দুঃখিত মনে মৃত্যু মন্দ গমনে
যাত্রা করিলেন এবং বারানসীতে উপস্থিত
হইয়া ভাবিলেন এই পুরী মনুষ্যভোগ্য নয়,
ইহাতে শূলপাণি শিবের অধিকার । এই
ভাবিয়া তিনি যেমন আকুল মনে তন্মধ্যে
প্রবেশ করিলেন অমনি দেখিলেন মহর্ষি
বিশ্বামিত্র তথায় বর্তমান । তখন রাজা তাঁ-
হাকে দেখিয়া সর্বিনয়ে প্রণিপাত করি-
লেন এবং কৃতজ্ঞালি পুটে কহিলেন, তপো-
ধন ! এই পুত্র এই পত্নী এবং আমার প্রাণ
এই তিনটির মধ্যে যাহাকে আপনি ইচ্ছা
করেন গ্রহণ করুন এবং আমি আপনার কি
করিব আজ্ঞা করুন ।

বিশ্বামিত্র কহিলেন, রাজন্ ! এক্ষণে
একমাস পূর্ণ হইয়াছে, যদি তোমার স্মরণ
থাকে তো আমার রাজসূরিকী দক্ষিণা দাও ।
হরিশ্চন্দ্র কহিলেন, তপোধন ! অদ্যই মাস
পূর্ণ হইবে । অতএব আপনি দিবসের এই
অবশিষ্ট কাল অপেক্ষা করুন, আমি দক্ষিণা
সংগ্রহ করিতেছি । বিশ্বামিত্র কহিলেন,
ভালই, আমি না হয় কলাই যাইব, কিন্তু যদি

তুমি আমাকে দক্ষিণা না দাও তবে আমি
নিশ্চয় তোমাকে অভিসম্পাত করিব । এই
বলিয়া বিশ্বামিত্র তথা হইতে প্রস্থান করি-
লেন ।

তখন রাজা হরিশ্চন্দ্র ভাবিলেন, আমি
প্রথমে অঙ্গীকার করিয়াছি এক্ষণে কিরূপে
ইহাকে দক্ষিণা দিব । আমার ধনবান মিত্র
নাই, এখন আমার অর্থই বা কোথায় ? ক্ষত্রি-
য়ের পক্ষে প্রার্থনাও দোষাবহ । ইহাতে
অধোগতি হইবে । হা ! আমি কি প্রাণ-
ত্যাগ করিব । আমি নির্ধন, এখন কোথায়
যাই । যদি অঙ্গীকার রক্ষা না করিয়া প্রাণ-
ত্যাগ করি তাহা হইলে আমি ব্রহ্মদ্বাপহারী
হইয়া থাকিব । আমি পাপাত্মা এবং অধ-
মেরও অধম হইব । অথবা আমার এই
দেহটী আছে । আমি আত্মবিক্রয় করিয়া
অন্যের দাসত্ব স্বীকার করি । ইহাতে কিঞ্চিৎ
অর্থাগম হইবার সম্ভাবনা ।

ঐ সময় রাজমহিষী শৈব্যা হরিশ্চন্দ্রকে
আকুল মনে দীন নয়নে অধোমুখে চিন্তিত
দেখিয়া বাষ্পগদগদ বাক্যে কহিলেন, মহা-
রাজ ! চিন্তিত হইও না, আপনার সত্য রক্ষা
কর । যে ব্যক্তি সত্যরক্ষায় অনমর্থ তাহাকে
অপবিত্র শ্মশানবৎ সর্বতোভাবে পরিত্যাগ
করা উচিত । পুরুষের স্বসত্যপালন অপেক্ষা
পরম ধর্ম আর কিছুই নাই । যাহার বাক্য
মিথ্যা তাহার অগ্নিহোত্র অধ্যয়ন ও দানাদি
সমস্ত ক্রিয়া নিরর্থক হয় । সত্য যেমন উদ্ধা-
রের জন্য মিথ্যা সেইরূপ অধঃপাতের জন্য ।
পূর্বের কৃতি নামে এক মহীপাল সপ্ত অশ্বমেধ
ও রাজসূয় যজ্ঞ আহরণ করিয়া স্বর্গ লাভ
করেন কিন্তু একটা অসত্যের বলে স্বর্গভ্রষ্ট
হন । নাথ ! এই তোমার পুত্র—

এই বাক্য সম্পূর্ণ ওষ্ঠের বাহির হইতে
না হইতেই রাজমহিষী শৈব্যার নেত্র বাষ্পে
পূর্ণ হইল । তিনি মুক্তকণ্ঠে রোদন করিতে

লাগিলেন। তদ্ব্যপেক্ষে হরিশ্চন্দ্র কহিলেন, দেবি! ভয় কি, এই যে বালক এইখানেই আছে, বল কি বলিবার ইচ্ছা করিতেছ। শৈব্যা কহিলেন, রাজন্। এই তোমার পুত্র ও আমি পত্নী; অতএব তুমি আমার বিক্রয় করিয়া ব্রাহ্মণকে দক্ষিণা দাও।

হরিশ্চন্দ্র শৈব্যার এই কথা শুনিবামাত্র মুচ্ছিত হইয়া পড়িলেন। পরে সংজ্ঞালাভ করিয়া দুঃখাবেগে কহিতে লাগিলেন, দেবি! কি কষ্ট! আজ তুমি আমায় এইরূপ কহিলে! আমি তোমার ঐ মুখের সহাস্য মধুরালাপ বিস্মৃত হই নাই, আজ সেই মুখে এই কথা কেমন করিয়া শুনিলাম! তুমি যাহা কহিলে ইহা বড় সুকঠিন ব্যাপার, আমি কিরূপে ইহা করিব।

এই বলিয়া হরিশ্চন্দ্র পুনঃ পুনঃ আপনাকে বিক্রয় প্রদান পূর্বক ভূতলে মুচ্ছিত হইয়া পড়িলেন। তখন শৈব্যা মহারাজকে ভূতলে শয়ান দেখিয়া দুঃখিত মনে করণ বচনে কহিলেন, হা নাথ! তুমি যে ভূতলে শয়ান ইহা কাহার অভিলম্পাত। যিনি ব্রাহ্মণগণকে অজস্র ধন দান করিয়াছেন সেই আমার পতি পৃথিবীর অধিপতি ভূতলে শয়ন করিয়া আছেন! হা কি কষ্ট! রাজন্। তোমার ভাগ্যে এই ছিল! এই বলিয়া রাজ-মহিষী শৈব্যা দুঃসহ ভক্তদুঃখে নিপীড়িত হইয়া মুচ্ছিত হইলেন।

ঐ সময় হরিশ্চন্দ্রের শিশু পুত্র একান্ত ক্ষুধার্ত হইয়া ছিল। সে অনাথ পিতা মাতাকে তদবস্থ দেখিয়া কাতর স্বরে কহিল, পিতঃ! পিতঃ! আমাকে কিছু খাইতে দেও। আমার অত্যন্ত ক্ষুধা, জিহ্বা শুক হইতেছে।

ইত্যবসরে মহনা মহাতপা বিশ্বামিত্র তথায় উপস্থিত হইলেন। তিনি হরিশ্চন্দ্রের মুখচক্রে জলদ্রব করিয়া চৈতন্য সম্পাদন করিলেন। হরিশ্চন্দ্র চেতনা লাভ করিয়া

বিশ্বামিত্রকে দেখিয়া মাত্র আবার মুচ্ছিত হইলেন। তখন মহর্ষি কহিলেন, রাজন্। উঠ উঠ, আমার অভীষ্ট যজ্ঞদক্ষিণা দাও। তুমি আমার নিকট স্থগী, সময়ও অতিবাহিত হইয়া যায়। তখন রাজা হরিশ্চন্দ্র স্থগীতল জলসেকে পুনর্ব্যার সংজ্ঞালাভ করিলেন এবং বিশ্বামিত্রকে দেখিয়া আবার মুচ্ছিত হইয়া পড়িলেন। তদ্ব্যপেক্ষে মহর্ষি বিশ্বামিত্র কুপিত হইয়া কহিলেন, রাজন্। যদি তোমার ধর্ম্ম-দৃষ্টি থাকে তবে আমার রাজ-দায়িকী দক্ষিণা দেও। দেখ, সত্যের বলে সূর্য্য উদ্ভাপ দিয়া থাকেন, এবং সত্যের বলেই পৃথিবী আছে, সত্য পরম ধর্ম্ম, সত্যেই স্বর্গ প্রতিষ্ঠিত। অথবা এইরূপ শিষ্টোচারের ইবা প্রয়োজন কি, রে নীচ, দুরাশ্রয়, মিথ্যাবাদী, শোণ! যদি তুমি আজ আমার দক্ষিণা না দিস্ তো সূর্য্যাস্তের পরই তোরে নিশ্চয় অভিশাপ দিব। এই বলিয়া মহর্ষি বিশ্বামিত্র প্রস্থান করিলেন। তখন রাজা হরিশ্চন্দ্র অতিমাত্রা ভীত হইলেন। তিনি এখন নিঃস্ব নিবর্ন, ধনী তাঁহাকে পীড়ন করিতেছেন। তিনি কিং কর্তব্য বিমূঢ় হইয়া দশ দিক শূন্য দেখিতে লাগিলেন। তখন শৈব্যা পুনর্ব্যার তাঁহাকে কহিলেন, রাজন্। তুমি ব্রাহ্মণের শাপানলে দগ্ধ ও বিনষ্ট হইও না। আমি তোমাকে যাহা কহিতেছি তাহাই কর। রাজা হরিশ্চন্দ্র বারংবার শৈব্যার এইরূপ অনু-রোধের কথা শুনিয়া কহিলেন, দেবি! সম্মত হইলাম, আমি তোমার বিক্রয় করিব। অতি নিষ্ঠুরও যাহা করিতে পারে না এই নির্ধূণ নির্লজ্জ তাহা করিবে।

অনন্তর তিনি নগরের পথে পথে বাম্পা-বরুদ্ধ কণ্ঠে কহিতে লাগিলেন, নাগরিক-গণ! শুন; তোমরা কি বলিতেছ? আমি কে? আমি নিষ্ঠুর অমানুষ অতি বঠোর রাক্ষস অথবা তদপেক্ষাও পাপাত্মা। আমি

শিশু পুত্র বিক্রয় করিলাম। আর আমার কিছু নাই। বিশ্বামিত্র কহিলেন, রে নরাধম! এক্ষণে দিবসের চতুর্থ ভাগ অবশিষ্ট, আমি এই কালটুকু প্রতীক্ষা করিব, অতঃপর আর কোন কথা শুনিব না। বিশ্বামিত্র রাজা হরিশ্চন্দ্রকে এইরূপ নির্ভুর কথা কহিয়া রোষকষায়িত লোচনে দ্রুত পদে প্রস্থান করিলেন।

অনন্তর হরিশ্চন্দ্র নগরের পথে পথে এই কথা ঘোষণা করিতে লাগিলেন, যান-বগণ! আমার ক্রয় করিয়া যদি কাহারও দাস রাখিবার ইচ্ছা থাকে তবে যাবৎ সূর্যাস্ত না হইতেছে তিনি আসিয়া শীত্র বলুন। হরিশ্চন্দ্র পথে পথে এইরূপ ঘোষণা করিতেছেন ইতাবসরে তথায় দ্রুতবেগে এক বিকৃতাকার চণ্ডাল উপস্থিত হইল। উহার সর্কাস্ত্রে দুর্গন্ধ, কেশ রক্ষ, মুখে শ্মশ্রুজাল, নেত্রদ্বয় মদরাগে আরক্ত, উদর লম্বিত ও বর্ণ কৃষ্ণ। উহার হস্তে মৃত পক্ষিপুঞ্জ, সঙ্গে এক ভীষণ কুকুর। সে বহুভাষী ও কর্কশ। ঐ ভীমমূর্তি চণ্ডাল লণ্ডহস্তে উপস্থিত হইয়া কহিল, রে দাস! অল্প বা বিস্তর যতই তোর বেতন হোক, শীত্র বল আমি তোরে লইব। রাজা হরিশ্চন্দ্র ঐ ক্রুরদর্শন নির্ভুর দুঃশীলকে দেখিয়া জিজ্ঞাসিলেন, তুমি কে? চণ্ডাল কহিল, আমি চণ্ডাল, এই নগরে প্রবীর নামে খ্যাত, আমি মৃত দেহের কবল আহরণ করিয়া দিনপাত করি। হরিশ্চন্দ্র কহিলেন, ঘৃণিত চণ্ডালের দাসত্ব করিতে আমার ইচ্ছা নাই। শাপানলে দগ্ধ হই সে ভাল, কিন্তু কিছুতেই আমি চণ্ডালের দাসত্ব করিব না।

ঐ সময় মহর্ষি বিশ্বামিত্র তথায় উপস্থিত হইলেন। তিনি ক্রোধে নেত্রদ্বয় বিদ্যুৎগিত করিয়া কহিলেন, এই চণ্ডাল তোরে অধিক অর্থ দিয়া লইতে প্রস্তুত, তবে তুই কেন

আমায় সমস্ত দক্ষিণা না দিস? হরিশ্চন্দ্র কহিলেন, ভগবন্! আমি সূর্য্যবংশীয় ক্ষত্রিয়, অর্থের লোভে কি রূপে এক চণ্ডালের দাসত্ব স্বীকার করিব। বিশ্বামিত্র কহিলেন, যদি তুই চণ্ডালকে আত্মবিক্রয় করিয়া যথাকালে আমায় অর্থ না দিস তাহা হইলে আমি নিশ্চয় তোরে অভিসম্পাত করিব। তখন হরিশ্চন্দ্র সঙ্কাতরে বিশ্বামিত্রের পদতলে পড়িয়া কহিলেন, আপনি প্রসন্ন হউন। আমি আপনার দাস, আমি আপনারই ভক্ত, আপনি আমার কৃপা করুন। চণ্ডালের দাসত্ব করিতে আমি ইচ্ছুক নহি। এই ঋণের যাকিছু অবশেষ আছে তাহার জন্য আপনার দাসত্ব স্বীকার করিতেছি। আমি আপনারই ভৃত্য। বিশ্বামিত্র কহিলেন, রে দুর্বৃত্ত! যদি তুই আমার দাস তবে অধিক অর্থ লইয়া তোরে ঐ চণ্ডালের হস্তে বিক্রয় করিলাম।

বিশ্বামিত্র এই কথা কহিবারাত্র চণ্ডাল তাঁহাকে বিস্তর অর্থ দিয়া দ্বিগুণ মনে হরিশ্চন্দ্রকে বন্ধন পূর্ব্বক দণ্ড প্রহার করিতে করিতে সগৃহে লইয়া চলিল। হরিশ্চন্দ্র চণ্ডালগৃহে বাস করিয়া প্রাতঃকাল মধ্যাহ্ন ও সায়াহ্নে কেবল এই বলিয়া আক্ষেপ করিতেন, হা! দীনমুখী বালা পত্নী এবং দীনযুথ বালক পুত্র যৎপরোনাস্তি অসুখী হইয়া সর্ব্বদা মনে করিতেছেন মহারাজ হবে আমা-দিগকে অর্থ দিয়া মুক্ত করিবেন। আমার রাজ্যনাশ হইয়াছে, আত্মবন্ধু আর কেহ নাই, ক্রী পুত্র বিক্রয় হইয়াছে, শেষে চণ্ডালের দাসত্বও স্বীকার করিয়াছি। হা কি কষ্ট! হা কি কষ্ট!

ক্রমশঃ

প্রাণপ্রিয়া স্ত্রীকে বিক্রয় করিতে আসিয়াছি। এই গহিত কার্য্যে আনিয়াও জীবিত আছি। যদি তোমাদের মধ্যে কাহারও দামী ক্রয় করিবার আবশ্যক থাকে তো আমি জীবিত থাকিতে এই বেলা শীঘ্র আসিয়া বল।

ঐ সময় এক বৃদ্ধ ব্রাহ্মণ আসিয়া রাজা হরিশ্চন্দ্রকে কহিল, তুমি আমাকে দামীটি দেও, আমি অর্থ দিয়া উহাকে কিনিব। আমার অতুল ঐশ্বর্য্য আছে, আমার ব্রাহ্মণী স্কন্ধুমারী, সে গৃহকর্ম্ম কিছু মাত্র করিতে পারে না, অতএবতুমি উহাকে আমার দেও। তোমার স্ত্রী কশ্মিরী ও রূপযৌবনসম্পন্ন, তুমি উহার অনুরূপ অর্থ লও, এবং উহাকে আমার দেও।

শুনিয়া রাজা হরিশ্চন্দ্রের স্বরয় বিদীর্ণ হইয়া গেল। তিনি মনোদুঃখে কোন কথা ওঠের বাহির করিতে পারিলেন না। তখন সেই বৃদ্ধ ব্রাহ্মণ রাজা হরিশ্চন্দ্রের পরিষেয় বন্ধলের প্রান্তে অর্থ স্বেচ্ছ বন্ধন করিয়া দিল এবং রাজ-পত্নী শৈব্যার কেশাকর্ষণ পূর্ব্বক তথা হইতে লইয়া চলিল। শৈব্যা কহিলেন, পিতা! আপনি আমাকে একটু ছাড়িয়া দিন, আমি বালকটীকে আর দেখিতে পাইব না, একবার দেখিয়া লই। বৎস! দেখ তোমার মা এইরূপ দামী হইয়া চলিল। রাজকুমার! তুমি আর আমার স্পর্শ করিও না। এখন আমি তোমার অস্পৃশ্য।

তখন ঐ বালক জননীকে বল পূর্ব্বক কেশে আবদ্ধ দেখিয়া অলম্ব্যাকুললোচনে তাহার পশ্চাৎ পশ্চাৎ ধাবমান হইল। ব্রাহ্মণ উহাকে ধাবমান দেখিয়া ক্রোধভরে পাদ প্রহার করিল। কিন্তু বালক কিছুতেই তাহার জননীকে ছাড়িল না, সে তাহার পশ্চাৎ পশ্চাৎ যাইতে লাগিল। তখন শৈব্যা ঐ ব্রাহ্মণকে কহিলেন, পিতা! প্রসন্ন হউন, আমার এই বালকটীকেও ক্রয় করুন।

আপনি যদিও আমার ক্রয় করিয়াছেন কিন্তু এই বালক ব্যতীত আমি আপনার কার্য্য করিতে পারিব না। আমি অতি হতভাগিনী। আপনি আমার প্রতি রূপা করুন এবং আমার সহিত এই বালকটীকেও লউন। তখন ব্রাহ্মণ হরিশ্চন্দ্রকে কহিল, তবে তুমি এই অবশিষ্ট অর্থ লইয়া আমার এই বালক বিক্রয় কর। আমি তোমার যা দিলাম শাস্ত্রানুসারে ইহা ঠিকই হইয়াছে। এই বলিয়া ব্রাহ্মণ রাজা হরিশ্চন্দ্রের পরিষেয় বন্ধলে অর্থ বন্ধন করিয়া দিল এবং মাতার সহিত পুত্রকে এক রজ্জুতে বন্ধন করিয়া স্বস্থানে লইয়া চলিল। তদৃষ্টে হরিশ্চন্দ্র দুঃখ শোকে অতিশয় কাতর হইলেন এবং পুনঃ পুনঃ দীর্ঘ নিশ্বাস ত্যাগ করিয়া কহিতে লাগিলেন, হা! বাঁহাকে চন্দ্র সূর্য্য ও সামান্য লোকে কখন দেখিতে পায় নাই আজ তিনিই অন্যের দামী হইলেন। হা! ঐ কোমলহস্ত কোমলাঙ্গুলি সূর্য্যবংশীয় বালকও বিক্রীত হইল! আমি নরাধম, আমার ধিক্। হা প্রিয়ে! হা বৎস! এই অনাধ্য নীচের দুর্নীতিক্রমে তোমাদের এই শোচনীয় দশা ঘটিল! আমার এখনও যত্ন হইল না! আমার ধিক্।

এ দিকে ক্রেতা ব্রাহ্মণ হরিশ্চন্দ্রের স্ত্রী পুত্র লইয়া মত্তর বৃক্ষগৃহাদির আবরণে অদৃশ্য হইল। মহর্ষি বিশ্বামিত্রও অবিলম্বে তথায় উপস্থিত হইলেন। তিনি আসিয়া হরিশ্চন্দ্রের নিকট দক্ষিণা প্রার্থনা করিলেন। হরিশ্চন্দ্র স্ত্রী পুত্র বিক্রয়ে সঞ্চিত সমস্ত অর্থ তাহাকে দিলেন। কিন্তু বিশ্বামিত্র ঐ অর্থ সংসামান্য দেখিয়া ক্রোধভরে কহিলেন, রে অনাধ্য! যদি তুমি এই অল্প মাত্র অর্থ আমার যজ্ঞদক্ষিণার অনুরূপ বুঝিয়া থাকিস্ তবে এখনই আমার তপোবল দেখ। হরিশ্চন্দ্র কহিলেন, ভগবন্! আপনি কিছু অপেক্ষা করুন, আমি দিতেছি। পত্নী ও

ব্যাখ্যান-মঞ্জরী।

ত্রীযুক্ত প্রধান আচার্য্য মহাশয়ের
ব্যাখ্যান মূলক পদ্য।

পঞ্চম ব্যাখ্যান।

যিনি আশ্রয় দেন, না পায় নয়ন, কল্পে তাঁরে দেখিবারে।
প্রেমের নয়ন, যে করে মেলন, দেখা দেন তিনি তাঁরে ॥

ভেবে দেখ জগৎ তব কাহার রূপায়,
“মাতৃ-গর্ভ-অন্ধকারে, বদ্ধ ছিলে কারাগারে”
কে তোমারে আনিল ধরায় ?

যবে আসি জগৎ তুমি করিলে গ্রহণ,
কাহা হতে পেলে ভবে স্নেহ-আলিঙ্গন ?
কি গুণ তোমার ছিল, সকলেরে আকর্ষিল,
বা দেখে করিল তোমা আদর যতন ?
কাহার ইচ্ছায় বল মাতার হৃদয়,
তোমা তরে বিগলিল স্নেহে অতিশয় ?
কোলে লয়ে তোমা মাতা দিলেন চুবন,
দিলেন তোমার মুখে সুধাময় স্তন ?
মাতৃ-স্তনে দুর্দ্ধ কেবা করিল সঞ্চারণ,
যাহাতে হইল রক্ষা জীবন তোমার ?
মাতার হৃদয়ে স্নেহ, দেয় নাই আর কেহ,
দিয়াছেন তিনি যিনি জীবের জীবন।
দন্তুহীন ছিলে যবে, তিনিই তখন ভবে,
করিলেন মাতৃ-স্তনে দুর্দ্ধ নিরোজন ॥

তিনি তোমা করিলেন এখানে প্রেরণ।
পিতা মাতা উপলক্ষে, রাখিয়া আপন চক্ষে,
করিলেন শিশু যবে তোমারে পালন ॥
কে তোমারে রক্ষিছেন যৌবন জরায়,
করিলেন সুখ দান, বিপদ হইতে ত্রাণ,
আজন্ম হইতে হন তোমার সহায়।
জননী সমান তাঁর স্নেহের নয়ন,
জননী সমান স্নেহ করেন বর্ষণ,
প্রতি জন তাঁর ঠাই, ইতর বিশেষ নাই,
সবাকারে দেখিছেন সমুদান আপন।
তাঁর রবি শশি তারা চন্দ্রমা পবন,
সবাকার হিত সদা করিছে সাধন,
যে তাঁর নিয়মে করে জ্ঞান উপার্জন,
আত্ম-সংযমন আর চিত্ত বিশোধন,
দেখিবে ক্ষময়ে তিনি থাকিয়া তাহার,
বলে দেন সেই পথ তাঁরে পাইবার,
হৃদয়ের বত আশা, অনুরাগ ভাল বাসা,
বলেদেন তাঁহাকেই দিতে অনিবার।
হেন প্রেম ময়া তাঁর হয় প্রতি জনে,
বোধ হয় যেন তাঁর সে জন বিহনে,

নাহি অন্য কেহ আর, প্রেম স্নেহ করিবার,
হয়েন তাহার সখা জীবন মরণে।

প্রত্যেক প্রজারে রাজা না চিনে কখন,
কিন্তু জগতের পতি, প্রত্যেক প্রজার প্রতি,
হন পিতা মাতা বন্ধু আপনায় জন।
প্রত্যেকেরে দেন তিনি সুখ ধন মান,
প্রত্যেকের মঙ্গলের করেন বিধান,
পাপে তাপে বিপদেতে দেন নিজার্জুন,
খোর বিপাকেতে দেন আপন কতর,
বিবম কষ্টকর সংসারের পথে,
তিতিক্ষা ধৈর্য শিক্ষা দেন বিধি মতে,
মোহ কুটিলতা পাল করেন মোচন,
তাঁর পানে খেতে কত বলেন বচন।

ভূমিষ্ঠ হইতে যিনি করেন পালন,
তুলিবেন আমাদের তিনি কি কখন ?
এখন যেমন তিনি পিতা আমাদের,
হইবেন পিতা মাতা অনন্ত কালের,
এখানে তাঁহাতে মতি রতি কর জীব !
অনন্ত জীবনে তাহে হবে তব শিব !
প্রেমের নয়ন তাঁর প্রসন্ন বদন।
দেখিবে যদ্যপি মেল প্রীতির নয়ন ॥
শুদ্ধ সত্ত্ব হয়ে তাঁরে কর দেখি ধ্যান।
দেখিবে মঙ্গল রূপ তাঁর বিদ্যমান ॥
মগন সংসার-মুখে পাপেতে মলিন।
তাঁর পানে চায় যেই হয়ে উদানীন ॥
সে তাঁর প্রেমের দৃষ্টি দেখিবে কেমনে ?
প্রেম-ধন দেখা দেন প্রেমের মরনে।

সংসারে যাহার প্রেমে করিবে বিশ্বাস।
হয় ত হইবে তাহে নিতান্ত নিরাস ॥
যারে ঢালি দিবে তুমি স্নেহ অকপটে।
হয় ত আঘাত পাবে তাহার নিকটে ॥
যেখানে বন্ধুতা তুমি করিবে রোপণ।
ফলিবে হয়ত তথা শত্রু আচরণ ॥
কিন্তু যিনি চির-সখা তাঁহার উপর।
করহ আপন প্রেম মমতা নির্ভর ॥
দেখিবে তাঁহার প্রেম সমুদ্র-সমান।
যা করিবে প্রতিদান বিন্দুর প্রমাণ ॥
সংসারে বড়ই পাণ্ডু হৃদয়-বেদনা।
তাঁরে প্রেম কর—হবে সকলি শান্তনা ॥
তাঁর প্রেমে মজ—যাবে সংসার-যাতনা।
সকল হইবে তব মুক্তির কামনা ॥
প্রবৃত্তির অধীনতা ঘুটিবে তোমার।
স্বাধীন হইবে—সুখ পাইবে অপার।
তাঁহার অধীন যেই সেই ত স্বাধীন।
তাঁরে ছাড়া অন্য ভজে সেই পরাধীন ॥
যদি পাবে তাঁরে—আছে প্রার্থনা উপায়।
নিয়ত প্রার্থনা কর, পাইবে তাঁহার ॥

লভা হতে ওঠ যবে বিমল প্রভাতে ।
কাতর হৃদয়ে তবে বল এই নাথে ॥
“বা করি যেখায় যাই, আজ তোমা সনে
থাপিব জীবন, থাক হৃদি সঙ্গোপনে ।”
বন্ধন করিবে স্নান শরীর মার্জ্জন ।
আত্মার মার্জ্জনে তবে করহে বতন ।
বল নাথে “পাপে চিত মলিন আমার ।
প্রফালন কর দিয়া রূপা-বারি দার ।
রক্ষ আজ সংসারের মোহ-পাশ হতে ।
নাহি পড়ি যেন আজ প্রেয়ের বিপথে ।”
বন্ধন করিবে তুমি আহার গ্রহণ ।
চাও নাথে প্রেম-অন্ন আত্মার পোষণ ।
ত্রিসন্ধা করহ নিত্য তাঁর আরাধনা ।
তাঁর সহবাস কর একান্তে প্রার্থনা ॥

ভক্ত তাঁরে বলে সদা “ওহে দয়াময় !
তব প্রেমে মজে যেন আমার হৃদয় ।
দেখিতে তোমারে যেন পাই সর্বক্ষণ ।
তোমারে পাইরা ছই আনন্দে মগন ॥
কত যে তোমার প্রেম না পাই সন্ধান ।
করি যেন তোমা প্রতি বিন্দু প্রেম দান ॥
সময় ক্ষমতা মোর বল ইচ্ছা ধন ।
তোমার কাছেতে নব কর নিয়োজন ॥
তোমা ভিন্ন গতি নাই বুঝেছি বিশেষ ।
তুমি মোর তৃপ্তি-খনি, আনন্দ অশেষ ॥”
ইতি পঞ্চম ব্যাখ্যান সমাপ্ত ।

১৬ই পৌষের তত্ত্বকৌমুদী হইতে
উদ্ধৃত ।

ধর্ম্মোন্নতি ধার্মিকং ।

সতীত্বই সতীর কবচ-স্বরূপ । ওদ্বারাই তিনি
রক্ষিত হইয়া থাকেন । পবিত্র প্রণয় সতীর হৃদ-
য়কে এক্রূপে পূর্ণ করিয়া থাকে, যে সেই পবিত্রতাই
পাপীদিগকে তাহা হইতে দূরে রক্ষা করে । যে
প্রাণে সরল প্রেম থাকে তাহার ভাবই এ প্রকার
ভূতন হয়, তাহার মুখের মধ্যেই এমন এক প্রকার
সরলতার আভা থাকে, যে অতি নিকটচেতা
ব্যক্তিও তাহার সহিত মিশিয়া আপনার হৃদয়ের
অসামান্য প্রকাশ করিবার সুবিধা দেখিতে পায়
না । সতীর জীবনের পবিত্রতা দ্বারা সেই অসামান্য
ভাব লজ্জা প্রাপ্ত হয়, এবং আপনাপনি অন্তরে
বিলীন হইয়া যায় । ইহা কবিগণ বর্ণনা করিয়াছেন,
এবং আমরাও জনসমাজে নরনারীর ব্যবহারে
অনেকবার লক্ষ্য করিয়াছি ।

একগুণে জিজ্ঞাস্য এই সতীর কোন্ ভাবটী এত
হৃদয় ? কোন্টী দেখিয়া প্রাণ মুগ্ধ হয়, এবং
ভক্তি ও আদর উদয় হয় ? আমাদের বোধ হয়

তাহা অভিসন্ধির বিশুদ্ধতা । প্রকৃত প্রেম যে
অন্তরে বাস করিতেছে তাহাকে দেখিলে বোধ হয়
সংসারের দূষিত কামনা ও দূষিত কাহন্য বিশিষ্ট
লোক যে পথে সচরাচর চলিয়া থাকে, সে পুরুষ
বা রমণী যেন সে পথে চলিতেছে না । যে সকল
কৌশল, বা উপায় বা প্রলোভনের দ্বারা ছুট
লোকে তাহাদের চিত্র আকর্ষণ করিবে সে সকল
প্রলোভনের প্রতিও তাহাদের দৃষ্টি নাই, তাহাদের
হৃদয়-নিহিত স্বাভাবিক সামুত্তর এমন এক প্রকার
শক্তি, যে অপরের অসামান্যতা যেন তাহার নিকট
ভিত্তিতে পারিতেছে না ।

সতীত্ব যেমন সতীকে রক্ষা করিয়া থাকে, ধর্ম্মও
সেইরূপ এ জগতে ধার্মিককে রক্ষা করিয়া থাকেন ।
ধর্ম্মও কবচ-স্বরূপ হইয়া রিপু ও প্রলোভনপূর্ণ সং-
সারে তাহাকে নির্ভয়ে লইয়া যান । প্রকৃত সামুত্তর,
প্রকৃত প্রেম বাহাতে আছে তিনি অতিশয় প্রলো-
ভনময় স্থান সকল দিয়া গমন করেন, অথচ
সে সকল প্রলোভন তাহাকে স্পর্শ করিতে
পারে না ; বরং তাহার পদার্পণে অসামুত্তর অন্ধ-
কার যেখানে ছিল, সে স্থানে পুণ্যের আলোক
বিকীর্ণ হয়, যেখানে নরকের দুর্গন্ধ ছিল সেখানে
স্বর্গের সুবাসিত বহিতে থাকে । চিন্তা করিয়া
দেখিলে দুইটী হইবে, যে এখানেও সতীত্বের ন্যায়
অভিসন্ধির বিশুদ্ধতাই সর্বপ্রধান সৌন্দর্য্য । সতীর
মুখ দেখিলে যেমন মনে হয়, সে হৃদয় কোন প্রকার
কুটিল পথ জানে না, প্রকৃত ধার্মিকের মুখ দেখি-
লেও মনে হয়, যে তাহার মন প্রাণ পবিত্রস্বরূপের
চরণে সমর্পিত । প্রভুর অনুগত হওয়া ভিন্ন
তাঁহার অন্য লক্ষ্য নাই । তাঁহার ভাব ও আচরণের
বর্ণে বর্ণে পংক্তিতে পংক্তিতে সরল প্রেমের পরিচয়
প্রাপ্ত হওয়া যায় । পবিত্রস্বরূপের ইচ্ছাবীন হওয়া
ভিন্ন তিনি অন্য লক্ষ্য জানেন না, অন্য অভিসন্ধি
রাখেন না, অন্য বাসনা করেন না ; সুতরাং এক্রূপ
ব্যক্তিকে দেখিবামাত্র আমাদের মস্তক শ্রদ্ধাভরে
অবনত হয় । তাহাকে দেখিলে আমাদের অসামান্যতা
লজ্জা প্রাপ্ত হয়, তাহার সহবাসে থাকিয়া আমা-
দের সংসারাসক্ত ইন্দ্রিয়াসক্ত মনও উন্নত হয় ।
আমরা একতাব লইয়া হইাদের নিকট গমন করি
কিছু সে স্বর্গীয় সহবাসে অর্দ্ধ ঘণ্টা কাল থাকিয়া
উচিরা আসিবার সময় অনুভব করিতে থাকি যেন
পূর্বাপেক্ষা ভাল লোক হইয়াছি । যেন কে হৃদয়
মনকে পরিবর্তিত করিয়া স্বর্গের দিকে মুখ ক্রি-
য়া দিয়াছে । যেন কে মনকে লজ্জা দিয়া পবিত্র
বিষয়ের চিন্তাতে রত করিয়াছে ; যেন কে প্রাণে
প্রবিক্ত হইয়া প্রাণের গবাক্ষ প্রভৃতি খুলিয়া দিয়া
অন্তরের বহুদিনের সঞ্চিত দূষিত ভাব ও প্রবৃত্তি
সকলকে বাহির করিয়া স্বর্গের বিশুদ্ধ বায়ু

তুম্বো প্রবিল্ট করিয়াছে, কে যেন হঠাৎ পুণের
কুখ প্রবল করিয়া দিয়াছে! এই জন্যই তত্তের
মানুষের এত গুণ কীর্তন করিয়া থাকেন।

যাহাকে দেখিলে মনে হয় এ ব্যক্তি ঈশ্বরকে
চার আর কিছু চায় না, সেই মানুষ, সেই ধার্মিক।
এই অভিসন্ধির বিশুদ্ধতাই ধর্মরাজ্যের সর্বপ্রধান
সবল। ইহা যদি থাকে, তবেই মানুষ রক্ষিত হয়,
তবে আর কিছুই বড় অপ্রতুল থাকে না। আ-
মরা সময়ে সময়ে দেখিতে পাই লোকে অপূর্ণকে
আকৃষ্ট করিবার জন্য এবং দল বৃদ্ধি করিবার জন্য
নানা বাহিরের আড়ম্বর করে। কিন্তু সর্বদাই
দেখিতে পাই যেখানে এই অভিসন্ধির বিশুদ্ধতা
নাই সেখানে শত আড়ম্বরেও কিছু হয় না।
যেখানে আত্মভরিতা, বা প্রভুত্বপ্রিয়তা, বা বশো-
লিপনার যন্ত্রণা থাকে, সেখানে সহস্র উপায়
ব্যর্থ হইয়া যায়, সেখানে বিকা বুজিও বিশেষ
কার্যো লাগে না; কিন্তু যেখানে সরল প্রেম আছে
ঐকান্তিক আগ্রহ আছে, প্রাণগত ভাল হইবার
ইচ্ছা আছে, ঈশ্বরের উপর মন প্রাণের নির্ভর
আছে, যথা জ্ঞান চলিবার সংকল্প আছে, সেখানে
যদি আড়ম্বর না থাকে, বনবল বা লোকবল না
থাকে, তথাপি সেই দিকে জগতের অনুরাগ ও
ভক্তি আকৃষ্ট হয়। জগদীশ্বর করুন যেন এই মহৎ
বৃত্ত আমরা সর্বদা স্বরণ রাখিতে পারি। আর
কিছু পারি না পারি যেন মন প্রাণের সহিত সরল
ভাবে তাঁহারই অধীন হইবার জন্য আকাঙ্ক্ষা ক-
রিতে পারি। যদি এখন ভক্তি সহজে হীন হই
তত্ত্ববৎসল ভক্তি দিবেন, যদি দুর্বল হই তত্ত্ববৎসল
বল দিবেন, তিনি সকল অতার পূরণ করিবেন।
তিনি এই আশীর্বাদ করুন যেন তাঁহাকে লাভ
করা ও তাঁহার অনুগত হওয়া ভিন্ন অন্য আকাঙ্ক্ষা
আর না থাকে।

SERMONS OF THE VENERABLE Pradhan Acharya of the Brahmo Samaj

The sermons delivered from the Veda of
the Brahmo Samaj by the Venerable Pradhan
Acharya during the years of his active ministry
are the brightest jewels set in the literature of
the Samaj. These sermons were delivered in
that pure and excellent Bengali of which our
Venerable Leader is an unrivalled master. In-
quiries are frequently made about them from
various parts of the country and applications
for permission to translate them into the
vernaculars of the different provinces have not
also been wanting. In these circumstances
it is considered advisable to extend their
sphere of usefulness by rendering them into
English, which may now be fairly regarded
as the *lingua franca* of Indian thought.

These sermons, it is to the sincerely hoped
will be an active agent in furthering the work
of religious education, which our educated,
classes stand so much in need of—Ed T. B.
Patrika.

SERMON I.

11th Sravana, 1782 Sakabda.

তৎ বেদ্যং পুরুষং বেদ যথা মা বোম্বুহ্যঃ

পরিব্রাথঃ ॥ *

"Know that everlasting Being who is wor-
thy to be known and adorable of all, and take
refuge in Him, so that death may not afflict
you." Of all the calamities in this world
Death is the most terrible. The grim figure
of Death is ever present before us. The world
is but an image of Death. Here whatever is
born is subject to death; whatever grows
decays. The unsteady and fleeting things of
this world, and the everchanging vicissitudes
of life remind us only of death. How can we
be delivered from this fear and pain of death?
Everywhere is to be seen the image of death.
But we may become free from the fear of
death by taking refuge in Him who is Im-
mortality itself. In this world only is the fear
of death, but beyond it is that Eternal Mansion.
Here we are oppressed by such fears, but here
again we become fearless by taking refuge in
the Immortal. Strange! Living in the midst
of death we can know the Immortal Being!
Although we are very insignificant beings we
can still obtain the shelter of that King of
kings and God of gods. Living in the midst
of these multifarious events we are accom-
plishing His benevolent purposes. Many are the
quadrupeds, birds, aquatic animals and other
kinds of creatures that are here. They can-
not know their Creator and Preserver although
they are living happily through His mercy,
but they cannot feel it. They are performing
His work but without knowing it. Of man only
is the broad and high privilege that he can
consciously and willingly co-operate with His
benevolent purposes. Living amidst death
men only can attain to Immortality. Living
in this fearful place he only can take shelter
under the feet of the Lord, which alone can
deliver us from fear. He only can establish
relationship with Him. Being the offspring
of Immortality he becomes free from all fear
by depending on that Immortality. If we
depend upon God, a new life is born in us,
and our joy never dies. Our body and mind
may be distressed, we may fall into danger or
be afflicted by disease, but the joy of the spirit
never grows less. If we take refuge in that
Abode of Immortality, Death terrible as he is,
can frighten us no more.

* Literally, Know that Puruscia (Spirit)
who ought to be known, so that death may
not afflict you.

Therefore, living in this dreadful world, do not forsake thy God. “নাহ্য ব্রহ্ম নিরাকর্য্যং মা মা ব্রহ্ম নিরাকরোনিরাকরব্রহ্মতঃ।” “The Lord has not forsaken me, let me not forsake Him.” Let me not live, and forsake Him. Let us not forsake Him, from whom we have obtained all objects of enjoyment and all happiness, and who forgets us not—no, not even for a single moment. Consider for a while what our fate, would have been if He had forsaken us. Where would we have been? We would by this time, have met with destruction. কোহেবালাং কঃ প্রাণাং বদেব আকাশ আনন্দেন স্যাৎ। “Who could have moved, who could have breathed if the blissful God had not existed in all space and with us.” He awards joy to all. Shall we forsake Him, by whose love we have been reared up from the moment of our birth, and under whose protection we hope to live through all eternity? He is not forgetful of us; may we not forget Him; Let Him for ever remain unforsaken by us. Shall we forsake Him who is ceaselessly sending us righteousness, wealth and happiness? Is it an act worthy of a man? And why shall we forsake Him? Will that do us good? Have we not to suffer pain in this life, is there no danger or difficulty for us in this world, is not our body distressed, is not our mind cast down, that we can live without His protection? Is there no fear here that we shall not have to take shelter under those feet that deliver us from fear? Are there not sin and sorrow here that you will not take refuge in that Saviour of the fallen? Who will cool us when our heads burn with affliction? Who will give us courage when we become frightened in a world, beset with many causes of fear? It is only worldly infatuation that comes and estranges us from Him. Does good attend us on our forsaking Him? Without Him our virtuous acts become acts of selfishness, and our enjoyments evince ingratitude. Those who are here, listening to this sermon, must have come here in vain, if they only hear it and go away. What will it avail them, if they forget God on returning home? What is the use of their coming here, if their hearts be not elevated thereby, if their love of God be not kindled and if they do not remember Him when engaged in worldly pursuits? Have they come here only to recite holy texts in unison and listen to sermons? Have they not come hereto establish a stronger union with God? What have they done, if in prosperity they do not remember His mercy; when nourished by food and drink they do not remember the giver thereof? Separated from that fountain of purity, where will you get purity? Forsaking Him, who is the fountain of righteousness, how will you profess yourselves to be righteous? Abandoning that Abode of all good, how will you be worthy of the name of good men? Surrender

der yourselves to him from to-day, and you will receive new life this very day.

(To be continued)

Reverend

পঞ্চাশ বৎসর অতীত হইল মহাত্মা রামমোহন রায়ের সময় হইতে খ্রীষ্টক বিদ্য চন্দ্র চক্রবর্তী আদি ব্রাহ্ম সমাজে অতি নিপুণতার সহিত সঙ্গীত করিয়া আসিয়াছেন। তিনি এক্ষণে বাক্যক্য নিবন্ধন অবসর গ্রহণ করিয়াছেন। অতঃপর বাক্যেরা এইরূপ মধুর কণ্ঠে ব্রহ্মসঙ্গীত আর শুনিতে পাইবেন কি না সন্দেহ। বাহারা প্রকাশিত হইয়া উপাসনার যোগ দিয়া আসিয়াছেন তাঁহাদের মধ্যে প্রায় এমন কেহই নাই বিকুর মধুর সঙ্গীতে যত্নের অক্ষপাত না হইরাছে। বহু দিনের পর ব্রাহ্মসমাজে গায়কের একটা অভাব উপস্থিত হইল। পূরণ হইবে কি না ঈশ্বর জানেন। এক্ষণে ব্রহ্মসঙ্গীতের একান্ত অহরাগী কোন প্রব্দের ব্রাহ্ম বিদ্যুৎ অবদর গ্রহণে ব্যতিত হইয়া যে কএকটা কবিতা লিখিয়াছেন আমরা শ্রাব্যে নিম্নে তাহা প্রকাশ করিলাম।

কি গান গাহিলে বিকুর! কত কাল বরি,
ধন্য হলো কণ্ঠ তব গেয়ে সেই গান।
উঠায়েছ পরমার্থ ভাবের লহরী,
জুড়ায়েছ সবাকার ভূমি মনঃ প্রাণ ॥

গানের মুচ্ছ না তব কতই মধুর,
গলাত ফুটল অঁধি তোমার আলাপ।
কি আনন্দ গান তব নিরেছে প্রচুর,
চুটায়ছে কত শোক বিবাদ সঙ্গাপ ॥

“কত যে তোমার” ভূমি গাহিতে যখন,
হৃদয়ের তরী নবে দিত তাহে সার।
“জননী সন্মান” গেয়ে—করিতে যখন
জন্মীর গুণে—ভাবে কাদিতাম হার।


“নিরন্তর ভাব তাঁরে” তোমার বকনে,
অনুতাপে বিদ্ধ কিরা করিত অন্তর।
ভজিব কোথায় সদা সেই প্রিয় যনে
তাঁরে ছাড়ি রহিয়াছি কতই অন্তর।

জরা আসি বাধা দিল তোমার সঙ্গীতে।
যাও তবে বুদ্ধকালে কর সে আরাম।
গাহিলে বাঁহা নাম তিনি তব চিত্তে
ধাক্কা পুরাণ সদা তব মনকাম ॥

বিজ্ঞাপন।

আগামী ২১ ফাল্গুন রবিবার বর্তমান ব্রাহ্মসমাজের ত্রয়োবিংশ দাষত্মসিক উৎসব হইবে।

সংখ্য ১৯৩২। বঙ্গিগণ্ডাক-৪২০৩। ১ ফাল্গুন সোমবার।



তত্ত্ববোধিনী পত্রিকা

যজ্ঞবল্ক্যমিহমহাত্মানাম্ কিত্তনাদীশবিশ্বং সৰ্ব্বমবগমৎ । নদৈব দিল্ল'জ্ঞানমবগম' মিতং স্তনজ্ঞানিৎসবমসীকমবাহিতীয়ম্
সম্মান্যাদি মল্ল'নিহন্তু সৰ্ব্বাংসবগম'মিতং সৰ্ব্ব'সন্তানাদবগম'মিতং সৰ্ব্ব'মদমিতমিতমিদি । যজ্ঞবল্ক্য সন্তানাদবগম'মিতং
যজ্ঞবল্ক্যমিহমহাত্মানাম্ কিত্তনাদীশবিশ্বং সৰ্ব্বমবগমৎ । নদৈব দিল্ল'জ্ঞানমবগম' মিতং স্তনজ্ঞানিৎসবমসীকমবাহিতীয়ম্

ছান্দোগ্যোপনিষৎ ।

পঞ্চমপ্রপাঠকে চতুর্থাংশঃ ।

অন্যো বাব লোকোগোতমাগ্নিস্তমাদিত্য
এব সমিত্তম্ভোবোহুনাহরচিচ্চন্দ্রমা অঙ্গারা
নক্ষত্রাণি বিস্কুলিঙ্গাঃ ॥ ১ ॥

'অন্যো বাব লোকঃ' হে 'গোতম' 'অগ্নিঃ' 'তত্ত্ব'
অগ্নেহ্যালোকোবাক্ত 'আবিত্যঃ' এব 'সমিত্ত' তেন
কীদোহসৌ লোকোদীপ্যতে অতঃ সমিত্তনাং সমিত্তা-
দিত্যঃ । 'সমিত্তঃ' পূমঃ' তত্ত্বানাং । 'অহঃ' অগ্নিঃ'
প্রকাশনামাত্মাৎ । 'চন্দ্রমা অঙ্গারাঃ' অহঃ প্রেমমেহতি-
বাক্তঃ 'নক্ষত্রাণি বিস্কুলিঙ্গাঃ' চন্দ্রমসৌহবগবা ইব
বিশ্রবীপবসামাত্মাৎ ॥ ১ ॥

হে গোতম, ঐ দু্যলোক অগ্নি। সেই অগ্নির
আদিত্যই কাষ্ঠ। রশ্মি-সকল পূম। দিবা তাহার
জ্যোতি। চন্দ্রমা তাহার অঙ্গার এবং নক্ষত্র-
সকল তাহার বিস্কুলিঙ্গ ॥ ১ ॥

তস্মিন্নেতস্মিন্নগ্নৌ দেবাঃ শ্রদ্ধাং জুহ্বতি
তস্যা আহতেঃ সোমো রাজা সন্তবতি ॥ ২ ॥

'তস্মিন্ এতস্মিন্' যথোক্তলক্ষণে 'অগ্নৌ' 'দেবাঃ'
'শ্রদ্ধাং' অগ্নিঈদবভঃ 'জুহ্বতি' 'তস্যাঃ' আহতেঃ সোমঃ
সন্তবতি ॥ ২ ॥

সেই এই অগ্নিতে দেবতার শ্রদ্ধাকে আহুতি
দেন। সেই আহুতি হইতে সোমরাজা উৎপন্ন
হন ॥ ২ ॥

পঞ্চমোহধ্যায়ঃ ।

পর্জন্যোবাব গোতমাগ্নিস্তম্য বায়ুরেব
সমিদব্রং ধুমোবিদ্যদর্চিরশনিরঙ্গারাহ্রাতুনয়ো
বিস্কুলিঙ্গাঃ ॥ ১ ॥

'পর্জন্যঃ' বাব গোতমঃ 'অগ্নিঃ' পর্জন্যো নাম বৃষ্ট্যপ-
করণাভিম্যানীবেবতাবিশেষঃ । 'তস্য বায়ুঃ' এব 'সমিত্ত'
বায়ুনা হি পর্জন্যোহগ্নিঃ সমিত্তাতে । 'অত্রঃ' পূমঃ'
ধুমকার্যাদ্বাদুমবচ্চ লক্ষ্যাপহাৎ । 'বিদ্যৎ' অগ্নিঃ'
প্রকাশনামাত্মাৎ 'অশনিঃ' অঙ্গারাঃ' কাঠজ্যাৎ বিদ্যৎ-
সম্বদ্ধাৎ । 'হ্রাতুনবঃ' বিস্কুলিঙ্গাঃ' হ্রাতুনবোগজি-
জ্ঞাৎ ॥ ১ ॥

হে গোতম, পর্জন্য অগ্নি। সেই অগ্নির বায়ুই
কাষ্ঠ। মেঘ তাহার পূম। বিদ্যতেরা তাহার
জ্যোতি। অশনি তাহার অঙ্গার। মেঘনিমাদ
তাহার বিস্কুলিঙ্গ ॥ ১ ॥

তস্মিন্নেতস্মিন্নগ্নৌ দেবাঃ সোমং রাজানং
জুহ্বতি তস্যা আহতের্ববং সন্তবতি ॥ ২ ॥

'তস্মিন্ এতস্মিন্' অগ্নৌ দেবাঃ সোমং রাজানং
জুহ্বতি তস্যাঃ আহতেঃ ববং সন্তবতি ॥ ২ ॥

সেই এই অগ্নিতে দেবতার সোম রাজাকে
আহুতি দেন। সেই আহুতি হইতে বৃষ্টির উৎপত্তি
হয় ॥ ২ ॥

ষষ্ঠোহধ্যায়ঃ ।

পৃথিবী বাব গোতমাগ্নিস্তম্যঃ সন্ধ্যংসর-

এব সমিদাকাশোবৃষ্মোরাত্রির্দির্শোহদ্বারা-
অবাস্তরদিশোবিশ্কুলিঙ্গাঃ ॥ ১ ॥

‘পৃথিবী হাব গোতম অগ্নিঃ’ ‘তস্যঃ সৎসরঃ এব
সমিত্’ ‘আকাশঃ ধূমঃ’ ‘রাত্রিঃ অর্চিঃ’ ‘দিশঃ অদ্বারাঃ’
‘অবাস্তরদিশঃ বিশ্কুলিঙ্গাঃ’ ॥ ১ ॥

হে গোতম, পৃথিবী অগ্নি। সেই অগ্নির
সৎসরই কাষ্ঠ। আকাশ তাহার ধূম। রাত্রি
তাহার জ্যোতি। দিক-সকল অদ্বার এবং অবাস্তর
দিক-সকল তাহার বিশ্কুলিঙ্গ ॥ ১ ॥

তস্মিন্নেতস্মিন্নগৌ দেবাবর্ষং জুহ্বতি তস্যা
আহুতেরন্নং সম্ভবতি ॥ ২ ॥

‘তস্মিন্ এতস্মিন্ অগৌ দেবাঃ বর্ষং জুহ্বতি’ ‘তস্যঃ
আহুতেঃ অন্নং সম্ভবতি’ ॥ ২ ॥

সেই এই অগ্নিতে দেবতারা বর্ষিকে আহুতি
দেন। সেই আহুতি হইতে অন্নের উৎপত্তি
হয় ॥ ২ ॥

সপ্তমোহধ্যায়ঃ ।

পুরুষোবাব গোতমাগ্নিস্তস্য বাগেব সমিত্
প্রাণোধূমোজিহ্বাঅর্চিঃচক্ষুরদ্বারাঃ শ্রোত্রং
বিশ্কুলিঙ্গাঃ ॥ ১ ॥

‘পুরুষঃ বাব গোতম অগ্নিঃ’ ‘তস্য বাক এব সমিত্’
‘প্রাণঃ ধূমঃ’ ‘জিহ্বা অর্চিঃ’ ‘চক্ষুঃ অদ্বারাঃ’ ‘শ্রোত্রং
বিশ্কুলিঙ্গাঃ’ ॥ ১ ॥

হে গোতম, পুরুষ অগ্নি। বাক্যই তাহার কাষ্ঠ।
প্রাণ ধূম। জিহ্বা তাহার জ্যোতি। চক্ষু অদ্বার
এবং শ্রোত্র তাহার বিশ্কুলিঙ্গ ॥ ১ ॥

তস্মিন্নেতস্মিন্নগৌ দেবা অন্নং জুহ্বতি
তস্যা আহুতেরেতঃ সম্ভবতি ॥ ২ ॥

‘তস্মিন্ এতস্মিন্ অগৌ দেবাঃ অন্নং জুহ্বতি’ ‘তস্যঃ
আহুতেঃ রেতঃ সম্ভবতি’ ॥ ২ ॥

সেই এই অগ্নিতে দেবতারা অন্মকে আহুতি
দেন। সেই আহুতি হইতে রেত উৎপন্ন হয় ॥ ২ ॥

অষ্টমোহধ্যায়ঃ ।

ঘোষা বাব গোতমাগ্নিস্তস্য উপস্থ এব
সমিত্যুপনস্ত্রযতে স ধূমোযোনির্চির্বদন্তঃ
করোতি তেহদ্বারা অভিনন্দা বিশ্কুলিঙ্গাঃ ॥ ১ ॥

‘ঘোষা বাব গোতম অগ্নিঃ’ ‘তস্যঃ উপস্থঃ এব
সমিত্’ তেন না পুত্রাত্মপাদনার সমিধ্যতে। ‘যৎ
উপনস্ত্রযতে সঃ ধূমঃ’ দ্রীসন্তবাহুপমজস্য। ‘যোনিঃ
অর্চিঃ’ লোহিতত্বাৎ। ‘যৎ অন্তঃ করোতি তে অদ্বারাঃ’
অগ্নিসদৃশত্বাৎ। ‘অভিনন্দাঃ’ কথগবাঃ ‘বিশ্কুলিঙ্গাঃ’
জুহ্বনত্বাৎ ॥ ১ ॥

হে গোতম, ত্রী অগ্নি। তাহার উপস্থই কাষ্ঠ।
সে যে মন্ত্রণা করে তাহা ধূম। যোনি তাহার
জ্যোতি। যে “অন্তঃ” করে তাহা অদ্বার।
তাহাতে যে আনন্দ হয় তাহা বিশ্কুলিঙ্গ ॥ ১ ॥

তস্মিন্নেতস্মিন্নগৌ দেবা রেতোজুহ্বতি
তস্যা আহুতের্গর্ভঃ সম্ভবতি ॥ ২ ॥

‘তস্মিন্ এতস্মিন্ অগৌ দেবাঃ রেতঃ জুহ্বতি’ ‘তস্যঃ
আহুতেঃ গর্ভঃ সম্ভবতি’ ॥ ২ ॥

সেই এই অগ্নিতে দেবতারা রেতকে আহুতি
দেন। সেই আহুতি হইতে গর্ভ উৎপন্ন হয় ॥ ২ ॥

নবমোহধ্যায়ঃ ।

ইতি তু পঞ্চম্যামাহুতাবাপঃ পুরুষবচনো
ভবন্তীতি স উদ্বারতোগর্ভোদশ বা মানানন্তঃ
পরিভা যাবদ্বাথ জায়তে ॥ ১ ॥

‘ইতি তু’ এরন্ত ‘পঞ্চম্যাম্’ আহুতৌ আপঃ পুরুষঃ
বচনঃ ভবন্তি ইতি ‘সঃ গর্ভঃ’ অপাং পঞ্চমঃ পরিণাম-
বিশেষঃ। ‘উদ্বারতঃ’ উল্লেম্ অগ্নাবুণা আবৃতঃ বেষ্টিতঃ
‘দশঃ বা’ নব বা ‘মানান্’ ‘অন্তঃ’ মাতুঃ কৃকৌ ‘শরিভা’
‘যাবৎ বা’ যাবতঃ কালেন নুনেমাতিরিভেন। ‘অথ’
অনন্তরং ‘জায়তে’ ॥ ১ ॥

এই প্রকারে পঞ্চম-আহুত জল পুরুষ নামে
বাচ্য হয়। সেই জরায়ু-পরিবেষ্টিত গর্ভ দশ মাস
বা ন্যূনাতিরিক্ত কাল গর্ভে শরন করিয়া তাহার
পরে জন্মগ্রহণ করে ॥ ১ ॥

সজাতোযাবদায়ুঃ জীবতি তৎ প্রেতং
দিষ্টমিতোহগ্নয় এব হরন্তি যত এবৈতো যতঃ
সম্ভূতোভবতি ॥ ২ ॥

‘সঃ জাতঃ’ ‘যাবৎ আয়ুঃ’ জীবৎ ‘জীবতি’ ‘তৎ’
কীণায়ুঃ ‘প্রেতং’ মৃতং ‘দিষ্টং’ কথ্যণা নির্দিষ্টং পূজ-
লোকং প্রেতি। ‘ইতঃ’ অন্ম্যং গ্রাম্যং ‘অগ্নয়ে এব’
‘হরন্তি’ পুত্রা অভ্যকন্মাণঃ ‘যতঃ এব ইতঃ’ আগতোহগ্নেঃ

সকল। 'যত্ন' চ পঞ্চভাঃ অগ্নিভাঃ 'সন্তুঃ' উৎপন্নঃ 'ভবতি' ভগ্নাভাবগ্গে হরন্তি ॥ ২ ॥

সেই জাত ব্যক্তি যাবৎ আয়ু জীবিত থাকে। তাহার পরে নির্দিষ্ট সময়ে তাহার মৃত্যু হইলে তাকে বাটা হইতে অগ্নির নিকট লইয়া যায় যে-হেতু সে অগ্নি হইতে আসিয়াছে, যেহেতু সে অগ্নি হইতে জন্মগ্রহণ করিয়াছে ॥ ২ ॥

দেবগৃহে সাময়িক ব্রহ্মো- পাসনা কালীন বক্তৃতা।

১১ মার্চ, আশ্বিন ১৩৭৫।

কোন গৃহস্থের নিকট কোন সম্যাসী আসিয়া বলিল যে আমি স্পর্শমণি প্রস্তুত করিতে পারি, যে সকল উপকরণে উহা প্রস্তুত করিতে হইবে তাহার ব্যয় এত, তুমি যদি আমাকে সে ব্যয় দেও তাহা হইলে তোমার বাড়িতে কিছু দিন অবস্থিতি করিয়া আমি তাহা প্রস্তুত করিয়া দিই। সরলচিত্ত গৃহস্থ তাহাকে ঐ টাকা দিল। সম্যাসী তাহার গৃহে অবস্থিতি করিয়া, স্পর্শমণি প্রস্তুত করিবার জন্য যে রাসায়নিক প্রক্রিয়া আবশ্যক সেই প্রক্রিয়ার উপযোগী দ্রব্য সকল সংগ্রহ করিয়া স্পর্শমণি প্রস্তুত করিতে প্রবৃত্ত হইল। এক দিন গৃহস্থ প্রাতঃকালে উঠিয়া দেখে যে সম্যাসী পলায়ন করিয়াছে। গৃহস্থ প্রতারিত হইল কিন্তু স্পর্শমণি লাভের ইচ্ছা তাহার মন হইতে অন্তর্হিত হইল না। তাহার পর শুনিল যে অমুক যোগী অমুক পর্বতের উপর যোগ সাধন করিতেছেন। তিনি উহা প্রস্তুত করিবার প্রক্রিয়া জানেন। সেই যোগীর নিকট উপস্থিত হইয়া যখন তাঁহার সমাধি ভঙ্গ হইল তখন তাঁহাকে অনেক অনুনয় বিনয় করিয়া স্পর্শমণি কিরূপে লাভ হইতে পারে তাহার তত্ত্ব জিজ্ঞাসা করিল। যোগী ঐবিধয়ে বাহা জানিতেন তাহা বলিয়া দিলেন কিন্তু তাঁহার কথানুসারে কার্য

করিয়া গৃহস্থ কৃতকার্য হইল না। এইরূপে যোগীর পর যোগীর উপাসনা করিয়া স্পর্শমণি লাভে কৃতকার্য না হওয়াতে গৃহস্থ অতি বিষন্ন হইল এবং স্পর্শমণি লাভে নিরাশ হইল। তৎপরে সে শুনিল যে অমুক পর্বতে একটি পরম যোগী আছেন তিনি স্পর্শমণির তত্ত্ব সকল আপেক্ষা বিশেষরূপে পরিজ্ঞাত আছেন। তাহার নিকট উপস্থিত হইয়া যখন সে আপনার আকাঙ্ক্ষা জ্ঞাপন করিল তখন তিনি বলিলেন 'রে মূঢ়! তুই স্পর্শমণি লাভের জন্য ইতস্ততঃ ভ্রমণ করিতে ছিস, কিন্তু স্পর্শমণি তোমার নিজের গৃহেই যে রহিয়াছে। যা! তোমার গৃহের অমুক অলঙ্কিত কোণে অনুসন্ধান করগে, তথায় আবর্জনার মধ্যে স্পর্শমণি পাইয়া কৃতার্থ হইবি।'

এই আখ্যায়িকার অর্থ কি? এই আখ্যায়িকার অর্থ এই যে আত্মরূপ গৃহের অলঙ্কিত কোণে নিকৃষ্ট প্রযুক্তিরূপ আবর্জনা-মধ্যে ধর্ম-প্রযুক্তিরূপ স্পর্শমণি আছে; মানুষ সেই অনুন্ম কোণের কোন সম্বাদ লয় না কিন্তু সেই কোণেই প্রকৃত স্পর্শমণি রহিয়াছে। আমরা কল্পিত স্পর্শমণির জন্য ইতস্ততঃ ভ্রমণ করিয়া বেড়াই; প্রকৃত স্পর্শমণি যে আমাদের অতি নিকটে রহিয়াছে তাহা লক্ষ্য করি না। স্পর্শমণি আমাদের অতি নিকটে রহিয়াছে কিন্তু কোল-আঁধারে আমরা ঘুরিয়া বেড়াইতেছি, তাহার বিদ্যমানতা অনুভব করিতে পারিতেছি না।

স্পর্শমণি যেমন ইতর ধাতুকে ছোঁয়াইয়া দিলে তাহা স্ফর্ণেতে পরিণত হয় তেমনি বস্তুরূপ স্পর্শমণি জীবনের সকল সম্বন্ধে ছোঁয়াইয়া দিলে সেই সকল সামান্য সম্বন্ধ অতি পরিভ্রা, উন্নত ও মহৎ বেশ ধারণ করে। ইতর ধাতুতে স্পর্শমণি ছোঁয়াইয়া দিলে তাহা যেমন সকল আপেক্ষা মহৎ ধাতু

স্বর্ণেতে পরিণত হয়, তেমনি জীবনের সামান্য সম্বন্ধ সকলে ধর্মরূপ স্পর্শমণি ছোঁয়াইয়া দিলে তাহা যার পর নাই পবিত্র উন্নত ও মহৎ বেশ ধারণ করে। এই স্পর্শমণি গার্হস্থ্য সম্বন্ধে ছোঁয়াইয়া দেও তাহা যার পর নাই পবিত্র উন্নত ও মহৎ বেশ ধারণ করিবে। গৃহই ধর্মসাধনের প্রধান ক্ষেত্র। ভীক ক্ষত্রিয়ের ন্যায় সংসার-সংগ্রাম হইতে বনে পলায়ন করিয়া ধর্মসাধন করা অতি সহজ, কিন্তু সংসারে থাকিয়া ধর্মসাধন করা অতিকঠিন। ব্রাহ্মধর্ম এই উপদেশ দিতেছেন যে সংসারে থাকিয়াই ধর্মসাধন করিবে। গৃহ ধর্মসাধনের প্রধান ক্ষেত্র এইটি মনে করিলে গৃহ কি পবিত্র বস্তু বোধ হয়। তখন গৃহ সম্বন্ধীয় সকল কর্তব্য কর্ম কেমন এক নবীন মনোহর বেশে আমাদের নিকট দেখা দেয়। তখন দাম্পত্য সম্বন্ধ কি মনোহর বলিয়া জ্ঞান হয়। দুইটি আত্মা আমরা একত্রে বস্তু করিয়া সেই অমৃত নিকেতনের দিকে ধাবিত হইতেছি ইহা মনে করিলে দাম্পত্য সম্বন্ধের গুরুত্ব তখন আমরা বিলক্ষণ অনুভব করি। একপ মনের অবস্থা হইলে কন্যা কি পুত্রকে ঈশ্বর-দত্ত-নিধি জ্ঞান হইয়া তাহার ঐহিক ও পারত্রিক মঙ্গল সাধনে আমরা কি আগ্রহের সহিত বস্তু করি। ধর্মরূপ স্পর্শমণি প্রতিবাসীর সাহায্য সম্বন্ধে ছোঁয়াইয়া দিলে সেই সম্বন্ধ কি সুখের আকর বোধ হয়। তখন প্রতিবাসীর উপকার সাধন করিতে কত উৎসাহ হয়। তখন ঐ সম্বন্ধ কি পবিত্র ও মহৎ বলিয়া বোধ হয়। বন্ধুর সহিত সম্বন্ধে ধর্মরূপ স্পর্শমণি ছোঁয়াইয়া দিলে তাহা কি মহৎ বেশ ধারণ করে। ধর্মোৎপাদ্য বন্ধুতার ন্যায় সুখের আকর আর জগতে নাই। আমরা উভয়ে নেই প্রিয়তম ঈশ্বরের উপাসক, ইহা মনে করিয়া বন্ধুতাবন্ধন কি দৃঢ় হয়। একপ

বন্ধুতাকে কোন ঈর্ষা জন্মিতে পারে না। যত লোক ঈশ্বরকে ভাল বাসুক না কেন, তাহাতে ঈর্ষা উপস্থিত না হইয়া, বরং আনন্দের সঞ্চার হয়। ধর্মরূপ স্পর্শমণি বন্ধুতা সম্বন্ধে ছোঁয়াইয়া দিলে তাহা বন্ধুর দোষ ক্ষমা করিতে আমাদেরকে কতই না উৎসুক করে। ধর্মরূপ স্পর্শমণি স্বদেশ-প্রেমে ছোঁয়াইয়া দিলে তাহা কি উন্নত ও মহৎ বেশ ধারণ করে। আমি স্বীকার করি যে নাস্তিক ও সংশয়বাদীরা প্রবৃত্ত স্বদেশ-প্রেমী হইতে পারেন কিন্তু ধর্মভাব যেমন স্বদেশপ্রেমীকে স্বদেশের হিতসাধন জন্য কষ্ট সহ্য করিতে পারণ করে এমন আর কিছুতেই করিতে পারে না। বত যত ভুবন-বিখ্যাত স্বদেশপ্রেমী মহাত্মা হইয়া গিয়াছেন তাঁহারা প্রায় সকলেই ধার্মিক ব্যক্তি ছিলেন। ধর্ম যেমন স্বদেশের জন্য শোণিত দিতে, স্বদেশের জন্য প্রাণ সমর্পণ করিতে সমুৎসুক করে এমন আর অন্য কিছুই নহে। ধর্মরূপ স্পর্শমণি সমস্ত মনুষ্যের সহিত বিশ্বজনীন সম্বন্ধে ছোঁয়াইয়া দিলে সে সম্বন্ধ কি মহৎ বোধ হয় তাহা বলা যায় না। তখন সমস্ত পৃথিবীকে গৃহ জ্ঞান হয় ও সমস্ত মনুষ্য সেই পরম পিতার সন্তান বলিয়া ভ্রাতৃত্বরূপ বোধ হয়। তখন মনুষ্যবর্গের উপকার সাধন করিতে কি উৎসাহ জন্মে। তখন স্বদেশীয় ও বিদেশীয় বলিয়া জ্ঞান থাকে না, লোক পাইলেই তাহার উপকার করিতে ইচ্ছা হয়। ধর্মরূপ স্পর্শমণি সাধারণতঃ মানব জীবনে ছোঁয়াইয়া দিলে মানব জীবনের দুঃখ কষ্ট, দুঃখ কষ্ট বলিয়া বোধ হয় না, তখন দুঃখকে ছদ্মবেশধারী সুখ বলিয়া প্রতীতি হয়, তখন এই পৃথিবীকে একটি ক্ষুদ্র স্বর্গ বলিয়া জ্ঞান হয়, তখন এই সামান্য সূর্যের কিরণ এক অভূত-পূর্ব রমণীয় বেশ ধারণ করে। তখন বোধ

হয় জীবনের আর শেষ হইবে না, তখন নিশ্চয় রূপে জ্ঞান হয় ঈশ্বর তাঁহার ভক্তকে কখন বিনাশ করিবেন না, তাঁহার সহিত এখানে যে প্রীতি-সম্বন্ধ নিবদ্ধ হইল তাহা অনন্ত কাল চলিয়া যাইবে, তাহার আর শেষ নাই, তাহা বরং উত্তরোত্তর উন্নত হইয়া ক্রমশঃ অপার সুখের কারণ হইবে। ধর্মরূপ স্পর্শমণি এই অধম জীবনে ছোঁয়াইয়া দিলে বোধ হয় যে ইহা অনন্ত জীবনের দ্বার মাত্র, সেই অনন্ত জীবনে কত স্বর্গের পর স্বর্গ আমাদের জন্য সঞ্চিত রহিয়াছে তাহা বলা যায় না। ধর্মরূপ স্পর্শমণি সামান্য বস্তুকে কি মহৎ বস্তুতে পরিণত করে তাহার একটি সামান্য দৃষ্টান্ত দেখ। উৎসব কি সামান্য পদার্থ! পুত্র হইলে লোকে উৎসব করে, বিবাহের সময় লোকে উৎসব করে, শোণিত-পিপাসু সেনাপতি জয় লাভ করিয়া দেশে প্রতাগমন করিলে লোকে উৎসব করে, প্রজাপীড়ক রাজা নগরে আগমন করিলেও লোকে উৎসব করে। এই ত উৎসব পদার্থ! অতি পার্থিব! অতি সামান্য! কিন্তু ধর্মরূপ স্পর্শমণি উহাতে ছোঁয়াইয়া দিলে উহা যে কেমন মহৎ বেশ ধারণ করে তাহা বলা যায় না। আমরা এখানে যে কয়েক ব্যক্তি এই উৎসব-ক্ষেত্রে উপস্থিত আছি আমরা সকলেই সেই প্রিয়তম ঈশ্বরের উপাসক উহা মনে করিয়া আমাদের আনন্দ কিরূপ বর্দ্ধিত হয় তাহা বলা যায় না। যেমন শত শত কাচময় পদার্থে এক প্রদীপের আলোক প্রতিফলিত হইলে পরস্পরের আলোক পরস্পর বৃদ্ধি করিয়া এক মহান আলোক উৎপাদন করে তেমনি অদ্য আমাদের পরস্পরের আনন্দ পরস্পরকে বর্দ্ধন করিয়া একটি মহান পবিত্র আনন্দ উৎপাদন করিতেছে, সেই মহান আনন্দ-রূপ সমুদ্রের অতি উচ্চ

তরঙ্গ সেই ঈশ্বরের দিকেই উল্লসন করিতেছে।

হে পরমাত্মন! তুমিই আমাদের প্রকৃত স্পর্শমণি, তুমি দরিত্রের স্পর্শমণি, তোমাকে পাইয়া ত আমাদের কিছুই অভাব বোধ হয় না। তুমি থাক, আর আমাদের যাহা কিছু বিষয় বিভব আছে তাহা সকলই যাউক তাহাতে ক্ষতি নাই। তুমি আমাদের গৃহে চিরকাল অবস্থান করিও, তাহা হইলে আমাদের সকল অভাব দূরীকৃত হইবে। হে বিপদের কাণ্ডারী! যখন বিপদ উপস্থিত হয় তখন যেন আমরা ত্রজ্ঞানন্দে নিমগ্ন থাকি যেহেতু এই ত্রজ্ঞানন্দ-রূপ স্পর্শমণি বিপদকে সম্পদে পরিণত করে। কৃচ্ছ্র সময়ে যেন আমাদের আনন্দ আরো উজ্জ্বল বেশ ধারণ করে এই তোমার নিকট আমাদের প্রার্থনা।

ওঁ একমেবাষিষ্ঠীয়াং।

বর্দ্ধমান ত্রয়োবিংশ সাংবৎসরিক ব্রাহ্মসমাজ।

১৮০৪ শক। ২১ কাশ্বিন রবিবার।

আম্মার কি দুর্নিবার্য ক্ষুৎপিপাসা, কি চুরতিক্রমণীয় পরাক্রম! এই অধোলোকে আম্মার জন্ম, কিন্তু উদ্ধ' হইতে উদ্ধ'তন লোক সকল তাহার গমাভূমি। নিম্নে এই ধরাতল, তাহার অন্নপান সমূহের অধঃপতনের পথ অবরুদ্ধ করিয়া রাখিয়াছে, উপরে জ্বলন্ত সূর্য্য, ভূমণ্ডল আচ্ছন্ন করিয়া তৎসমূহের উর্দ্ধগমনের সোপান অবরোধ করিয়া রাখিয়াছে। দুস্তর মহানমুদ্র, পৃথিবীকে বলায়াকারে বেষ্টন করত মনুষ্যের ভোজ্যপানীয় অপহরণ-দ্বার বোধ করিয়া অবস্থান করিতেছে। এদিকে ঋতুভেদে ভূমণ্ডল পর্যায়ক্রমে অশেষবিধ অন্নপান তাহার সম্মুখে

ধারণ করিতেছে, কিন্তু মনুষ্যের এমনই দুর্নিবার্য ক্ষুৎপিপাসা যে, সে তৎসমূহ উদর-সাৎ করিয়াও পরিতৃপ্ত হইতেছে না। শরীরের ক্ষুৎপিপাসা নিবারণ জন্য মনুষ্য, এই অপখ্যাপ্ত অন্নপানগ্রহণ করে, আবার কিয়ৎকাল পরেই ক্ষুধায় আকুল, তৃষ্ণায় অস্থির হইয়া ভোজ্যপান সংগ্রহের জন্য উন্মত্ত হইয়া পরিত্রমণ করিয়া থাকে। মনুষ্য পৃথিবীর অতি ক্ষুদ্রাংশ স্থান অধিকার করিয়া অবস্থান করিতেছে, অবশিষ্ট বহু আয়তন জল-স্থল, পর্বত-অরণ্য হইতে অবিশ্রামে দিবারাত্রি তাহার ক্ষুধার অন্ন তৃষ্ণার জল আহরিত হইলেও এককালে তাহার ক্ষুৎপিপাসা শান্তি হইতেছে না। বালক বৃদ্ধ যুবা সকলেই ক্ষুধা তৃষ্ণাতে আকুল। মনুষ্যের যে পার্থিব নশ্বর শরীর, অধিক হয়ত শতবর্ষই পৃথ্বীতলে অবস্থান করিবেক; যখন অশেষ ভুভাণ্ডার তাহার অভাব মোচন করিতে পারে না, তখন তাহার যে অবিদ্যার আত্মা চিরকাল—অনন্তকাল জীবিত থাকিয়া ক্রমাগত উন্নতির উপর উন্নতি লাভ করিবে, তাহার সেই চির-উপযোগী—চিরতৃপ্তিকর অন্নপান এখানে কোথায় বর্তমান? পৃথিবীতে বিবিধ রসযুক্ত নানা প্রকার ফল মূল শস্যাদি উৎপাদিত হইতেছে, মনুষ্যের তন্মধ্যে কখন একটির প্রতি বিশেষ আসক্তি, অপরটির প্রতি বিরাগ; কোনটি লাভ করিবার জন্য বিশেষ আগ্রহ, কোনটির প্রতি তাহার বিতৃষ্ণা দৃষ্ট হয়। অদ্য যেটি তাহার পক্ষে বিশেষ তৃপ্তি-প্রদ, কল্য আবার সেইটিই অতৃপ্তিকর বলিয়া পরিভ্রান্ত হইয়া থাকে। জড়-শরীর-পোষণ বিষয়েই যখন তাহার অতৃপ্তি-জনিত এইরূপ রুচি-বৈচিত্র্য—ইচ্ছা-বৈপরীত্য দৃষ্ট হয়, তখন তাহার মনের ক্ষুধা নিবারণ বিষয়েও যে ঐরূপ প্রবৃত্তি-বৈষম্য থাকিবে, তাহার আর মনেহ কি?

অজস্র ফল-মূল-শস্য যেমন মনুষ্যের শারীরিক ক্ষুৎপিপাসা এককালে নিবারণ করিতে পারে না, তেমনই বিচিত্র বিষয়-সুখ ও ইন্দ্রিয়-সুখও তাহাকে চিরতৃপ্তি দানে সমর্থ হয় না। ইন্দ্রিয়-দ্বারা দিয়া দিবারাত্রি সুখ-রস অঘাটিকরূপে তাহার অন্তর-প্রবিষ্ট হইতেছে, কিন্তু সে একাকী তাহা সন্তোষ করিয়াও তৃপ্তিলাভ করে না। বিবিধ ভোগ-ঐর্ষ্যেও তাহার দুর্নিবার্য তৃষ্ণা নিবারণ হয় না। সমাগরা সখীপা পৃথিবীর অধীশ্বর হইলেও তাহার হৃদয়ে তৃপ্তি নাই—শান্তি নাই—আরাম নাই। মধুকর যেমন মধু-লোভে পুষ্প হইতে পুষ্পান্তরে ভ্রমণ করিয়া থাকে, মনুষ্যও সেইরূপ বিষয় হইতে বিষয়ান্তরে ধাবিত হইতেছে। সুখ-লাভের জন্য দিনযামিনী তাহার আর বিরাম নাই—বিশ্রাম নাই; আহরণ অব্যবধায়েও ইয়রা নাই। সে যদি পার্থিব অন্নপান-জনিত সুখের প্রার্থী হইত; বিষয়-সুখ ও ইন্দ্রিয়-সুখ যদি তাহার নর্কস হইত, তাহা হইলে সে পশুর ন্যায় ভূমণ্ডলের প্রতিই অধোমুখ হইয়া থাকিত। কুসুমদল-প্রবিষ্ট মুগ্ধ মধু-মক্ষিকার ন্যায় সে বিষয়ের কীট হইয়াই অবস্থান করিত। সে পশু-ভোগা সুখের একান্ত অভিলাষী নয় বলিয়াই উন্নত মস্তকে অবস্থান করিতেছে। সে মহরর উচ্চতর সুখের জন্য তৃষ্ণাতুর বলিয়াই—সেই দুর্নিবার্য পিপাসা শান্তির নিমিত্ত কেবল সম্মুখেই দৃষ্টিপাত করিতেছে। নবপ্রসূত শিশু জরায়ু-অঙ্ককার হইতে বিমুক্ত হইয়া ভূপৃষ্ঠে পদার্পণ পূর্বক যেমন প্রথমে উর্ব্বদিকে চক্ষু উন্মীলন করে, তেমনই সংসার-স্রুখে ভুক্তভোগী আত্মাও অশান্তি ও অতৃপ্তি নিবন্ধন নিরাশ ও হতাশ হইয়া কেবল জ্যোতির্ময় উন্নত ধামের প্রতিই দৃষ্টিপাত করিয়া থাকে। পক্ষি-শাবকের যতদিন পক্ষপট

নির্গত না হয়, ততদিনই যেমন সে সংকীর্ণ কুলায় মধ্যে বিমুক্ত হইয়া অবস্থান করে; পক্ষবয়-শোভিত ও সবল হইলেই যেমন সে মুক্ত বাবুতে সম্মত করিবার জন্য আকাশ-পথে উদ্ভ্রান হয়, সমুদ্রেরও সেইরূপ যতদিন না শরীর সবল, মন মতেজ, এবং আত্মার বৃত্তি প্রবৃত্তি প্রস্ফুটিত হয়, ততদিনই সে পৃথিবীকে আলিঙ্গন করিয়া থাকে। পার্থিব বস্তুতেই তাহার অনুরাগ ও আসক্তি দৃষ্ট হয়। যত তাহার মানসিক বল বৃদ্ধি পায়, ততই সে ধরণি-বক্ষে দণ্ডায়মান হইয়া সুখ-পিপাসায় উত্তেজিত হওত ইন্দ্রিয়-গ্রাহ্য বিষয়-সুখ প্রভৃতির সাদ গ্রহণে প্রবৃত্ত হয়। পদার্থ হইতে অন্য পদার্থে, বিষয় হইতে বিষয়ান্তরে, এইরূপে যখন সে পার্থিব-সুখে নিরাশ হয়, তখনই তাহার আত্মা বিহ্বলের ন্যায় সেই শুদ্ধ-বুদ্ধ-মুক্ত স্বরূপের দিকে ধাবিত হইয়া থাকে। তখনই সে এই মলিন ও নিস্ত্রাভ ভূমণ্ডলে অবস্থান করিয়াও সেই জ্যোতির্ময় উন্নত ধামের প্রতি দৃষ্টি করিতে থাকে। তখন সে আর পশ্চাতে দৃষ্টি করে না, তাহার দৃষ্টি তখন সম্মুখে—তাহার গতি তখন অগ্রেই। পৃথিবীতে উপর্যুপরি এক-বিধ সুখ, এক প্রকার আনন্দ একাদিক্রমে সমভোগ করিয়া প্রার্থিত সুখলাভে নিরাশ হইয়া, সেই ভুক্তভোগী আত্মা উচ্চৈঃস্বরে বলিতে থাকে

“মোরে ভূমা ভৎসুখং নায়ে সুখমস্তি”

ক্ষুদ্র পদার্থে সুখ নাই, বিনি ভূমা, বিনি মহান্ তিনি সুখস্বরূপ। নমুয়া হইতে পৃথিবী যতই কেন আকার—আয়তনে বৃহত্তর ও মহত্তর হউক না, আত্মার ক্ষুধা তৃষ্ণা শান্তির পক্ষে ইহা অতি ক্ষুদ্র পদার্থ। এখানকার সুখ-মাগর আত্মার বিহার-বিচরণ পক্ষে অতীব অগভীর—নিতান্ত সঙ্কীর্ণ। যতদিন নরদেহ সংরচন-অবস্থায় অবস্থান করে, ততদিনই,

যেমন জননী-জরায়ু তাহার প্রকৃত অবস্থান-ভূমি, পুষ্ট পোষিত হইলেই সে যেমন সেই সঙ্কীর্ণ স্থান তেদকরিয়া ধরাপৃষ্ঠে অবতীর্ণ হয়; তেমনই যতকাল না আত্মা উত্তেজ ও বর্দ্ধিত হয়, ততদিনই পৃথিবী তাহার উপযুক্ত স্থান। একবার তাহার চক্ষু উন্মীলিত হইলে—এক-বার তাহার দুর্নিবার্য সুখতৃষ্ণার উদ্রেক হইলে, দম্ববিশিষ্ট শিশু যেমন আর নিরবচ্ছিন্ন স্তন-দুগ্ধে পোষিত হইতে ইচ্ছা করে না—সে অনাবিধ পুষ্টিকর ভোজ্য পানীয়ের জন্য চিৎকার করে; আত্মাও সেইরূপ এখানে যত দ্রুতি বর্দ্ধিত হয়—তাহার আশা অধিকার যত বর্দ্ধিত হইতে থাকে, ততই সে পরীক্ষাতে পার্থিব-সুখের সঙ্কীর্ণতা অসারত্ব অনুভব করিয়া নবতর কল্যাণতর অন্ন—নিশ্চলতর পরিভ্রমতর পানীয় লাভের জন্য উত্তেজিত হয়। তখন তাহার সেই দুর্নিবার্য ক্ষুধা-পিপাসা নিবারণের যত্নে চেষ্টা হইতে কেহই তাহাকে নিবৃত্ত করিতে পারে না। সে তখন মাতা বস্তুন্ধরার নিবেদন-নিবারণে দৃক-পাতও করে না। তাহার নিকট হইতে প্রলোভনীয় পদার্থ সকল মুহূর্ত্তে উপহার প্রাপ্ত হইয়াও সে আর তাহাতে মুগ্ধ বা মোহিত হয় না। তাহার দৃষ্টি তখন মহানের প্রতি—সেই ভূমারই প্রতি নিপতিত হয়। তখন সে প্রতি নিখাদে সেই অনন্ত-সুখ-প্রস্রবণের নবতর কল্যাণতর বারি পান করিবার জন্য ধাবিত হইতে থাকে। তখন সে সেই অমৃতবারির আবাদ প্রাপ্ত হইয়া বলিতে থাকে

“রপোঽৈব সঃ। রসং হোবাং ন ব্ৰহ্মানন্দী ভবতি।”

“সেই পরমাত্মা রস-স্বরূপ তৃপ্তিহেতু। সেই রস-স্বরূপ পরব্রহ্মকে লাভ করিয়া জীব আনন্দিত হইলেন।” সংসার-সুখে তৃপ্তি নাই, তাহা পরীক্ষাতেই প্রত্যক্ষ প্রতীতি করিয়া সেই সুখের অনন্ত সাগরে, সেই আনন্দের

অশেষ প্রস্রবণে—সেই অমৃতের স্পর্গভীর
আঁকরের প্রতি আত্মা ধাবিত হয়।

পৃথিবীতে মনুষ্যগণ প্রার্থনীয় বস্তু লাভের
জনা পুনঃপুনঃ যত্নচেষ্টা করিয়া কৃতকার্য না
হইলে, সে নিরাশ ও নিরুদ্যম হইয়া পড়ে,
কিন্তু আধ্যাত্মিক ভোজ্য পানীয় সংগ্রহে
আত্মার যত্ন চেষ্টার বিরাম ও বিশ্রাম নাই।
শিশু যেমন বিচরণ-সুখ অমৃতব করিয়া প্রতি
পদবিক্ষেপে নিপতিত হইলেও আবার উ-
খিত হয়, আবার সহাস্য বদনে পদসঞ্চালন
করে, আত্মাও তেমনই একবার সেই অমৃত-
রসের আশ্বাদন পাইলে, সহস্রবিধ দুখে
বিপত্তি শোক সন্তাপ বাধাবিন্ধ উপস্থিত
হইলেও সে তল্লাতেই অগ্রসর হয়, কদাচ
তাহা হইতে নিবৃত্ত ও পরাজুথ হয় না।
তাহার সেই দুর্নিবার্য পরাক্রমকে কেহই
প্রতিরোধ করিতে পারে না। সমুদ্র-উচ্ছ্বাস
বরং নিবারণ করা যায়, তুরঙ্গ মাতঙ্গের গতিও
বরং স্থগিত করা যায়, বিদ্যুৎ-বিক্রমও মন্দী-
ভূত করা যাইতে পারে কিন্তু আত্মার আধ্যা-
ত্মিক অন্নপান সংগ্রহ বিষয়ে দুরতিক্রমণীয়
পরাক্রমকে কোন রূপেই বাধা দেওয়া যায়
না। সে সুখ-তৃষ্ণায় আকুল হইয়া বীর-বি-
ক্রমে অসাধ্য সাধনে প্রবৃত্ত হয়। যে সূর্যের
জ্বলন্ত জ্যোতি, পৃথিবীর অন্ধকার তিরোহিত
করিতেছে, কিন্তু তাহার স্তূতীক্ষ রশ্মি-শর
সামান্য জড় পদার্থকে ভেদ করিতে পারে
না। যে সমুদ্র-প্রবাহ সমগ্র ভূমণ্ডল বেষ্টন
করিয়া রহিয়াছে, তাহার প্রথর প্রবাহ, উদরস্থ
মগ্ন গিরিকেও বিদীর্ণ করিতে সমর্থ হয় না,
যে বিদ্যুৎ-অগ্নি বন উপবন সকলকে স্পর্শ-
মাত্র ভস্মীভূত করিয়া ফেলে, হিমাদ্রি-সন্নি-
ধানে তাহার বিক্রমও মন্দীভূত হইয়া যায়,
যে বহুযোজন-ব্যাপী হিমচল মেঘমালা বন্ধে
ধারণ করিয়া দণ্ডায়মান রহিয়াছে, সে কদাচ
চন্দ্রসূর্য্য-মণ্ডল স্পর্শ করিতে পারে না; কিন্তু

আত্মার বল দেখ; সে সমগ্র দুর্ভেদ্য জড়-
আবরণ ভেদ করিয়া—সমুদ্র প্রাণি জগৎ
অতিক্রম করিয়া—সে অদৃশ্য মনোরাজ্য উল্ল-
ঙ্খন করিয়া—সে বুদ্ধি-বিজ্ঞান-সাত্রাজ্য নি-
র্ভেদ করিয়া আত্ম-নিকেতনের অন্তর-নিহিত
সেই অমৃতখনি—সেই দুর্নিবার্য পিপাসার
শান্তি-প্রস্রবণ পরক্রমকে লাভ করত দীর্ঘ
দুরতিক্রমণীয় বিক্রমের কি পরাকাষ্ঠাই প্রদ-
র্শন করিতেছে! এমন অনুপমের বল-বিক্রম
আর কাহারও দেখা যায় না। পক্ষ-কোষ
নির্ভেদ পূর্বক সেই সারতম অন্তরতম রত্ন-
লাভের শক্তি, আত্মা ভিন্ন আর কুত্রাপি দৃষ্ট
হয় না। অমৃত অগণ্যজীবের মধ্যে আর কার
সাধ্য যে জ্বলন্ত সূর্য্যের প্রতি দৃষ্টিপাত করে।
কিন্তু আত্মার চক্ষু কি জ্যোতিস্মান! সে
সূর্য্যের প্রতি দৃষ্টিপাত করা দূরে থাকুক, সে
সূর্য্য চন্দ্রের অভ্যন্তরস্থ সেই জ্যোতির্জ্যোতি
ঈশ্বরকে সন্দর্শন করিয়া উল্লেঃস্বরে বলিতে
থাকে যে “মিনি চন্দ্রতারকের অন্তরে থাকিয়া
চন্দ্রতারককে নিয়মিত করিতেছেন, চন্দ্র-
তারক বাঁহাকে জানে না, চন্দ্র তারকই বাঁহার
শরীর, তিনিই অমৃত স্বরূপ তিনিই আনন্দ
স্বরূপ।” সূর্য্য চন্দ্র তাঁহারই জ্বলন্ত জ্যো-
তিতে সমুজ্জ্বল হইয়া—তাঁহারই অমৃত
আনন্দভাবের ছায়া মাত্র বিস্তার করিয়া পৃথি-
বীতে জীবন-জ্যোতি সুখ-আনন্দ প্রচার
করিতেছে। আত্মার একি দুরতিক্রমণীয়
পরাক্রম! সে এক দৃষ্টিতে সূর্য্য চন্দ্রের অন্ত-
র্কর্ত্তী, সকল ভুবনের অন্তরাত্মাকে দীর্ঘ আ-
ত্মস্থ করিয়া সন্দর্শন করিতেছে—কেবল
সন্দর্শন করিতেছে না, তাঁহাকে পূর্ণ প্রভায়
অবলোকন করত তাঁহার বরণীয় জ্ঞানশক্তি
ধ্যান করিতেছে। তাঁহার নহিত অধ্যাত্ম-
যোগ নিবন্ধ করত অহর্নিশি যোগানন্দ, প্রেমা-
নন্দ, উৎসবানন্দ সন্তোষ করিয়া দুর্নিবার্য
সুখতৃষ্ণা নিবারণ করিতেছে।

এই যে আজ এখানে শত শত আত্মা
সম্মিলিত হইয়াছেন, ইহার উদ্দেশ্য কি?
সংসারের নিকট হইতে নিরাশ হইয়া, বিষয়-
দ্বার হইতে বিমুখ হইয়া আত্মার দুর্নিবার্য
সুখ-ভৃগু নিবারণ করিবার জন্য এই ক্রমা-
ক্ষেত্রে—এই উৎসব-সমাজে সকলে আগ-
মন করিয়াছেন। একি মনোহর দৃশ্য—
একি পরমাস্ফর্য্য দেবস্পৃহনীয় ভাব। মনুষ্য
পৃথিবীর জীব হইয়া পার্থিব বস্তুতে পরিতৃপ্ত
হইতেছে না। সে দেবভোগ্য ব্রহ্মানন্দ
উপভোগের জন্য তৃপ্ত চাতকের ন্যায়
উর্দ্ধ মুখে অবস্থান করিতেছে। আশ্চর্য্য। সে
কি সুরবিক্রমে এই শরীর, এই প্রাণ, এই
মন, এই বিজ্ঞান, এই আত্মরূপ দুর্ভেদ্য পঞ্চ-
কোষ ভেদ করিয়া জগতের অন্তরাত্মাকে প্র-
ত্যক্ষ প্রতীতি করত অসীম বিশ্ব-সংসারকে
তাহাতে এবং তাহাকে স্বীয় আত্মাতে অব-
লোকন করিয়া রোমান্থিত শরীরে স্তম্ভিত-
ভাবে আনন্দাশ্রু বিনর্জ্বল করিতেছে। ইহা-
তেই আত্মার দুর্নিবার্য্য পিপাসা দুরতিক্রম-
ণীয় পরাক্রম প্রকাশ পাইতেছে।

হে দেব। এই উৎসব-ভূমিতে আত্মার
জন্মে কেবল তোমারই জয়,—তোমার ধ্বংস-
রই জয় ঘোষিত হইতেছে। হা জগদীশ।
তোমার অতুলন স্নেহ করুণা সন্দর্শন করিয়া
যে হৃদয় স্তম্ভিত হইতেছে—বাক্য যে
নিরোধ হইয়া যাইতেছে। তুমি মনুষ্যের
ভোগের জন্য এই ভুলোক দু্যলোক সৃষ্টি
করিয়াও নিরন্ত নহ, তুমি অসীম সুখ-সামগ্ৰী
বিধান করিয়াও যে ক্ষান্ত নহ, তুমি যে আপ-
নাকে দান করিয়া ক্ষুধিত পিপাসিত আত্মার
ক্ষুৎপিপাসা শাস্তি করিতেছ। ধন্য ধন্য
তোমার করুণা। ধন্য ধন্য তোমার দয়া।

ও একমেবাদ্বিতীয়ং।

বেদান্তদর্শন।

পূর্বের অনুবর্তি।

(১) ইতিপূর্বে উক্ত হইয়াছে যে স্থূল
সূক্ষ্ম প্রভৃতি শরীর ও তদ্ব্যগ্য সংসার এই
উভয়ই মায়িক এবং প্রকৃতির বিকার। আত্ম-
জ্ঞানোদয়ে তাহা যে কেবল মরণান্তে নিত্য-
কালের নিমিত্ত রহিত হয় এমন নহে,
জীবন কালেও তাহা জ্ঞানতঃ বিচারতঃ ও
অনুভবতঃ নিবৃত্ত হইয়া থাকে। এই কারণে
বেদান্ত শাস্ত্র সংসার ও দেহবীজদ্বয়পীণী
প্রকৃতিকে মায়ী এবং অজ্ঞান কহেন। যখন
মূলটি মায়ী ও অজ্ঞান হইল, তখন তাহার
বিকারস্বরূপ সংসার ও দেহও মায়ী ও
অজ্ঞানস্বরূপ মাত্র। সুতরাং পরমার্থতঃ
তদুভয় মিথ্যা। আত্মার অস্তিত্ব যেরূপ সত্য-
স্বরূপ, তদুভয়ের অস্তিত্ব সেরূপ সত্যস্বরূপ
নহে। তাহা কেবল আত্মবিরোধী বিপরীত
জ্ঞানজন্য। বাসনা ও ভোগরূপিণী প্রকৃতি
সেই বিপরীত জ্ঞানের কারণ। কেবল
আত্মজ্ঞান দ্বারাই সেই বিপরীত জ্ঞানটির
অসত্যতা প্রতিপন্ন হয়। কিন্তু এস্থলে প্রশ্ন
এই যে সংসার দেহ যদি স্বরূপতঃ মিথ্যা
হইল, তবে নত্যবস্তুস্বরূপ আত্মার সহিত
তাহার পরস্পরাধ্যাস কিরূপে সম্ভবে? প্রথ-
মতঃ “সাক্ষ্যনিমিত্তাশ্চাধ্যাসাভবন্তি” কোন
এক অংশে সাদৃশ্য ব্যতীত ভ্রম বা অধ্যাস
জন্মে না, দ্বিতীয়তঃ “স্মৃতিরূপঃ পরত্র পূর্ব-
দৃষ্টাবভাসঃ।” পূর্বদৃষ্ট পদার্থের স্মরণরূপ
যে জ্ঞান, সময়ান্তরে অন্য পদার্থে তাহার
আভাস অনুভবের নাম অধ্যাস। এখন
সন্দেহ এই যে মিথ্যাস্বরূপ সংসার ও দেহ,
আর সত্য-স্বরূপ আত্মা, এ উভয়ে সাদৃশ্য
কোথা? বাহা নাই অনোতে তাহার ভ্রম বা

১ শরীরভিমান ভ্রম মাত্র। প্রকৃতিই সে ভ্রমের
কারণ।

তাহাতে অন্যের ভ্রম কিরূপে সম্ভবে? তাহার অরণ্যও সম্ভবে না। এবং সেই স্মৃতি হইতে উৎপন্ন জ্ঞান অন্য পদার্থে অব্যস্ত হওয়া অসম্ভব। এই প্রশ্নের উত্তর এই যে সংসার ও দেহাদির বীজস্বরূপ যে অজ্ঞান তাহা আকাশকুসুমবৎ অভাবরূপী নহে। কিন্তু “জ্ঞানবিরোধী ভাবরূপং।” তাহা জ্ঞানবিরোধী ভাবরূপী পদার্থ, তাহাই মায়া, আর “মায়াস্তু প্রকৃতিং বিদ্যাং” সেই মায়াই প্রকৃতি। “অজ্ঞানমনাদানির্কচনীয়ং” সেই মায়া, বা প্রকৃতির নামান্তর অজ্ঞান। তাহা অনাদি ও অনির্কচনীয়। উহা ঈশ্বরের সৃষ্টিশক্তি মাত্র। “দেবাত্মশক্তিঃ সত্ত্বগৈর্নিগূঢ়াঃ” উহা ঈশ্বরের সৃষ্টিশক্তি এবং স্বীয় স্বত্ব, রজঃ, তমোগুণ দ্বারা বেষ্টিত। “পরাস্য শক্তির্বিবিধৈব প্রায়তে।” ঈশ্বরের সেই শক্তি মহতী এবং বিচিত্র। জীবাত্তা চিরকাল তাহার মধ্যে এবং তাহার দ্বারা প্রতিপালিত হইয়া কোটি কোটি সংসার ও দেহ উপভোগ করিয়াছেন এবং কুসুমাদি হইতে বায়ুর গন্ধগ্রহণের ন্যায় সেই সমস্ত দেহের ও সংসারের সুক্ষাংশস্বরূপ মন-প্রধান সূক্ষ্মদেহ এবং বাসনাপ্রধান অজ্ঞান প্রকৃতিকে সংস্কাররূপে জন্মজন্মান্তরে বহন করিয়া আসিতেছেন। বীজ আর বৃক্ষে যেমন প্রবাহরূপ স্রবস্বৎ ঐ মায়া বা অজ্ঞান-প্রকৃতির সহিত জীবের দেহধারণ ও সংসারভোগের সেই রূপ প্রবাহরূপ সম্বন্ধ। অজ্ঞান-সমুপন্ন ইন্দ্রিয়, প্রাণ, মনাদি-বিশিষ্ট দেহ ও মনোনিহিত বাসনা চৈতন্য পদার্থ এবং জীব তৎসমস্ত প্রবাহক্রমে দৃষ্টি ও সংস্কাররূপে ধারণ করিয়া আসিতেছে। ব্যবহার-ক্ষেত্রে সে সমস্ত পদার্থ অলীক নহে। কিন্তু প্রত্যক্ষ বিষয়ের ন্যায় সত্য। জীবাত্তাও “অমৃতং” জ্ঞানের বিষয়। বিশেষতঃ ঐ সমস্ত নারিক পদার্থ জীবাত্তার সহিত মায়াবাদি-

করণ্য সম্বন্ধে বর্তমান। এই সমস্ত কারণে তৎসমস্তের সহিত জীবাত্তার কিয়দংশ সৌ-সাদৃশ্য আছে, এবং তাহাদের আভাস জীবা-ত্তাতে প্রতিকলিত হইয়া দেহাত্মজ্ঞান ও সংসারভিমান জন্মে। এক্ষণে অভিমান না থাকিলে সৃষ্টিসংসার বিশৃঙ্খল হইয়া যায়। “মচ অনধাত্তমাত্তভবেন দেহেন কচ্চিৎ ব্যাপ্রিয়তে”

যে দেহের সহিত আত্মার পরস্পর অধ্যাস না হইয়াছে সে দেহেতেও কোন ব্যবহার হয় না। এবং সে আত্মারও কোন কর্তৃত্ব সম্ভবে না। অতএব অধ্যাসই জীবত্ব ব্যবহারের হেতু। কিন্তু জীবাত্তাতে আত্মজ্ঞানের উদয়মাত্রে বাসনা ও মনের সহিত সংসার ও দেহ-ভ্রম নিরস্ত হইয়া যায়। অর্থাৎ প্রকৃতি-রাজ্য হইতে উত্তীর্ণ হইয়া জীবাত্তা আত্ম-রাজ্যে প্রবেশ করেন। এতাবত সত্যবস্তুস্বরূপ আত্মার সহিত মায়া-বিরচিত পরমার্থতঃ অসত্য দেহাদির পরস্পরাধ্যাস অসম্ভব নহে।

২ আর এক কথা বিচার-সাপেক্ষ। ভ্রম-জন্য এক বস্তুতে অন্য বস্তুর যে জ্ঞান সে জ্ঞান এক জাতীয়; আর, উপমাজন্য এক বস্তুতে অন্য বস্তুর গুণ-সদৃশ কোন আরোপিত গুণ-বিশেষের তাৎপর্যজ্ঞান অন্য জাতীয়। ভ্রম-জ্ঞানস্থলে উভয় পদার্থের মধ্যে যে প্রভেদ সে বোধ থাকে না। কিন্তু উপমাস্থলে উভয়েরই ভেদ স্পষ্ট জানা থাকে। সর্প আর রজ্জুর মধ্যে যে প্রভেদ, জড়ের সেই প্রভেদ-জ্ঞান যে সময়ে না থাকে সেই সময়েই তাহার রজ্জুকে সর্প বলিয়া ভ্রম হয়। ভ্রম-জ্ঞানের এই লক্ষণ। কিন্তু উপমাস্থলে যে আরোপিত গুণের জ্ঞান তাহা ভ্রম নহে। তাহাকে গোণ বলে। সিংহ শব্দের মুখ্য তাৎপর্য সিংহ নামক পশুতে। কিন্তু কোন

২ দেহভিমান “গোণবুদ্ধি” নহে কিন্তু ভ্রমমাত্র। সে ভ্রম নিবারণে মোক্ষ হয়।

পুরুষের শৌর্য বীৰ্য প্রভৃতি সিংহ-গুণ-তুল্য কোন গুণ প্রকাশার্থে যখন সেই পুরুষের প্রতি সিংহ শব্দের প্রয়োগ হয় তখন তথা উপমা মাত্র উদ্দেশ্য। সে স্থলে সিংহশব্দের তাৎপর্যকে গোণ তাৎপর্য বলা যায়। এরূপ গোণ-তাৎপর্য-গ্রহণ ভ্রম-জ্ঞান নহে। সিংহ ও পুরুষে যে ভেদ এই উপমা বা গোণার্থ দ্বারা সে ভেদ-জ্ঞানের ব্যত্যয় হয় না। এই ক্ষণে প্রশ্ন এই যে জীবাত্মার যে দেহাভিমান তাহা রজ্জুতে সর্পভ্রমের ন্যায় ভ্রম? কি পুরুষের সিংহদূর্শ গুণের ন্যায় গোণ-বুদ্ধি মাত্র? উত্তর, আত্মা আর দেহেতে যে অনাদি ভেদ প্রসিদ্ধ আছে, সেই ভেদ-জ্ঞান-অভাবেই আত্মার দেহাভিমান জন্মে। সুতরাং মেরূপ দেহাভিমানরূপ জ্ঞান ঔপম্যে বা গোণ নহে। কিন্তু সম্পূর্ণ মিথ্যা। কেননা সর্প স্বতন্ত্র পদার্থ আর রজ্জু স্বতন্ত্র পদার্থ, এই ভেদ-জ্ঞান উদয় মাত্রে যেমন রজ্জু-আশ্রিত সর্প-ভ্রম নিবারিত হয়, সেই রূপ দেহ স্বতন্ত্র পদার্থ এবং আত্মা স্বতন্ত্র পদার্থ এই পরম-ভেদ-জ্ঞান হৃদয়ঙ্গম মাত্রে আত্মার দেহাভিমান বিদূরিত হয়। সুতরাং দেহাভিমান কেবল ভ্রমমূলক।

“তস্মাৎ মিথ্যাপ্রত্যয়নিমিত্তাৎ শরীরত্বসিদ্ধং জীব-তোপি বিহৃদোহশরীরত্বং”

অতএব আত্মার শরীরত্ব কেবল মিথ্যা-জ্ঞান-নিমিত্ত। সুতরাং তত্ত্বজ্ঞানী ব্যক্তির সেই মিথ্যাজ্ঞানটি না থাকায় তাঁহার জীবিতাবস্থাতেও অশরীরত্ব সিদ্ধ হয়। আত্মার যেমন অশরীরত্ব সিদ্ধ, সেই রূপ অসংসারিত্বও সিদ্ধ। তাঁহাতে জাতি, গুণ, বর্ণাশ্রমচার, যজ্ঞমানস প্রভৃতি সকলই মিথ্যাজ্ঞানজন্য পরিকল্পিত হইয়া থাকে। ব্রহ্মজ্ঞানী এই সর্বপ্রকার অভিনান ত্যাগ করেন। তাদৃশ ব্যক্তিই জীবমুক্ত। জীবমুক্ত অবস্থায় জীবাত্মা ব্রহ্মাত্ম্যাবসম্পন্ন হয়।

“চক্ষুরচক্ষুরিব, নকর্ণোক্তন ইব, নবাগবাগিব, সমনা জমনাইব, নপ্রাণোপ্রাণইব”

তখন তিনি এই সংসারে চক্ষু থাকিতেও অচক্ষুর ন্যায়, কর্ণ থাকিতেও অকর্ণের ন্যায়, বাকা থাকিতেও বাক্যহীনের ন্যায়, মনসন্তেও মনরহিতের ন্যায়, এবং প্রাণ থাকিতেও অপ্রাণের ন্যায় নিঃস্বার্থ হইয়া বিচরণ করেন। দর্শন, শ্রবণ, বাক্য কথন, মনন, এবং প্রাণন প্রভৃতি যে কোন ক্রিয়া করেন তাহা সাংসারিক মঙ্গল-বর্জিত হইয়া করিয়া থাকেন। কেননা তখন তিনি একমাত্র ব্রহ্মানন্দে নিমগ্ন, সুতরাং সাংসারিক ভোক্তৃত্ব, ভোগায়তন, ও ভোগ্য পদার্থ সমুদয়ই নিবৃত্ত হইয়া যায়। এতাদৃশ অবস্থায় যে ব্রহ্মভাব প্রকাশ পায় তাহা কখন কর্মকাণ্ডীয় বেদ-ভাগের প্রতিপাদ্য হইতে পারে না। তাহা যজ্ঞাদি কোন ক্রিয়ার ফল বা অঙ্গ হইতে পারে না এবং শ্রবণ মনন নিদিধ্যাসনরূপ কোন ক্রিয়ারও বিষয় হইতে পারে না। তাহা একমাত্র বস্তুতন্ত্র জ্ঞান এবং তাহার প্রকাশ সমস্ত প্রকার কর্মকাণ্ডের বিনাশক। পরমাত্মাস্বরূপ সেই পরম বস্তুই জ্ঞান-স্বরূপে বৈদিক জ্ঞানকাণ্ডের প্রতিপাদ্য এবং কর্মকাণ্ডীয় শ্রুতি সকলেরও পরম্পরা তাঁহাতেই উদ্দেশ্য। তিনি যে জ্ঞানস্বরূপ সর্বজ্ঞ, জগৎকারণ, সর্বকর্মের ফলদাতা এবং মোক্ষের অভিন্ন স্বরূপ, সমস্ত বেদ শাস্ত্রের সমন্বয় দ্বারা তাহাই জানা যায়। তন্মধ্যে নিগূর্ণপ্রতিপাদক শ্রুতি সমূহ যাহা তাঁহার পরমাত্মীয় বস্তুস্বরূপকে প্রতিপন্ন করে তাহারই প্রাধান্য। কেননা তাঁহাকে একমাত্র পরমাত্মা রূপে জানিলেই মোক্ষলাভ হইয়া থাকে। সেই জ্ঞানই প্রত্যক্ষ জ্ঞান; আর তাঁহার জগৎকারণত্ব, সর্বজ্ঞত্ব, ফলদাতৃত্ব প্রভৃতি ভাব শ্রুতি ও যুক্তিসম্মত পরোক্ষজ্ঞান মাত্র। বেদশাস্ত্র কামধেনু।

অধিকারী বিশেষে তিনি সৰ্ব্বতোভাবে সেই এক ভ্রমকেই নানা প্রকারে উপদেশ করিয়াছেন। নতুবা কেবল ঈশ্বরশূন্য ক্রিয়া বা কৰ্ম্মফল মাত্রে বেদের তাৎপর্য্য হইতে পারে না। সমস্ত বেদ কেবল ভ্রমপর।

ইতি চতুর্থাধিকরণে চতুর্থ মূত্রের ব্যাখ্যা

সমাপ্ত।

প্রেরিত।

এক্ষণে দেশীয় চিকিৎসার উন্নতি জন্য কৃতবিদ্যাদিগের মধ্যে অনেকেই বন্ধপরিচর হইয়াছেন। স্থানে স্থানে সভাও প্রতিষ্ঠিত হইতেছে। আমরা দেশীয় চিকিৎসার পক্ষপাতী। দেশীয় চিকিৎসার সাহায্যে উন্নতি হয় আমরা কারমনোবাক্যে তাহা প্রার্থনা করিয়া থাকি। এক্ষণে আমাদিগের কোন আদ্বাস্পদ বন্ধু ঐরূপ একটি আয়ুর্বেদীয় সভায় যে বক্তৃতা পাঠ করেন আমরা তাহা সাদরে নিম্নে প্রকাশ করিলাম।

“নিরবচ্ছিন্ন আয়ুর্বেদের উন্নতি-সাধন-জন্যই যে এই আয়ুর্বেদীয় সভা প্রতিষ্ঠিত হইয়াছে, ইহার সুযোগ্য সম্পাদক মহাশয়ের দ্বারা এখনই যে বিজ্ঞাপনী পাঠিত হইল, তৎশ্রবণে তাহা সকলেরই স্পষ্ট হৃদয়ঙ্গম হইয়া থাকিবে। আয়ুর্বেদীয় চিকিৎসা যে এতদেশীয় জনগণের নিত্য প্রকৃতির উপযোগী এবং একান্ত অবস্থার অনুকূল, তাহা আর কাহাকেও বুঝাইতে হইবে না। তাহা সকলেই প্রতিদিনের পরীক্ষাতেই সুস্পষ্ট-রূপে অনুভব করিতেছেন। আয়ুর্বেদ যদি যথার্থই আমারদের প্রাণদ ও কল্যাণ-প্রদ না হইত, তাহা হইলে ভারতের দীর্ঘকালব্যাপী পরায়ণতার মধ্যে কোন-রূপেই ইহা বর্তমান থাকিত না। আয়ুর্বেদের অস্তিত্বই,

তাহার সারবস্তুর একমাত্র অমোঘ প্রমাণ। এই বঙ্গভূমিতে—এই ভারতবর্ষে যত চিকিৎসা রোগের প্রাদুর্ভাব হইতেছে, যত বিজাতীয় চিকিৎসার বহুল প্রচার হইতেছে, ততই আয়ুর্বেদের অতুলন ও ভা দীপ্তি পাইতেছে। সত্য কখনই প্রচ্ছন্ন থাকে না; বৈজ্ঞানিক-মতাপ্রিয় অনুসন্ধিৎসু ইংরাজ-জাতি আপনাদের চিকিৎসা-শাস্ত্রকে স্বাঙ্গীকার করিয়া তুলিবার জন্য দেশীয় চিকিৎসকগণের সাহায্যে আয়ুর্বেদ হইতে অনেক মতাই সংগ্রহ করিয়াছেন। ভারত-ভূমির অনেক খনিজ উদ্ভিদ পদার্থকে ঔষধ-উপাদান-রূপে ব্যবহার করিতেছেন, তথাচ আয়ুর্বেদ-রূপ অশেষ-রত্ন-খনি এখনও রত্ন-পূর্ণ হইয়া রহিয়াছে। আয়ুর্বেদানুমত ঔষধ প্রস্তুত প্রণালী এমনই সহজ এবং এমনই অল্পব্যয়-সাধ্য যে, কলিকাতার প্রধানতম জনৈক চিকিৎসা-বিজ্ঞান-বিৎ ইংরাজ অধ্যাপক বলিয়াছেন যে “আমার ইচ্ছা হয়, যে এতদ্বিষয়ে আমি বিশেষ শিক্ষা লাভ করি।” শুদ্ধ ইনিই কেন, অনেকানেক নিরপেক্ষ চিকিৎসক উদরাময়-প্রভৃতি কতকগুলি ব্যাধির অব্যর্থ ঔষধ কয়েক বৎসর অতীত হইল, আয়ুর্বেদ হইতে বিজাতীয় আকারে গ্রহণ করিয়াছেন। তথাচ সেই সেই রোগের দেশীয় ঔষধ সকল যেমন অব্যর্থ ও ফলপ্রদ, অদ্যাপিও অন্য চিকিৎসা দ্বারা তদনুরূপ ফল লাভ হইতে দৃষ্ট হইতেছে না। আয়ুর্বেদের এই জীর্ণাবস্থায় সকল প্রকার-চিকিৎসকগণ-পরিভ্রান্ত যত-কল্প রোগী সকল যথা তথা যেমন আশ্চর্য্য কৌশলে দেশীয় চিকিৎসকগণ দ্বারা রোগ-মুক্ত হইয়া স্বাস্থ্য-সম্পদ লাভ করত আয়ুর্বেদের জয়-পতাকা উড্ডীন করিতেছে, এমন আর অন্য চিকিৎসা-শাস্ত্র বিষয়ে সচরাচর দৃষ্ট হইতেছে না। বক্তৃতঃ প্রকৃতির বিধান-অনুসারে দেশীয় জল বায়ু, দেশীয়

অন্ন বস্ত্র, দেশীয় ঔষধ-পথ্য যেমন দেশীয় লোকের পক্ষে বিশেষ হিতকর কল্যাণকর, এমন বিজাতীয় উপাদান-উপকরণ সকল, কোন রূপেই বিদেশীয় লোকের পক্ষে অনুকূল ও উপযোগী হইবার সম্ভাবনা নাই।

ইত্যাদি নানা কারণে এই আয়ুর্বেদীয় সভা, আয়ুর্বেদের বহুলপ্রচার জন্য দৃঢ়ত হইয়াছেন। অনেকেই আয়ুর্বেদকে কেবল বৈদ্য-জ্ঞতির মধ্যে আবদ্ধ না রাখিয়া, সাধারণের শিক্ষণীয় করিবার জন্য প্রস্তাব করিতেছেন। অনেকেই আয়ুর্বেদীয় বিদ্যালয় প্রতিষ্ঠার ইচ্ছা প্রকাশ করিতেছেন, অনেকেই ভৈষজ্য উদ্যান-প্রভৃতি প্রস্তুত করিবার জন্য অভিপ্রায় প্রকাশ করিতেছেন, অবশ্য এসকল মাধু ইচ্ছা নিতান্তই প্রশংসনীয়, তাহার আর সংশয় নাই। বর্তমান সময়ে বিজাতীয় শিক্ষা ও সভ্যতা-প্রভাবে আমরা কার্য্য হইতে ভাবে অধিকতর অগ্রসর হইয়াছি, অধিকার হইতে আশাতে সর্বশেষ উন্নতি লাভ করিতেছি, শক্তি-সামর্থ্য-যোগ্যতা হইতে প্রার্থনা বিষয়ে বিলক্ষণ লুপট হইয়া উঠিয়াছি, অনুষ্ঠান হইতে বাক্য-জ্ঞান আমরা বিশেষ পারদর্শী হইয়াছি। আমরা আমাদের নিজ নিজ বল-বুদ্ধি, এবং জন-সমাজের উৎসাহ-অনুরাগ ও ধন-সম্পদের বিষয় যদি বিশেষ রূপে আলোচনা করিয়া দেখি, তাহা হইলে যে, বর্তমান সময়ে প্রাপ্ত আশা সকল যে, আমারদের পক্ষে নিতান্ত দুরাশা ও দুরাকাজ্জা, তাহা সুস্পষ্ট রূপেই বুঝিতে পারি। ইহা কাহার না ইচ্ছা, যে একদিনেই জ্ঞান গিরির শিরোদেশে উত্তীর্ণ হই, ইহা কাহার না আশা, যে এককালে ভূমণ্ডলের একাধিপত্য লাভ করি, ইহা কাহার না অভিলাষ, যে অত্যন্ত কাল-মধ্যেই দেশের জ্ঞান-ধর্ম্ম-বিষয়ে সর্বাদ্বীণ উন্নতি-সাধন করি। ইচ্ছা, আশা, অভিলাষ একরূপ, আর

তাহা কার্য্যে, অনুষ্ঠানে পরিণত করিয়া সিদ্ধি লাভ করা অন্য প্রকার। আমরা যদি আমাদের শক্তি-সামর্থ্য, সম্ভ্রতি-সমাবেশ অনুসারে কার্য্য করি, তাহা হইলেই সহজে সিদ্ধি লাভ করিতে পারি। আর কেবল ভাব-আশায় উত্তেজিত হইয়া কার্য্য করিতে গেলেই পুনঃ পুনঃ নিরাশ ও উপহাসাম্পাদ হইতে হয়। আমারদের মধ্যে এরূপ উদাহরণ ও দৃষ্টান্তেরও নিতান্ত অসম্ভাব নাই। আমারদের দেশে ধনীর সংখ্যা তত অধিক নহে, যে কয়েকটি ধনিকুবের বর্তমান আছেন, তাঁহারদের হয় তো তাদৃশ অনুরাগ উৎসাহ নাই। রাজার সাহায্যেই প্রজাবর্গের নানা বিষয়ে ক্রীড়ি সংসাধিত হইয়া থাকে, আমারদের আয়ুর্বেদীয় উন্নতি সাধন-জন্য যে রাজ-ভাণ্ডার প্রযুক্ত হইবে, ইহা কোন-রূপেই আশা করা যায় না। এমত অবস্থায় প্রাপ্ত প্রস্তাবগুলি কার্য্যে পরিণত করা বড় সহজ ব্যাপার নহে। সেই জন্য বলিতেছি, যে আমারদের যেমন শক্তি-সামর্থ্য, সম্ভ্রতি-সমাবেশ তদনুসারেই কর্ম্মক্ষেত্রে অগ্রসর হওয়া নিতান্ত আবশ্যক। সেই প্রণালী অবলম্বন করিয়াই এই আয়ুর্বেদীয়-সভা বর্ষে বর্ষে সিদ্ধি লাভ করিতেছে। আমারদের যেমন আয়ুর্বেদীয় বিদ্যালয়ের অভাব, তেমনি এই সকল মহামহোপাধ্যায় আয়ুর্বেদজ্ঞ পণ্ডিতগণ, উপস্থিত ছাত্রবৃন্দকে আপনাপন আলয়ে অন্ন-বস্ত্র দিয়া পোষণ করত চিকিৎসা-বিদ্যা শিক্ষা দিতেছেন। আমারদের যেমন আয়ুর্বেদীয় চিকিৎসালয়ের অপ্রতুল, তেমনি অধ্যাপকগণ সঙ্গে সঙ্গে করিয়া রোগী-গৃহে গমন করত শিক্ষিত বিষয় সকল কার্য্যে পরিণত করিবার নৈপুণ্যলাভের উপদেশ দিতেছেন; আমারদের যেমন ভৈষজ্য-উদ্যানের অসম্ভাব তেমনি কৃতবিদ্য চিকিৎসকগণ যথা তথা খনিজ উদ্ভিদ পদার্থাদির রূপ গুণের

পরিচয় দিয়া, তাঁহারা স্ব স্ব গৃহে ঔষধ ও স্তত্ব
করণে প্ররুত করিয়া চিকিৎসা-বিজ্ঞানের বি-
শেষ প্রয়োজনীয় শাখার অশিক্ষা প্রদান-
পূর্বক আয়ুর্বেদীয় স্বতন্ত্র বিদ্যালয়াদির অ-
ভাব অনেক পরিমাণে নিরাকৃত করিতেছেন;
অথচ ইহার জন্য আয়ুর্বেদীয় সভাকে হয়
তো কিছুই ব্যয় স্বীকার করিতে হয় না।
ছাত্রগণের শিক্ষা-পটুতা ও শিক্ষিত বিষয়ের
অভ্যাসতা মপ্রমাণ জন্য বিভিন্ন অধ্যাপকগণ
কর্তৃক তাঁহাদের পরীক্ষা পরিগৃহীত হইয়া
পুরস্কার ও প্রতিষ্ঠা-পত্র প্রদত্ত হইতেছে।
চিকিৎসা ব্যবসায়ের প্রয়োজনীয় উপকরণ ও
উপাদান সংগ্রহ জন্য কতকগুলি মৃত্যুও পা-
রিতোষিক বিতরণ উপলক্ষে বর্ষে বর্ষে পরী-
ক্ষোত্তীর্ণ ছাত্রবৃন্দকে প্রদত্ত হইয়া থাকে। এ
সমুদয় উদ্যোগ আয়োজন এবং সাহায্য
বৈদ্য-সমাজ হইতে প্রাপ্ত হওয়া যাইতেছে।
আয়ুর্বেদীয় সভা সাধারণের সাহায্য গ্রহণের
জন্য প্রস্তুত থাকিলেও, আয়ুর্বেদ-প্রচার
সমুদায় আর্ঘ্য-জাতির একান্ত কর্তব্য কার্য
হইলেও দুঃখের বিষয় এই যে, অদ্যাপিও
কোন উদারচিত্ত ভারত-মন্তান এতদ্বিষয়ে
বিশেষ সাহায্য-দানে অগ্রসর হন নাই। এই
জন্যই পূর্বতন আর্ঘ্য-সমাজ-পতি দূরদর্শী
মহোদয়গণ আর্ঘ্য-সমাজের এক একটা শাখার
প্রতি এক একটা জ্ঞান-বিজ্ঞান-চর্চার ভার
অর্পণ করিয়া সর্বপ্রথমে স্বাধীন-শিক্ষার পথ
প্রদর্শন করিয়াছিলেন। তদনুসারে ভ্রাক্ষ-
ণেরা ধর্ম্মতত্ত্ব, বৈদ্যেরা চিকিৎসা-বিজ্ঞান,
ক্ষত্রিয়েরা যুদ্ধ-বিদ্যা, বৈশ্যেরা কৃষি-বাণি-
জ্যের আলোচনায় ও উন্নতি-সাধনে নিযুক্ত
হইয়াছিলেন। ইহার দ্বারা কাহারও উন্ন-
তির বাবাত বা ব্যবসায়-বিল্ল উপস্থিত হইতে
পারে নাই। প্রত্যুত এতোক শাখাই স্ব স্ব
অবলম্বিত বিষয়ের যৎপরোনাস্তি শ্রীবৃদ্ধি-
সাধন করিয়া ভারতের পুনঃ পুনঃ সমাজ-

বিপ্লব ও রাজ্য-বিপ্লবের মধ্যেও অবলম্বিত
বিষয়-সকল স্ব স্ব সম্পত্তি বোধে বহু আয়াসে
বহু-কষ্টে রক্ষা করিয়া আসিতেছেন। সেই
জন্যই এখনও ভারতে বেদ-উপনিষৎ, পু-
রাণ-তন্ত্র এবং আয়ুর্বেদীয় গ্রন্থাদি বর্তমান
রহিয়াছে। সেই কারণেই অদ্যাপিও ক্ষত্রিয়-
সৈন্য-সকল সর্বোপরি উচ্চাঙ্গ প্রাপ্ত হই-
তেছে। সেই হেতু বৈদ্য-জাতি বাণিজ্য-
ব্যবসাতে উন্নতি-লাভ করিতেছেন।

আপনাপন শক্তি-সামর্থ্য, মজ্জতি-সমা-
বেশ অনুসারে কার্য করা যে কেবল নীতিজ্ঞ
পণ্ডিতদিগেরই উপদেশ, তাহা নহে; প্র-
কৃতি হইতেও প্রতিনিয়ত ইহার অভ্যাস
নিদর্শন আমরা সম্মর্শন করিতেছি। উর্ন-
নাভ আপনার শক্তি-সামর্থ্য অনুসারেই
কেমন জাল-বয়ন ক্ষেত্র অবধারণ করিয়া লয়।
কেমন অপ্রতিহত উৎসাহে স্নানোশন সম্পন্ন
জাল বয়ন করিয়া নিরুদ্ধেগে জীবিকা লাভ
করে। আমারদের যেমন অবস্থা, যেমন
বিদ্যা বৃদ্ধি, তদনুসারে কার্য-সাধনে ওরুত
হইলে, তেমনি নিশ্চয়ই সিদ্ধি-লাভ করিতে
পারি। কেবল মাত্র পরকীয় সাহায্যের
উপর নির্ভর করিয়া চলিলে—অন্যের কৃপা-
পাত্র হইয়া কার্য করিতে গেলে মনোমত
উন্নতি-লাভ করা নিতান্ত সূকঠিন হইয়া
উঠে। এই আয়ুর্বেদীয়-সভা এই গুরুতর
কল্যাণতর কার্য-সাধনের জন্য কয়েক বৎসর
সমগ্র হিন্দু-সমাজের নিকট উচ্চৈঃস্বরে সা-
হায্য প্রার্থনা করিতেছেন, সকলকেই এই
মহত্তর কার্যের আনন্দভাগী হইবার নিমিত্ত
বিনয়-সহকারে প্রার্থনা করিতেছেন, কিন্তু
ইহা কি সামান্য দুঃখের বিষয়, যে ভ্রাক্ষণ
কায়স্থের কথা দূরে থাকুক, যে বৈদ্য-জাতি
নিরবচ্ছিন্ন আয়ুর্বেদ অবলম্বন করিয়া এই
বঙ্গ-ভূমিতে ধন-সম্পদ খ্যাতি-প্রতিপত্তি
লাভ করিতেছেন, তাঁহারাও সকলে এখানে

—সাধারণ বৈদ্য-জাতির ঐক্য স্থল রূপ এই আয়ুর্বেদীয়-সভার এক-বর্ষ-কালের জন আগমন করত এই অল্প-পরিমিত গৃহকে শোভিত, এই ঘটনাটিকে আরো উৎসাহকর করিয়া তুলিতে পারিলেন না। সেই জন্যই বোধ হয়, যেন সাধারণের অর্থ-সাহায্যে এবং সনব্ধে যত্ন চেষ্টায় কোন-কার্য সাধন করা যেন অর্থ-জাতির প্রকৃতি বিরুদ্ধ কার্য।! অথচ এই মহদব্যাপার রানীকৃত অর্থ এবং বহু লোকের সাহায্য ভিন্ন সুনিশ্চয় হইবার কোন সম্ভাবনা নাই। সেই কারণেই আয়ুর্বেদীয় সভার নিকট এই প্রার্থনা করিতেছি যে, আয়ুর্বেদের উপর সাধারণের চিত্ত আকর্ষণের জন্য মা-সক-নিয়মে “আয়ুর্বেদীয় চিকিৎসা দর্পণ” নামক এক ধানি পত্রিকা প্রকাশ করিতে প্রবৃত্ত হউন, তাহাতে সুবিজ্ঞ চিকিৎসকগণ কর্তৃক নানা-স্থানে যে সকল রোগী দুষ্চিকিৎসা-ব্যাধি-মুক্ত হইয়াছেন বা হইতেছেন তাহার আনুপূর্বিক বিবরণ বিবৃত হউক, এবং সেই পত্রিকায় যথা নিয়মে আয়ুর্বেদীয় প্রাচীন-গ্রন্থাদি ক্রমশঃ প্রকাশিত হইতে আরম্ভ হউক, তাহা হইলে তৎপাঠে সকলেরই চিত্ত আকৃষ্ট হইবে। মতের প্রতি মানব-আত্মার এমনই অনুরাগ, যে কোন উজ্জ্বল মত সম্মুখে পড়িলে কোন-রূপেই কেহ তৎপ্রতি উদাসীন থাকিতে পারে না। সহজে সকলেরই মন তাহাতে আকৃষ্ট হইয়া থাকে। মনুষ্য কিছু অপ্রাপ্ত নহে, কোন বিজ্ঞান-শাস্ত্রই কিছু উন্নতির পরাকাষ্ঠা লাভ করে নাই। এই পত্রিকায় প্রকৃত প্রস্তাবে চিকিৎসা-বৃত্তান্ত প্রকাশিত হইলে সহজেই চিকিৎসা-সংক্রান্ত ভ্রম-প্রমাদ-সকল নিরাকৃত হইতে পারিবে। তদ্বারা আর্থ-চিকিৎসা ক্রমে নির্মল ও নির্দোষ আকারে পরিণত হইবে, ক্রমে আয়ুর্বেদ চিকিৎসার অভাব-অনটন সকল সহজেই

বিদূরিত হইবে এবং নবতর কল্যাণতর মত সকলও উপাঞ্জিত হইতে থাকিবে। আয়ুর্বেদ বিজ্ঞান দ্বারা যে অর্থাগম হইবে, তাহা আয়ুর্বেদীয়-সভার সম্পত্তি-রূপে পরিগৃহীত হইতে পারিবে।

আয়ুর্বেদ-সংক্রান্ত বহুতর গ্রন্থই এখন দুস্ত্রাপ্য; ক্রমে আয়ুর্বেদীয় সভা হইতে সেই সকল গ্রন্থ মুদ্রিত ও প্রকাশিত হইলে আয়ুর্বেদ প্রচারের যুগান্তর উপস্থিত হইবে এবং তদ্বারা বহু-অর্থও লব্ধ হইবে। এইরূপে কিছু দিন কার্য করিতে পারিলে, হয় তো আয়ুর্বেদীয়-সভা অনেক সাহায্য-নিরপেক্ষ হইয়া অপরাপর গুরুতর কার্য করিতে সামর্থ্য লাভ করিবে।

প্রস্তাবিত-কার্য-সাধনের জন্য লেখকের অপ্রতুল নাই। যে সকল মহামহোপাধ্যায় অধ্যাপকগণ আয়ুর্বেদীয় সভার সভাপদে প্রতিষ্ঠিত হইয়াছেন, বাঁহারা শিক্ষা-উপদেশ দান দ্বারা এবং অর্থ-সাহায্য দ্বারা আয়ুর্বেদীয়-সভাকে পোষণ করিতেছেন, তাঁহারা যত্ববান হইলে উপস্থিত সঙ্গতি-সমাবেশ দ্বারাই প্রস্তাবিত বিষয়-দ্বয় স্ফূর্ত-রূপে সম্পাদিত হইতে পারে। বর্তমান সময়ে প্রাপ্ত বিবরণী আর্থ-সমাজের একটা গুরুতর গভীরতর অভাব। ইহার দ্বারা যেমন আয়ুর্বেদের ক্রমশঃ উৎকর্ষ সাধিত হইবে, তেমনি তাহার সঙ্গে সঙ্গেই রোগোৎপত্তি ও স্বাস্থ্য-লাভাদি বিষয়ে বিচক্ষণ জনগণের স্বাধীন-চিন্তার ফলাফলও প্রচারিত হইতে পারিবে।

যে আয়ুর্বেদ নিরবচ্ছিন্ন ধর্ম-সাধনে মনুষ্যকে নিরানয় ও নীরোগ করিবার জন্যই এই পুণ্য-ভূমি ভারতবর্ষে প্রথম আবির্ভূত হইয়াছে, ধর্ম-অর্থ-কাম-মোক্ষ-সাধনে মনুষ্য-শরীরকে সুপটু ও সমর্থ করাই যে আয়ুর্বেদের লক্ষ্য, মঙ্গলময় ইশ্বর, সেই আয়ু-

কেন্দ্র-সভাকে চিরস্থায়ী করুন, এই আশ্রয়
আন্তরিক প্রার্থনা।

Sermons of Maharshee Debendra nath Tagore
Chief minister of the Brahmo Samaj.

SERMON 1.

11th Sravana, 1782 Sakabda.

तं वेद्यं ब्रह्मं वद यथा मा वोमृत्युः परिग्रह्यः ॥

"Know that everlasting Being who is worthy to be known and adorable of all, and take refuge in Him, so that death may not afflict you." Of all the calamities in this world Death is the most terrible. The grim figure of Death is ever present before us. The world is but an image of Death. Here whatever is born is subject to death; whatever grows decays. The unsteady and fleeting things of this world, and the everchanging vicissitudes of life remind us only of death. How can we be delivered from this fear and pain of death? Everywhere is to be seen the image of death. But we may become free from the fear of death by taking refuge in Him who is Immortality itself. In this world only is the fear of death, but beyond it is that Eternal Mansion. Here we are oppressed by such fears, but here again we become fearless by taking refuge in the Immortal. Strange: Living in the midst of death we can know the Immortal Being! Although we are very insignificant beings we can still obtain the shelter of that King of kings and God of gods. Living in the midst of these multifarious events we are accomplishing His benevolent purposes. Many are the quadrupeds, birds, aquatic animals and other kinds of creatures that are here! They cannot know their Creator and Preserver although they are living happily through His mercy, but they cannot feel it. They are performing His work, but without knowing it. Of man only is the broad and high privilege that he can consciously and willingly co-operate with His benevolent purposes. Living amidst death men only can attain to Immortality. Living in this fearful place he only can take shelter under the feet of the Lord, which alone can deliver us from fear. He only can establish relationship with Him. Being the offspring

of Immortality he becomes free from all fear by depending on that Immortality. If we depend upon God, a new life is born in us, and our joy never dies. Our body and mind may be distressed, we may fall into danger or be afflicted by disease, but the joy of the spirit never grows less. If we take refuge in that Abode of Immortality, Death terrible as he is, can frighten us no more.

Therefore, living in this dreadful world, do not forsake thy God. "माह ब्रह्म निराकृत्या मा नात्र ह्य निराकाराद निराकारमस्त।" "The Lord has not forsaken me, let me not forsake Him." Let me not live and forsake Him. Let us not forsake Him, from whom we have obtained all objects of enjoyment and all happiness and who forgets us not—no, not even for a single moment. Consider for a while what our fate would have been if He had forsaken us. Where would we have been? We would by this time, have met with destruction. कालो बान्धात् कः प्राप्यात् यदेव आकाश आनन्दानखान् "Who could have moved, who could have breathed if the Blissful God had not existed in all space and with us." He awards joy to all. Shall we forsake Him, by whose love we have been reared up from the moment of our birth, and under whose protection we hope to live through all eternity? He is not forgetful of us; may we not forget Him; Let Him for ever remain unforsaken by us. Shall we forsake Him who is ceaselessly sending us righteousness, wealth and happiness? Is it an act worthy of a man? And why shall we forsake Him? Will that do us good? Have we not to suffer pain in this life? Is there no danger or difficulty for us in this world, is not our body distressed, is not our mind cast down, that we can live without His protection? Is there no fear here that we shall not have to take shelter under those feet that deliver us from fear? Are there not sin and sorrow here that you will not take refuge in that Saviour of the fallen? Who will cool us when our heads burn with affliction? Who will give us courage when we become frightened in a world beset with many causes of fear? It is only worldly infatuation that comes and estranges us from Him. Does good attend us on our forsaking Him? Without Him our virtuous acts become acts of selfishness, and our enjoy-

ments evince ingratitude. Those who are here, listening to this sermon, must have come here in vain, if they only hear it and go away. What will it avail them, if they forget God on returning home? What is the use of their coming here, if their hearts be not elevated there by, if their love of God be not kindled and if they do not remember Him when engaged in worldly pursuits? Have they come here only to recite holy texts in unison and listen to sermons? Have they not come here to establish a stronger union with God? What have they done, if in prosperity they do not remember His mercy, when nourished by food and drink they do not remember the giver thereof? Separated from that fountain of purity, where will you get purity? Forsaking Him, who is the fountain of righteousness, where will you profess yourselves to be pure? Abandoning that Abode of holiness, where will you be worthy of the name of Christians? Surrender yourselves to Him, this day, and you will receive His blessing.

Is it not the way how we receive His instruction, how we know Him from whom we receive knowledge and intellectual light? The worship of Him whose mercy we enjoy from the day of our birth, and under whose protection we shall live for ever, require teaching? Distressed by sin, will you not try to remove the impurity of your minds by placing yourselves under His shelter? Will you not worship that Teacher of teachers and Father of fathers? Will you not pray to him for spiritual strength? There will be no disinclination to worship Him unless one's nature be perverted? Bring your soul into its natural condition. Begin to worship Him from this very night. There is no use in mere hearing. Where indeed can there be any good for our country if we do not take refuge in Him. The country where God is not worshipped, the family in which His Holy Name is not uttered, the heart in which there is no room for Him—that country, that family, that heart is but a desert—the abode only of deep sorrow and pain. From this very day make Him your place of shelter and worship Him. There is no want of opportunities for you to know Him, you have understood much about Him with the aid of your intellect, why

not then join knowledge to work and faith to practice? Commence to worship Him from this very day and you shall reap the fruits of your act immediately. Through His mercy you are enjoying all the pleasures of life; bow down to Him with gratitude. In times of fear and danger make Him your place of shelter, and ye shall be as fearless as the child is in its mother's lap. When sin distresses you, repent and with tears in your eyes place yourselves under His protection. He loves those who take refuge in Him, and He will save you from sin. Worship Him who is the Lord of the universe, the King of kings and the God of gods. Let such who know this all and feel no inclination to worship Him, purify their inward self, let them pray to God with an open heart, let them exert themselves and they will surely feel His mercy and fully realise the meaning of the text "The Lord has not forsaken me, let me not forsake Him."

প্রাপ্তি স্বীকার।

আমরা কৃতজ্ঞতা সহকারে স্বীকার করিতেছি যে ১৮০৫ শকের গুপ্তপ্রেশ পঞ্জিকা বানি উপহার প্রাপ্ত হইয়াছি। ইহা শ্রীযুক্ত দুর্গাচরণ গুপ্ত কর্তৃক সংগৃহীত ও প্রকাশিত। মূল্য ১০ আনা।

বিজ্ঞাপন।

বর্ষশেষের ব্রাহ্মসমাজ আগামী ৩০ চৈত্র বৃহস্পতিবার সন্ধ্যা ৭। ঘটিকার সময়ে আদি ব্রাহ্মসমাজ গৃহে হইবে,

এবং

নববর্ষের ব্রাহ্মসমাজ আগামী ১ বৈশাখ শুক্রবার প্রত্যুষে ৫ ঘটিকার সময়ে শ্রীযুক্ত প্রধান আচার্য্য মহাশয়ের ভবনে হইবেক।

যাঁহারা তত্ত্ববোধিনী পত্রিকার মূল্য কিংবা পুস্তকাদি ক্রয় জন্য ভূঁই মনিঅর্ডার ইত্যাদি পাঠাইবেন তাঁহারা আদি ব্রাহ্মসমাজের সহকারী সম্পাদক শ্রীযুক্ত পণ্ডিত হেমচন্দ্র বিদ্যারত্ন মহাশয়ের নামে পাঠাইবেন।

যে সকল তত্ত্ববোধিনী পত্রিকার গ্রাহক মহাশয় বর্তমান বৎসরের মূল্য প্রদান করেন নাই তাঁহারা অনুগ্রহ পূর্বক চৈত্রমাস মধ্যে মূল্য পাঠাইবেন। না পাঠাইলে পশ্চাদ্দের হিসাবে অর্থাৎ বৎসরান্তে হিসাবে মূল্য গৃহীত হইবে।

মকসলস্ব যে সকল গ্রাহক মহাশয়ের নিকট তত্ত্ববোধিনী পত্রিকার মূল্য দুই বৎসরের বাকি আছে তাঁহারা শীঘ্র টাকা পাঠাইয়া উপকৃত করিবেন। টাকা না পাঠাইলে তাঁহাদের নিকট পত্রিকা রহিত করিতে অগত্য বাধ্য হইতে হইবে।

আয় ব্যয়।

ব্রাহ্ম সমাজ ৫৩।

আগ্নি, কাষ্টিক, অগ্রহায়ণ, পৌষ ও মাঘ।

আদি ব্রাহ্মসমাজ।

আয়	...	১৬৮২। ৬
পূর্বকার স্থিত		২৮৪২। ৩
সমষ্টি	...	৪৫২২ ৭/৯
ব্যয়	...	১৬৫৮। ০
স্থিত	...	২৮৭৩। ৩

আয়।

ব্রাহ্মসমাজ	...	৩৩০। ০
দান প্রাপ্তি		
শ্রীমৎ মহর্ষি দেবেন্দ্রনাথ ঠাকুর	...	২২১। ৩
" বাবু রমণীমোহন চৌধুরী রায় বাহাদুর		
ভুবনাগর	...	২৫।
" তারকনাথ দত্ত	...	১০।
" কান্তিচন্দ্র মুখোপাধ্যায়		
ডিক্‌গড়	...	৩। ০

শ্রীযুক্ত বাবু দেবেন্দ্রনাথ ঠাকুর

(পাত্রেঘাটা)

" গোবিন্দকৃষ্ণ সিংহ

" শ্যামবাল স্বর

" কৈলাশচন্দ্র সিংহ

" বেচানাম চট্টোপাধ্যায়

" মনমুখার বিদ্যাল

" গুজার চক্রবর্তী

" বাধামোহন দত্ত

" কুমারী কামাল

" নৃসিংহ বিদ্যাল

দুইটি শ্রীগোবিন্দ দান

শ্রীযুক্ত বাবু কালীমোহন দায়

(আনুমানিক দান)

" কল্যাণ রায়

(দান)

"

"

"

পরলোকগত পণ্ডিত

প্রাক্ত গবর্ণমেন্ট কা

মানাধারে প্রাপ্তি

সদ্যোক্ত কাগজ বিক্রয়

৩৩০। ০

তত্ত্ববোধিনী পত্রিকা

পুস্তকালয়

বন্দালয়

গচ্ছিত

ব্রাহ্মধর্ম গ্রন্থ প্রকাশের মূল্য দান

সমষ্টি

ব্যয়

ব্রাহ্মসমাজ

তত্ত্ববোধিনী পত্রিকা

পুস্তকালয়

বন্দালয়

গচ্ছিত

ব্রাহ্মধর্ম গ্রন্থ প্রকাশের মূল্য দান

সমষ্টি

শ্রীমোহননাথ ঠাকুর
দান